

E lab júu^ quiá'- Dsea` Jmáang- e cajme' MATEO

*Jaléng` 'lii~ yúu~ quiá'- Dsea` Jmáang-
(Lc. 3:23-38)*

¹ I lab jaléng` 'lii~ yúu~ quiá'- Dsea` Jmáang- i líng' siju` 'lii~ yúu~ dseata~ Daví^ cóo~ gui` 'lii~ yúu~ Abraham. ² Jo Abraham calisî tiquiá'^ Isáa' jo Isáa' calisî tiquiá'^ Jacóo^ jo Jacóo^ calisî tiquiá'^ Judá cóo~ jaléng` rúñ'. ³ Jo Judá calisî tiquiá'^ Fares cóo~ gui` Zara jo niquiá'r^ calisîr` Tamar. Jo Fares calisî tiquiá'^ Esrom jo Esrom calisî tiquiá'^ Aram. ⁴ Jo Aram calisî tiquiá'^ Aminadab jo Aminadab calisî tiquiá'^ Naasón jo Naasón calisî tiquiá'^ Salmón. ⁵ Jo Salmón calisî tiquiá'^ Booz jogui niquiá'r^ calisîr` Rahab. Jo Booz calisî tiquiá'^ Obed jogui niquiá'r^ calisî Rut. Jo Obed calisî tiquiá'^ Isaí. ⁶ Jogui Isaí calisî tiquiá'^ i dseata~ Daví^ jo íb` tiquiá'^ Salomón jogui niquiá'r^ i calíng- dseamî quiá'- Urías.

⁷ Jo Salomón calisî tiquiá'^ Roboam jo Roboam calisî tiquiá'^ Abías jo Abías calisî tiquiá'^ Asa. ⁸ Jo Asa calisî tiquiá'^ Josafat jo Josafat calisî tiquiá'^ Joram jo Joram calisî tiquiá'^ Uzías. ⁹ Jo Uzías calisî tiquiá'^ Jotam jo Jotam calisî tiquiá'^ Acáz jo Acáz calisî tiquiá'^ Ezequías. ¹⁰ Jo Ezequías calisî tiquiá'^ Manasés jo Manasés calisî tiquiá'^ Amón jo Amón calisî tiquiá'^ Josías. ¹¹ Jo Josías calisî tiquiá'^ Jeconías cóo~ jaléng` rúñ'. Jo ie~ job mi~ cató-

dsea` i seeng` fí Babilonia fíng` dsea` Israel fí` góor` e 'ñúuiñ` do.

¹² Jo mi` cangf`gui lajo, Jeconías calis` tiquiá` Salatiel jo Salatiel calis` tiquiá` Zorobabel. ¹³ Jo Zorobabel calis` tiquiá` Abiud jo Abiud calis` tiquiá` Eliaquim jo Eliaquim calis` tiquiá` Azor. ¹⁴ Jo Azor calis` tiquiá` Sadoc jo Sadoc calis` tiquiá` Aquim jo Aquim calis` tiquiá` Eliud. ¹⁵ Jo Eliud calis` tiquiá` Eleazar jo Eleazar calis` tiquiá` Matán jo Matán calis` tiquiá` Jacóó. ¹⁶ Jo Jacóó calis` tiquiá` Sé, jo i Sé do íb` i calí` dseañu` quiá`- Yá; jo i Yá do, íb` i líng` niquiá` Jesús i líng` Mesías e guóng`: Dsea` i caguíng` Fidié`.

¹⁷ Jo caliséng` guiquiú` 'lé` íng` dsea` catí` mi` caliséng` Abraham jo cartí` mi` caliséng` dseata` Daví, jo jié`gui guiquiú` 'lé` catí` mi` caliséng` dseata` Daví jo cartí` mi` cangojéng` dsea` Babilonia jaléng` dsea` Israel fí` góor` e 'ñúuiñ`, jo jiéng`gui guiquiú`gui 'lé` catí` mi` cangf` e cató` dsea` Babilonia jaléng` dsea` Israel fí` góor` jo cartí` mi` caliséng` i Mesías do i caguíng` Fidié`.

Mi` caliséng` Dsea` Jmáang`

(Lc. 2:1-7)

¹⁸ Lalab calí` mi` caliséng` Dsea` Jmáang`. Jo ie` jo seeng` jaang` simí` i sií` Yá i nininéé` júu` quiá`- cóo` jaang` siming` i sií` Sé, dsu` nu`- gui e nigüear` colíng` cangoquieeng` i Yá do yuu` la'eáang` cóo` Jmiguí` quiá`- Fidié`. ¹⁹ Jo i Sé do líiñ` jaang` siming` i dsíng`- guiúng`, joba` ja` cali`iñ` fa` e cajméer` dsee`- quiá`- i Yá do fí` quini` dsea`. Joba` ca`f` dsír` e nitiúung`- neiñ` do e ñm`jiu e laco` ja`

niliñí dsea. ²⁰ Jo lajee e í dsíí i Sé do e nijmér-
lajo, lajee güññ jo caquir e cajnéng jaang ángel
i líng guotii Fidiée i casíng dsea do. Jo í casí'r-
i Sé do jo cajíñ' :

—Sé, siju dseata Daví, ja jmoo 'gó e nicøn[^]
Yá e niliñ dseamí quiá', dsuco i jiuung i
quieeiñ na ca'uúñ cóo Jmiguí quiá' Fidiée.
²¹ Jo niliseeng jaang yuu siñuu quiá'r, jo 'nu[^]
nitó' e nilisiir Jesús, jo nilisiir lana dsuco nileáñ-
jaléng dsea quiá'r jee jalé dsee quiáñ'.

²² Jo jalé e cajíng i ángel do calí e laco caliti-
júu quiá' Fidiée e café jaang dsea i café cuaiñ
quiá'r malí gui eáang mi cajíñ' lala:

²³ Jaang simí nidsiquieeiñ jaang yuu siñuu,
jo mi niliseeng i yuu do, nitér e nilisiñ Emanuel
e guóng' :

Fidiée seeiñ cóo' jneaa'aa'.

²⁴ Jo mi cajné dsíí i Sé do, joba' cajmée bre
jalé e cajíng i ángel do jogui cacóm bre i Yá do
e nilí dseamí quiá'r. ²⁵ Dsu' ja caquiainí cóoiñ-
do cartí mi caliséng i yuu i quieeiñ do. Jo mi
caliséng í, joba' catée Sé e calisíñ do Jesús.

2

*Mi caguiling dsea i jmiting quiá' jaléng núu
fí Jerusalén*

¹ Jo caliséng Jesús fí cóo fí e sii Belén e née lí-
se' Judea. Jo ie jo líng jaang dsea i sii Herodes
dseata dsea féng' quiá' jalé fí e sea fí jo. Jo
ie job cajo caguiling fí Jerusalén tú 'ní míng-
dsea i jmiting quiá' jaléng núu, jo i dsea do
huíb eáang jalíñ fí lí lí guo' iee. ² Jo mi

caguiliñ⁻ fi' Jerusalén, cajmingí'r⁻ jaléng' i dsea⁻ seeng⁻ fi' jo, jo cajíñ⁻:

—¿Nang⁻ i dseata⁻ dsea⁻ féng' quiá⁻ dsea⁻ Israel i nicaliséng⁻ do? Dsucó' nicanéeng⁻ naa' núú' quiá'r⁻ fi' lí' lí' guo' iee, joba' ne⁻ naa' e nicaliséiñ⁻ jo lana nijáa' naa' e nijmiféng' naa're.

³ Jo mi⁻ canúu⁻ dseata⁻ Herodes e júu⁻ jo, dsíng'⁻ jo⁻ tii⁻ seeiñ⁻, jogui lajobi cajo jaléng' dsea⁻ i seeng⁻ fi' Jerusalén. ⁴ Joba' i dseata⁻ do cató'r⁻ jaléng'⁻ fii⁻ jmidsea⁻ quiá⁻ dsea⁻ Israel cóo' gui jaléng'⁻ tifa' quiá⁻ júu⁻ quiu' ta⁻ quiá⁻ dsea⁻ Israel jo cajmingí'r⁻ reiñ⁻ do jo cajíñ⁻:

—¿Jie⁻ fi' lí' niliseeng⁻ i Mesías?

⁵ Joba' cañí' i dsea⁻ do quiá⁻ i dseata⁻ do jo casí⁻ reiñ⁻:

—I dsea⁻ í niliseeiñ⁻ fi' cóo' fi⁻ e sii⁻ Belén e néé' lí' se' Judea; dsucó' lajob cajme' jaang⁻ dsea⁻ i café' cuaiñ⁻ quiá⁻ Fidiéé' malii⁻ gui eáang' mi⁻ cajíñ⁻ lala:

⁶ E fi⁻ pí' e sii⁻ Belén do néé' fi' lí' se' Judea, dsu' e fi⁻ jo ja' ga' lí' niing⁻ lajee⁻ lajalé' fi⁻ e sea⁻ fi' jo,

dsu' fi' job lí' nigüi'ling' jaang⁻ dseata⁻ dsea⁻ féng'⁻ i nicá' nifí' quiá⁻ jaléng' dsea⁻ quié⁻ e, dsea⁻ i líng' dsea⁻ Israel.

⁷ Joba' i dseata⁻ Herodes do cató'r⁻ jaléng' i dsea⁻ i jmitíng⁻ quiá⁻ jaléng' núú' do fi' cóo' lí' ja' ga' lí' ní' dsea⁻ jo cajmingí'r⁻ dsea⁻ do e' í' ngóo' mi⁻ cajnéng⁻ i núú' do. ⁸ Jo mi⁻ cangí' jo, i dseata⁻ do casíñ⁻ i dsea⁻ í fi' Belén jo casí⁻ reiñ⁻ do lala:

—Güiling⁻ na' fi' jo, jo güijmidseáang⁻ óo' na' laji' e lí' na' quiá⁻ i jiuung⁻ do; jo mi⁻

niguiéng'na're, jmée'na' jnea~ júu^, job cuøøng`
ni'i e nijmifén'nre cajo.

⁹ Jo mi~ cató' sí' dseata~ Herodes i dsea` do lajo,
joba' catam'~tuiñ' do fí' ngolíiñ-. Jogui i núu' i
cangáiñ- jéeng` do, ngóo'biñ' do laco' ngolíiñ-, jo
coob` mi~ caje' i núu' do fí' yú^ 'núu' li~ guing~ i
jiuung~ do. ¹⁰ Jo i dsea` do eáam' iáang` dsíir' dsu' e
níiñ- i núu' do. ¹¹ Jo mi~ caguiliñ- fí' e 'núu' do, dsifí'
ladob cangotáaiñ~ e fí' dsíi' sinúu^ do jo cangáiñ- i
jiuung~ do cóo'~ niquiáiñ'^ Yá^. Jo casí'r' uø- jnir~ fí'
quini~ i jiuung~ do jogui canaaiñ` e jmiféng'neiñ'
do cajo. Jo mi~ calí- e cajmér- e jo, jo caneáar'
guóo' quiár- e quier' do, jo cacuø'r' i jiuung~ do
cunée~ cóo'~gui sù e 'mo'^ eáang' cóo'~gui cuií' e
jlo'^ jmeafii cajo. ¹² Jo mi~ cangî jo, caquim'~tu
i dsea` do fí' góor`. Dsu' fí' li~ jieb^n caquiñ'- do
dsuco' Fidiée~ cajmea'breiñ' júu^ lajee~ güiñ' do e
ja` cuøøng` niqing'~tuiñ' do fí' li~ guing~ i dseata~
Herodes do.

*Mi~ cacuií' Sé^ cóo'~ Yá^ cóo'~gui i jiuung~ do e
cangolíiñ'^ fí' Egipto*

¹³ Jo mi~ cangî e nicangolíng` i dsea` i jmitíng`
quiá'- jaléng' núu' do, jo lajee~ güing` i Sé^ do,
caleáb'tu caquiñ' jaang` ángel quiá'- Fidiée'. Jo i
ángel do casí'r- i Sé^ do jo cajíiñ'-:

—iSé^, ráan'- jo jéeng` i jiuung~ na cóo'~gui
niquiá'r^ jo cuií'-na' fí' Egipto! Jo fí' job nijá^na'
cartí' mi~ nijmée'e 'núu' júu^, dsuco' i dseata~
Herodes do ni'náiñ' i jiuung~ na e nijngám'~bre.

¹⁴ Joba' caráam- i Sé^ do ladsifí' lado, jo uøø`
job cataiñ'- fí' e cangojéiñ` i jiuung~ do cóo'~gui
niquiáiñ'^ do fí' Egipto. ¹⁵ Jo dob cajeiñ' cartí' mi~

cajúng̃ i dseata~ Herodes do. Jo cangojée' e la e lí^ laco' caliti~ lajii' júu^ e cajíng' Fidiée' la'eáang' cóo' jaang` dsea` i café` cuaiñ~ quiá'r- malii~ gui eáang' mi~ cajíñ'- lala: “Catóø-ø Joo`o e nigüi'fir' fi' Egipto.”

Mi~ cajnga' dsea` quiá'- jaléng' jiuung~ ping'^

16 Jo mi~ calilí^ i dseata~ Herodes do e cajmigóøm` i dsea` i jmitíng` quiá'- jaléng' núu' do ír, joba' dsíng'- caliguiñ~; jo caquiá'r' ta~ jaléng' léé- quiá'r- e nidsijngáaiñ~ jaléng' jiuung~ i ping'^gui laco' tú- jí i seeng` fi' Belén cóo' gui jaléng' jiuung~ ping'^ i seeng` fi' fiñ e née' lacúng' lajíng` e fiñ jo i ngolíng- í' lajo cajo. Jo cajngam'bre lí^ laco'gui jíi' jii' e cajíng'- i dsea` i jmitíng` quiá'- jaléng' núu' do. 17 Jo cóo' e nab caliti~ e júu^ e cajme' jaang` dsea` i café` cuaiñ~ quiá'- Fidiée' malii~ gui eáang' i calisí Jeremías mi~ cajíñ'- lala:

18 Jo caná' óo` jaang` dseamî fi' coo` fiñ e sii' Ramá, jo dsíng' qui'r' jogui óor`;
Raquéeb^ sii` i dseamî do jo qui'r' uí~ jiuung~ quiá'r- dsuco' nicajúm-bing',
jo ja` iin~ nimíñ- co' dsíng'- lijiuung~ dsíir'.

19 Jo mi~ cangi e cajúng- i dseata~ Herodes do, fi' Egipto táang` i Sé^ do lajee` jo. Jo coo` ya' lajee` e güññ, caquím-tur jaang` ángel quiá'- Fidiée', jo í casí'r- Sé^ jo cajíñ'- lala:

20 —Sé^, ráan'-, jo quíng'tu' cóo' i jiuung~ na cóo' gui niquiá'r^ fi' lí se' Israel, co' lana nicajúm- i lamí iing` jngáng'- i jiuung~ na.

21 Joba' lajob cajmée` Sé^, caráam-bre jo cató-bre i jiuung~ do cóo' gui niquiáñ'^ do fi' lí se' Israel.

22 Jo dsu' mi~ caliñir' e Arquelao niguiiñ~ líiñ' dseata~ dsea` féng' quiá'- lí' se' Judea eáang^ quiá'- i tiquiá'r^ dseata~ Herodes do, joba' eáam' cafóñ' jo jo` cangáiñ'- fí' jo, co' Fidiée~ cajme'tureiñ' júu^ lajee~ güññ' e ja` cuóøng` nidsiliñ' fí' jo. Joba' fí' lí' se' Galileab cangoliñ'. 23 Jo mi~ caguiéng'- Sé' fí' lí' se' Galilea, jo cangogüear' fí' coo' fiñ' e sii' Nazaret e néé' fí' jo. Jo calí- e na e laco' caliti~ jalé' júu^ e café' dsea` i café' cuaiñ~ quiá'- Fidiée~ malii~gui eáang' mi~ cajíñ'- e Jesús nilisiir` jaang` dsea` nazareno.

3

Mi~ canaang` Juan i seáang` dsea` jmii` e guiar` júu` quiá'- Fidiée`

(Mr. 1:1-8; Lc. 3:1-9, 15-17; Jn. 1:19-28)

1 Jo mi~ cangí'gui jmiguiú' jii` lajo, jo ie~ jo cangí' jaang` dsea` i sii' Juan i seáang` dsea` jmii' fí' ni~ guóo'~ uó^ quiú' fí' lí' se' Judea, 2 jo guiar' júu^ jo fé'r' lala:

—Qui'~ jíng'~ yaang~na' fí' quini~ Fidiée~ uii'~ dsee~ quiá'na', dsuco' nijaquiéem'ba' e nicá' dsea` do nifí' quiá'- lajaang` lajaang` dsea` jmigüí'.

3 Jo malii~gui eáang' caliséng` jaang` dsea` i calisí' Saíi^ i café' cuaiñ~ quiá'- Fidiée~, jo íb` i café' uii~ quiá'- i Juan do mi~ cajíñ'- lala:

Ngí' jaang` dsea` i fé'~ teá' fí' ni~ guóo'~ uó~ quiú' jo fé'r' lala:

“Jmeáang'~na' guiú' fí' jogui' nea~na' condsée',
co' lana tí' lí' nijáab' Fii'naa'.”

Jo jalé' e na cajíng'~ Saíi^ fí' ni~ jì' quiá'- Fidiée~ do.

4 Jo sí'^ i Juan i seáang` dsea` jmii` do líí' cóo'~ layaang~ jñú^ loo~ jó' camello, jogui' 'ñúú' tu'r' coo' 'ñtu' e líí' cóo'~ loo~ jó', jogui' jmítaang~ 'ñia'r' cóo'~

sini¹ i cóong¹ cóo¹gui ta¹ e dsér¹ fí jee¹ mó¹. ⁵ Jo jaléng¹ dsea¹ i seeng¹ fí Jerusalén cóo¹gui jaléng¹ dsea¹ i seeng¹ fí lí¹ se¹ Judea cóo¹gui jaléng¹ i neáang¹ quiá¹ gua Jordán dsiliñ¹ e dsinúur¹ jalé¹ júu¹ e guía¹ i Juan do. ⁶ Jo jaléng¹ i dsea¹ do jmóor¹ júu¹ lajii¹ dsee¹ e nica'éer¹ quiá¹r¹, jo lí¹ jo i Juan do seáiñ¹ jmii¹ jaléng¹ i fí é¹ gua Jordán.

⁷ Jo mi¹ cangá¹ i Juan do e fíim¹ dsea¹ Israel i líng¹ dsea¹ fariseo cóo¹gui dsea¹ Israel i líng¹ dsea¹ saduceo jalíñ¹ e iñ¹ nisáiñ¹ jmii¹, joba¹ cajín¹ casí¹r¹ jaléng¹ i dsea¹ do lala:

—iJóo¹ mi¹ guíng¹ 'nú¹! ¿I¹ nicasí¹ 'nú¹ e nileáng¹na¹ jee¹ iihuí¹ e nijaquíéng¹ e nicuó¹ Fidié¹? ⁸ Jo ee¹na¹ røø¹ fí quini¹ dsea¹ jo jmiliing¹ yaang¹na¹ e laco¹ nililí¹ jaléng¹ dsea¹ rúng¹na¹ e já¹ba¹ e nicaquí¹ jíim¹ yaang¹na¹ fí quini¹ Fidié¹. ⁹ Jo ja¹ jmijløng¹ yaang¹na¹ e fó¹na¹: “Jnea¹ lí¹naa¹ dsea¹ siju¹ 'lii¹ yáa¹ Abraham”; co¹ jnea¹ jmítáa¹ óo¹na¹ e Fidié¹ cuøø¹ lí¹ jmér¹ e cuu¹ née¹ na e ni'uíng¹ dsea¹ siju¹ 'lii¹ yáa¹ Abraham faco¹ iñ¹ lajo.

¹⁰ Jo cajíng¹gui Juan casí¹r¹ jaléng¹ i dsea¹ do lala:

—Ninéeb¹ guíá¹ ñigui¹ quiá¹ Fidié¹ e niquíá¹r¹ jalé¹ 'ma¹ catí¹ jmó¹ quiá¹. Co¹ jalé¹ 'ma¹ ofii¹ e ja¹ cuø¹ ofii¹ e guíá¹ nihuí¹b¹ jo nidsitoo¹ fí ni¹ jì. ¹¹ E já¹, jnea¹ seáan¹ 'nú¹ jmii¹ jii¹ cóo¹ layaang¹ jmii¹b¹ e laco¹ cuø¹ lí¹ e nicaquí¹ jíim¹ yaang¹na¹ fí quini¹ Fidié¹; dsu¹ i dsea¹ i nijáa¹ mi¹ ningúng¹ jnea¹ niseáiñ¹ 'nú¹ jmii¹ cóo¹ Jmiguí¹ quiá¹ Fidié¹ jogui cóo¹ jì cajo. Jo i dsea¹ i dsíng¹gui 'gøiñ¹ laco¹ jnea¹ e jii¹ jnea¹ ja¹ catín¹ n co¹ sí¹ capí¹ ñi¹ 'ñúu¹ lomii¹r¹. ¹² Jo quier¹ coo¹ e jmáíñ¹ ta¹ quiá¹ e nisíñ¹

micui'iee, jo nisér- ca' e qui' quiá'- do. Jo dsu' e micui'iee do ni'mear- fi' dsí' sinúu^ jogui e qui' do quiá'- nijí-bre fi' lí coo' jí e ja` tóo jmi~ yu'.

*Mi~ cajgáang- Jesús jmi~
(Mr. 1:9-11; Lc. 3:21-22)*

¹³ Jo mi~ cangí jo, cagüi'íí Jesús fi' lí se' Galilea jo cangór- fi' lí táang` i Juan do fi' gua` Jordán e laco' dsea` í nisé- jmi~ quiá'r-. ¹⁴ Dsu' i Juan do ja` lamí iin~ e niseáin- dsea` do jmi~, jo lalab cajín'- casí'-reiñ':

—'Nub` dsea` catín'- e niseáan'~ jnea~ jmi~; jo zjalí' ñi' e iin' e jnea~ niseáan~ n 'nu' jmi~?

¹⁵ Joba' cañí' Jesús jo casí'-reiñ':

—Lí' jmee- laco' e fíi- i 'nu' lana; co' la guím` 'né- jmití'ii' jalé' ta~ quiu' Fidié~ e 'né- jmó'oo'.

Joba' ca'íb- dsí' i Juan do e niseáin- dsea` do jmi~. ¹⁶ Jo dsifí mi~ cajgáang- Jesús jmi~, jo cagüi'íí-bre fi' dsí' jmí. Jo ladsifí lanab cana' fi' yú'^ jmigüi, jo cangá- Jesús e cajgó- Jmiguí quiá'- Fidié~ fi' yú'^ moguir~ e ling~ jaang` mee~. ¹⁷ Jo guicanú' coo` luu~ e jáa' fi' yú'^ jmigüi jo guicajíng'- lala:

—I nab Joo`o i 'neáan`n eáang', jo dsíng'- iáang` dsii- cóo'r~.

4

*Mi~ cajmée' fi' i 'ling'^ quijí- jial ni'é- Jesús dsee-
(Mr. 1:12-13; Lc. 4:1-13)*

¹ Jo mi~ cangí e cajgó- Jmiguí quiá'- Fidié~ fi' yú'^ mogui~ Jesús, jo e Jmiguí do cangojéeng` dsea` do fi' coo` guóo'~ uó- quiú' e laco' fi' i 'ling'^ nijmér- quijí- jial e ni'é- dsea` do dsee-.

² Jo fí job cateáang` Jesús lajee` tuló` jmíi` jogui tuló` uø` jo ja` e cagø`r` jii` coo` lajee` jo. Jo mi` cangf`gui lajoba` cadseá` jmi`aaiñ`. ³ Jo lajee` job cangoquiéeng` i fii` i `ling`^ do fí li` sing` Jesús e jmóor` quiij` jial ni'é` dsea` do dsee`, joba` casí`r` dsea` do lala jo cajíñ`-:

—Song já` e `nu` lin` i Joo` Fidié` camíng` do, quiúu` ta` e ni`uíng` iñi`^ e cuu` e née` na.

⁴ Jo dsu` dsifí` lajob cañi` Jesús quiá`- i fii` i `ling`^ do jo cajíñ`-:

—Dsu` lalab fé` fí` ni` jì` quiá`- Fidié`: “Ja` niliseeng` jaléng` dsea` jmigüi` juguiá` e lico` ni`i` nidø`r` jalé` e sea` fí` jmigüi`, co` `né` e nijmitir` jalé` ta` quiu` fí` ni` jì` quiá`- Fidié`, jo lajoguiba` niliseeiñ` juguiá`.”

⁵ Jo mi` cangf` jo, i fii` i `ling`^ do cangojéeiñ` Jesús fí` fii` güeang`^ quiá`- dsea` góor` dsea` Israel e sii` Jerusalén, jo caseáaiñ` dsea` do cartí` yú`^ guá`- fé` e si` fí` jo. ⁶ Jo lajee` niteáaiñ` fí` jo, lalab casí`r` Jesús jo cajíñ`-:

—Song já` e lin` i Joo` Fidié` camíng` do, bíng` uø` cartí` uii` quiá`- e guá`- la; dsuco` fí` ni` jì` quiá`- Fidié` fé` lala:

Fidié` niquiá`r` ta` jaléng` ángeles i líng` guotíir` e nijmér` í` `nu`,

jo nisáiñ` `nu` cóo`~ guoor` lajee` guiáng`~ guo` guiá` güi` e laco` ja` nititaan`~ cartí` ni` uø`.

⁷ Joba` cañi` Jesús jo casí`-reiñ`:

—Dsu` lala fé`gui fí` ni` jì` quiá`- Fidié` cajo: “Ja` jmoo` jial ni'é` Fíi` Fidié` dsee`.”

⁸ Jo mi` cangf` e jo, i fii` i `ling`^ do cangojéeiñ` Jesús fí` coo` yú`^ mói` e ñi` eáang`, jo ca`e`r` dsea`

do jalé' fii' e sea' fí jmiǵüû jogui jial niing- lacoo' lacoo'; ⁹ jo i fii' i 'ling'^ do casí'r- Jesús jo cajíñ'':

—Jnea~ nicuøø^ø 'nua' lajalé' e móo'- na song nisi'^ uø- jni'^ fí' quini- jogui nijmifén' jnea~.

¹⁰ Joba' cañí' Jesús jo casí'-reiñ':

—Güihuíng- cáan'n, Satanás, dsuco' fí' ni~ jì quiá'- Fidié' fé'gui: “Jíi'~ Fidié' dsea' guing~ ñifí'-bing' nijmifén', jo jíi'~ ta~ quiu' íbre e nijmití'^ cajo.”

¹¹ Jo dsifí' lajob cajmi'náng' 'ñaia' i fii' i 'ling'^ do fí' lí~ sing' Jesús, jo lí- jo caguilíng- tú- 'ní' míng'~ ángeles fí' lí~ sing' Jesús e cangoto' fíiñ' dsea' do.

Mi~ canaang' Jesús jmóor' ta~ quiá'r- fí' lí~ se'
Galilea

(Mr. 1:14-15; Lc. 4:14-15)

¹² Jo mi~ cangí jo, jo caliñí' Jesús e 'nuñíb^ ni'iuung- Juan i seáng' dsea' jmií, joba' caquim'-tur fí' lí~ se' Galilea. ¹³ Dsu' ja' cajer' fí' Nazaret, co' dob cangogüear' fí' Capernaum fí' 'ni' guiéé' Galilea, fí' lí~ se' lí~ neáng' dsea' Israel i líng' dsea' siju~ Zabulón cóo'~gui Neftalí. ¹⁴ Jo cangojéé' jalé' e jo e laco' caliti~ lajii'~ júu^ quiá'- Fidiéé' e cajme' Saíí', jaang' i café' cuaiñ~ quiá'- Fidiéé' mali~gui eáang' mi~ cajíñ'- lala:

¹⁵ E guóo'~ uø- quiá'- dsea' siju~ Zabulón cóo'~gui Neftalí

née' cáang' gua' Jordán fí' 'ni' guiéé' Galilea fí' dsí' lí~ se' Galilea cajo.

Jo fí' job lí~ seeng' dsea' i ja' cuíng' Fidiéé'.

¹⁶ Jo lafa' i seeng' fí' lí~ nuu' sò' líng' jaléng' i dsea' í,
dsu' cangár- coo' jì e jlo'^ niing- 'gøng'.

Jō jaléng' ì dseá' î líiñ' lafa' sijúuiñ' uí' dsee' quiá'r',
dsu' nicajneá' e jì do jee' ír'.

17 Jō lajee' e niguiing' Jesús fí Capernaumba' canaaiñ' guiar' júu' quiá'r' jō fé'r':

—Quí' jíng' yaang' na' fí quini' Fidié' uí' dsee' quí' na', dsuco' nijaquíém' ba' e nicá' dseá' do nifí quiá' lajaang' lajaang' dseá' jmigüf'.

Mi' cató' Jesús quiúung' dseá' ì jmóo' ta' sáng' 'ñu'
(Mr. 1:16-20; Lc. 5:1-11)

18 Jō mi' cang' jō, lajee' e ngóo' Jesús ngir' fí 'ni' guiéé' Galilea, cangáñ' gáng' dseá' ì la'ó' rúng', jaang' ì sií Simón jō sií'bir Tú' cajo, jō jaang'gui ì sií Dí'. Jō lajì huáaiñ' do taaiñ' ta' feá' 'máa' fí dsí' jmí quiá' e sáñ' 'ñu'. 19 Jō Jesús casí' reiñ' jō cajíñ':

—'Nú' ñilíng' na' cóo' jnea~, jō jnea~ nicuóøø' 'nú' ta~ e guíá' na' júu' quiá' Fidiéé' fí jee' dseá' jmigüf', jō líb'jiu e ta~ jō la lí' ta~ sáng' 'ñu'.

20 Jōba' ì dseá' do dsifí ladob catár' 'máa' quiá'r' jō cangolímbre cóo' Jesús.

21 Jō tí' dobijiu ningóo' Jesús cóo' ì dseá' do mi' cangáñ' jíéng'gui gáng' dseá' ì la'ó' rúm' cajo, jō jaañ' do siir' Tiáa~ jō jaang'gui ì sií Juan. Jō lajì huáaiñ' do líiñ' jóo' jaang' dseañu' ì sií Zebedeo. Jō teáaiñ' fí cóo' dsí' móo' colíng' cóo' tiquiá'r' e jmo'r' jalé' 'máa' quiá' e sáñ' 'ñu'. Jō Jesús cató' reiñ' do, 22 jō dsifí lajob ca'uøøiñ' do e fí dsí' móo' lí' teáaiñ' do jō cangolímbre cóo' Jesús, jō dob caseáaiñ' ì tiquiá'r' do.

Mi' ca'e' Jesús fñng' dseá' jalé' júu' quiá' Fidiéé'
(Lc. 6:17-19)

23 Jo mi~ cangâ jo, cangi' Jesús fí la'úng- fí lí se' Galilea e e'r' jaléng' dsea` Israel júu^ quiá'- Fidiéé' fí dsí' guá'- quiá'r- e téé- laco` fíi. Jo guiar' júu^ quiá'- Fidiéé' e nijaquíem'ba' e nicá dsea` do nifi' quiá'- lajaang` lajaang` dsea` jmi'güi. Jogui jmi'leáam` bir jaléng' dsea` i ling' lí^ doñí ee` jmohuí' osi lí^ doñí jíe' lí cu' quiáiñ'- é. 24 Jo eáam' nini' júu^ quiá'- Jesús quiá'- jalé' e guiá- e jmóor` do fí la'úng- fí lí se' Siria. Jo jaléng' dsea` i seeng' fí jo dsilíiñ- fí lí táang` Jesús e dsijéeiñ` jaléng' dsea` dsée' quiá'r- lí^ doñí ee` jmohuí' líiñ'; jo quiéeng' i jée' i 'ling'^ quiá'- cóo'~gui jaléng' i joñíing` jogui jaléng' i caang` guotii` jogui jaléng' i ja` lí ngí-, lí^ lajaléng' i na dseáng'- jmi'leáam` Jesús.

25 Jo eáam' fíing' jaléng' dsea` i ningí cóo'~ Jesús; jo jaléng' i dsea` i seeiñ' do i seeng' fí lí se' Galilea jogui seem`bi i jalíng- fí jalé' fíi e téé' fí lí se' Decápolis jogui seem`bi i jalíng- fí Jerusalén jogui seem`bi cajo jaléng' dsea` i jalíng- fí lí se' Judea cóo'~gui jaléng' dsea` i jalíng- lí^ lí 'ngóo'~ laco' iá` gua` Jordán.

5

Jalé' júu^ e ca'e' Jesús dsea` quiá'r- fí cóo` yá'^ mó' (Lc. 6:20-23)

1 Jo mi~ cangá- Jesús e fíing' dsea` ngolíng- caluur' laco' ngóor', joba' cajgóor- fí cóo` yá'^ mó' jo fí job caguár. Jo jaléng' i dsea` quiá'r- do cangoquíeiñ' fí lí guíing~ dsea` do, 2 jo Jesús canaaiñ' e' reiñ' do jo cajíñ'-:

3 —Juguiá-jia quiá'- jaléng' dsea` i ñí' e 'neaiñ- Fidiéé', co' dsea` íb` dsea` i quie' nifí' quiá'r-.

4 'Juguiá-jia quiá'- jaléng' dsea` i dsíng'- lijjuung~ dsíí', co' Fidiéeb~ nijmi'iaaiñ` dsíí' jaléng' i dsea` í.

5 'Juguiá-jia quiá'- jaléng' dsea` i 'neáng- Fidiéé', co' ñiñir' e jíí'~ coo` ja` e quíí'r~ jmíí~ jmér- yaaiñ~; jo Fidiéé'bing' i nicuø' jaléng' i dsea` í jalé' e catíiñ- lí'~ laco' jíí'~ júu^ e nicacuø' reiñ' lamí~ jéeng' gui.

6 'Juguiá-jia quiá'- jaléng' dsea` i dsíng'- iing~ jmé- jalé' e iing~ Fidiéé', co' dsea` í'bing' i nijmicoo'~ quiá'r- e nilí'bre jmér- jalé' e jo.

7 'Juguiá-jia quiá'- jaléng' dsea` i fíí- líng- jaléng' dsea` rúng', co' Fidiéeb~ nilí' fíí- líiñ- jaléng' i dsea` í.

8 'Juguiá-jia quiá'- jaléng' dsea` i guing~ dsíí' e jmóor` jmang'- jalé' e guiá-, co' jaléng' dsea` í'bing' i niníng- Fidiéé'.

9 'Juguiá-jia quiá'- jaléng' dsea` i jmóo` quijí- jial niliseeng` dsea` juguiá- cóo'~ dsea` rúíñ', co' Fidiéé'bing' nijíng'- e dsea` í'bing' líng' jóor'.

10 'Juguiá-jia quiá'- jaléng' dsea` i dsingúng- e jmóí'- dsea` ga` quiá'r- uíí'~ e jmóor` jalé' e iing~ Fidiéé', co' i dsea` i dsingúng- jalé' e jo, Fidiéé'bing' i quie' nifí' quiá'r-.

11 'Juguiá-jia quií- 'nú' mí~ fé' dsea` ga` uii' quíí' na' jogui jmáiñ' 'nú' jogui sí'r' 'nú' jalé' júu^ e o' já'- uíí'~ e líng'na' dsea` quie'-e. 12 Jmi'iaáng` óo'na' jogui güiliseeng'na' juguiá-, co' dsíng'- niguo'^ e ni'íng'~na' quiá'- Fidiéé' e sí'má'r^ quíí- na' fí' ñíí'. Dsaco' jaléng' dsea` i café' cuaiñ-

quíá' Fidiéé' malíĩ'gui eáang', lajob cajmeáng' dsea` ír` cajo.

'Nú' líng'na' laco' la lí' ñi' cōo'gui la lí' jì' fí' jee` jaléng' dsea` jmigüü'

(Mr. 9:50; Lc. 14:34-35)

¹³ Jo casí'gui Jesús i dsea` quiá'r` do lala:

—'Nú' líng'na' la lí' ñi' jee` jaléng' dsea` jmigüü', dsu' fíng cajéng' e ñii' e ñi' do, joba' jo` quí' jmiĩ' jóng fa' e niliĩii~tu calé' catú'. Jo cō' jo` e ta` íng` jíi' cōo' e ñi' do, joba' nibib' fí' guiá'^ fí' jóng, jo jaléng' dsea` i ngí' fí' jo niso'óm'bre.

¹⁴ Jogui 'nú' líng'na' la lí' cōo' jì' jee` jaléng' dsea` jmigüü'. Cofa' cōo' fii' e née' fí' cōo' yú'^ mó' ja` quí' jmiĩ' fa' e ni'méng' 'ñia' e ja` cuóøng` lí' jøø` dsea'. ¹⁵ Jogui cajo ja` 'gui' dsea` cōo' candíi' jo nisí'r' fí' cōo' lí' cøøng'~, cō' 'né' nisí' dsea` cōo' lí' ñi'ba' do, jo lajoba' cuø' jì' e jné' dsea` i neáang' fí' dsíi' sinúu'. ¹⁶ Jo lajob 'nú' cajo, dsea` nilíng'na' lafa' jì' fí' quini' jaléng' dsea` jmigüü', jmi'úung'na' e nijmee'na' jalé' e guiá' fí' jee` jaléng' dsea` rúng'na', cō' mi' niní' dsea' e jmoo'na' jalé' e jo, joba' lajĩm'bre nijmiféiñ' Tiquí'ii' dsea` guiing' ñifí' jóng.

Mi' ca'e' Jesús cuaiñ~ quiá' júu^ quiu' ta~ quiá' Fidiéé' e cajme' Moi'

¹⁷ Jo lí' jo, lalab casí'gui Jesús i dsea` quiá'r` do jo cajíñ'':

—Ja' í' óo' 'nú' e cagá'a fí' jmigüü' la e caga'ín'n jalé' júu^ quiu' ta~ quiá' Fidiéé' e cajme' Moi', o'gui e caga'ín'n jalé' júu^ e ca'e' jaléng' i dsea` i café' cuaiñ~ quiá' Fidiéé' malíĩ'gui eáang'. Cō' ja` cagá'a fa' e caga'ín'n jalé' e jo, cō' jnea' cagá'a

fi' jmigüi' la e li' laco' niliti' jalé' e júu' job. 18 Jo jmitaa' óóna' e lajee' róob' guóol' uó' jmigüi', ja quí' jmí' fa' e nijé' jii' camí' e júu' quiu' ta' do carti' mi' nidsijé' jalé' e nisi'í' e nidsijé' do. 19 Joba' i dsea' i ja' jmóo' núu' fa' camí' júu' quiu' ta' quiá' Fidié' e cajme' Moi, doñi' fa' ja' 'ga' lí niing' e júu' camí' do, o'gui e'r dsea' rúin' jial e nijméin' do núu'r' e júu' jo, joba' i dsea' í ni'uiin' jaang' i ja' niing' jii' capí' fi' quini' Fidié' mi' tí lí nicá' dsea' do nifi' quiá' lajaang' lajaang' dsea' jmigüi'. Dsu' jaléng'gui dsea' i núu' jalé' e júu' quiu' ta' do jogui e'r jaléng' dsea' rúin' e nijméin' do lajo, joba' i dsea' í ni'uiin' dsea' i niim' fi' quini' Fidié' mi' tí lí nití' í' e dsea' do nicár' nifi' quiá' lajaang' lajaang' dsea' jmigüi'. 20 Joba' fí' i 'nú' e song ja' nijmi'úung'na' e nijmee'na' núu'na' jalé' júu' quiá' Fidié' røø'gui laco'gui i tifa' quiá' júu' quiu' ta' quiá' dsea' góonaa' dsea' Israel jo cóo'gui jaléng' dsea' góonaa' i líng' dsea' fariseo, joba' ja' quí' jmí' jóng fa' e Fidié' nicár' nifi' qui'na' mi' tí lí nití' e í' jo.

Mi' ca'e' Jesús jial lí' mi' guíng' dsea'
(Lc. 12:57-59)

21 Jo mi' cangí' jo, Jesús ca'er' e júu' la jo cajíin'—

—Jo 'nú', nicanuu'ba' lajii' júu' e ca'íng' dsea' áang' qui'naa', jo e lab e jo: “Ja' jngán' dsea' rún', dsuco' ii' i jmóo' lajo, joba' fi' quini' dseatab' catíng' dsér' e nitidsí' í' quiá'r' laco' catíng'.”

22 Dsu' jnea'gui fí' i 'nú' e doñi' ii' dsea' i liguíng' quiá' jaang'gui dsea' rúng', joba' fi' quini' dseatab' catíng' dsé' i dsea' í' e laco' nitidsí' í' quiá'r'. Jo ii' dsea' i jmineang' jaang' dsea' rúng',

jòba' i dsea` î, dsea` còong` i quiá' ta` quiá'- dsea` Israel catíng` niquidsí' í' quiá'r-. Jògui iì dsea` i cuòong` júu` 'li` jaang`gui dsea` rúng`, jòba' fí' lí' 'lib` catíng` i dsea` î fí' lí' coo` jí' e ja` tóo` jmí` yá'.

23 'Jò mí` güilíng`-na' fí' guá'- e líng` e e` güicuòò`-na' Fidié` fí' nife', jò lajee` jò niguiéng` óó'na' e seeng` jaang` dsea` i jmoo`na' mí` còo', 24 jòba' dob 'né` sée`-na' e quié`na' do, jò nigüilíng`na' e nijmití' óó'na' la'uii` còo' i dsea` rúng`na' i jmoo`na' mí` còo' do. Jò mí` ningí, jòguiba' nicuòong` e güicá`na' fí' nife` jalé` e quié`na' do jóng.

25 'Jò song iì dsea` 'náng` 'nú' lajii` dsee` e nica'ee`-na', jògui iin` e nidsijéiñ` 'nú' fí' quini` dseata~, jòba' guiú`-gui jmí'úung`na' jóng e nisiing`na' røø` còo' i dsea` do la'uii~, ná'-gui e nijáiñ` 'nú' fí' jaguó` dseata~; dsucò' song ja` nijmee`-na' lajò, jòba' i dseata~ do nijáiñ` 'nú' fí' quini` jaléng` í' quiá'r- jò 'nuiñ` nitáiñ` 'nú' jóng. 26 Jò jmitaa` óó'na' e ja` ni'uòng`na' e fí' dsí' 'nuiñ` do cartí' niquá`na' jalé' cuu` e nimí'- i dseata~ do 'nú'.

Mí` ca'e' Jesús e ja` dseeng` e güiing` dsea` còo' dsea` i o' quiá'r-

27 Jò mí` cangí jò, ca'e'gui Jesús e júu` la jò cajíñ`-:

—Nicanúub` 'nú' e júu` la malí`gui eáang`: “Ja` 'lee' e nigüín` còo' dseañ` osi dseamí` i o' quiá'.”

28 Dsu' jnea` fí`-i 'nú' e doñí` iì i suung` jaang` dseamí` jò í' dsí' e iin` güiñ` còoiñ` do, jòba' lí' lafa' nicajmée`bre e jò mí` ca'í' dsí' lajò còo' i dseamí` do, jò dseeb` nica'éer` fí' quini` Fidié` jóng.

29 'Jɔ lajɔb líí, song jminíˆna' dsée' jmóo` e niténgˆna' fí ni~ dsee-, jɔba' guiá-gui e guíˆba' jɔ nigüibíˆna' fí lí huíi- laco' seengˆna' yaang~na'; dsuco' guiá-gui quíi-na' e ni'íng- capíˆ ngúú táangˆna' e laco'gui e nibíngˆna' latøøng-na' fí lí 'líˆ. 30 Jɔgui song guóoˆna' dsée' jmóo` e niténgˆna' fí ni~ dsee-, jɔba' guiá-gui quíi-na' e quiuˆba' jɔ nigüibíˆna' huíib- laco' seengˆna' yaang~na'; dsuco' guiá-gui e ni'íng- jíi~ guóoˆna' e laco'gui e nibíngˆna' latøøng-na' fí lí 'líˆ.

Mí ca'e' Jesús quiá- mi~ tiúung- dsea` rúíñ'
(Mt. 19:9; Mr. 10:11-12; Lc. 16:18)

31 Jɔ mí calí jɔ, cajíngˆgui Jesús e júuˆ la:
—Lalab júuˆ sea` malíiˆgui: “Doñí ií dseañuˆ i tiúung- dseamí quiá-, jɔba' 'né- cuøˆ-bre i dseamí do cɔo` mají lí féˆ quiá- e nicatiúung- rúíñˆ.” 32 Dsuˆ jnea~gui fíi-i 'núˆ e song jaangˆ dseañuˆ tiúuiñ- dseamí quiá-r- e ja` mí calíeˆ i dseamí quiá-r- do e güiñ cɔoˆ~ dseañuˆ jíéngˆ, jɔba' i dseañuˆ do jmóor` e dseáangˆ e ni'leb- i dseamí do cɔoˆ~ dseañuˆ jíéngˆ, jɔ lajɔba' ni'eiñ- do dsee- fí quiniˆ Fidiéˆ; jɔ i dseañuˆ i nicúngˆ guóˆ cɔoˆ~ jaangˆ dseamí i nicatiúung- rúngˆ, jɔba' dseeb- éerˆ cajo.

Mí ca'e' Jesús quiá- mi~ éengˆ dsea` fii-

33 Jɔ mí cangí jɔ, cajíngˆgui Jesús e júuˆ la:
—'Núˆ nicanuuˆ-ba' lajíi~ júuˆ e féˆ dsea` áangˆ quí-naa', jɔ e lab e júuˆ jɔ: “Ja` se' jíi~ cɔoˆ fa' e ja` nijméeˆ e nicafeeˆ e nica'een- fii-.” 34 Dsuˆ jnea~ fíi-i 'núˆ: Ja` éengˆna' fii- quiá- líˆ doñí eeˆ: ja` éengˆna' ñífi-, dsuco' fí jɔb lí líí éeˆ quiá- Fidiéˆ; 35 o'gui éengˆna' guóoˆ~ uø-, dsuco' jɔb lí jmi'íngˆ

tiī Fidiéē; o'gui éeng'na' fī Jerusalén, dsuco' job
lī lí' fī güeang'^ quiá'- Fidiéē ī quiu' tā fi' la'úng-
fi' jmigüi'. ³⁶ Jogui ja' éeng' 'nú' moguí^na', dsuco'
ja' lí'na' jmising^na' i' jiī camí^ jñu' guí^na' e tee'
osi e uí' é. ³⁷ Jo song fo'^na' e nijmee-na', joba'
jmee-na' jóng; jo song fo'^na' e ja' jmee-na', joba'
ja' jmoo'na' jóng; dsuco' song jmoo'na' e jie'gui,
joba' nijmoo'na' nñu'na' júu^ quiá'- i' lim'^ jóng.

*Mī ca'e' Jesús quiá'- e ja' 'né- cóo`dsea` quiá'r-
(Lc. 6:29-30)*

³⁸ Jo mī cangî jo, ca'e'gui Jesús e júu^ la:

—Nicanúub- 'nú' e júu^ la malīgui eáang':
“Song jaang`dsea` ca'íñ- cóo` jminí'^, joba' lajob
'né- jme'^ cóo` ī dsea` î; osi jaang`dsea` cafiñ-
camí'^ majá'^, joba' lajob 'né- jme'^ cóo` ī dsea`
î cajo.” ³⁹ Dsu' jneā fī i' 'nú': Ja' cóo-na'
quí-na' mī ī jmáng' 'nú' ga'; dsu' fíng song
ī caquiúu` cataang` moní^na', joba' cuøø'na'r
e cataang`gui do güiquiúur` cajo. ⁴⁰ Jogui song
ī iing` ni'níng- 'nú' fi' quini` dseatā, jogui
iñ̄ niguír- 'mi'quí-na', joba' cuøø'na'r jóng la
quie'gui 'mi'guié- quí-na' güiquiéer` cajo. ⁴¹ Jo
song ī quiu' 'nú' tā e nigüicá^na' cóo` leē e
ngi'na' cóo` kilómetro, joba' güica~na' jóng tú-
kilómetro. ⁴² Jo fíng mi' dsea` 'nú' lí^ doñí' ee, joba'
cuøø'na'r jóng; jogui song ī mi' 'nú' e liing` ee
nijmi'øøng'na're cateá, joba' jmi'øøng'na'r jóng.

*'Né- jmi'neáang`naa' jaléng' i' 'ní' níng- jneaa`aa'
(Lc. 6:27-28, 32-36)*

⁴³ Jo mī cangî jo, ca'e'gui Jesús e júu^ la jo cajíñ'-:

—Nicanúub- 'nú' cajo e júu^ la malīgui eáang':
“Jmi'neáang` jaléng' dsea` ī seeng` røø` cóo` jo

jmee⁻ e 'ní' man' jaléng' i 'ní' níng⁻ 'nú'." ⁴⁴ Dsú' jnea[~]gui fí⁻ i 'nú': Jmi'neáang⁻na' jaléng' i 'ní' níng⁻ 'nú' jogui féeng⁻na' Fidié[~] uii⁻ quiá⁻ jaléng' dsea⁻ i jmáng⁻ 'nú' ga⁻, ⁴⁵ jo lajoba' ni'uíng⁻na' jóo' Tiquí[^]na' Fidié[~] dsea⁻ guiing[~] ñiff⁻. Dsúco' dsea⁻ do jmóo⁻bre e guo⁻ iee⁻ lí⁻ seeng⁻ jaléng' dsea⁻ i jmóo⁻ jalé⁻ e ga⁻ jogui lí⁻ seeng⁻ jaléng' dsea⁻ i jmóo⁻ jalé⁻ e guiá⁻ cajo; jogui sím⁻bre jmí⁻ cajo lí⁻ seeng⁻ jaléng' dsea⁻ i ée⁻ e guiá⁻ cóo⁻gui fí⁻ lí⁻ seeng⁻ jaléng' dsea⁻ i ja⁻ ée⁻ e guiá⁻. ⁴⁶ Dsúco' song 'nú' jmi'neáang⁻na' lajii⁻ dsea⁻ i jmi'neáang⁻ 'nú', joba' ja⁻ ni'íng⁻na' jóng lajii⁻ e si'íng⁻na' quiá⁻ Fidié[~]; co' lajob cajo jmóo⁻ jaléng⁻ nodsicuu⁻ quiá⁻ Roma. ⁴⁷ Jogui song fóng⁻na' lajii⁻ dsea⁻ rúng⁻na', ¿e⁻ e jié⁻gui jmoo⁻na' laco' doñí⁻ i⁻ dsea? Co' lajob jmóo⁻ jaléng⁻ dsea⁻ i ja⁻ cuíng⁻ Fidié[~] cajo. ⁴⁸ Jo jmi'neáang⁻na' jaléng⁻ dsea⁻ dseáng⁻ laco' si'í⁻ lí⁻ laco'gui la jmóo⁻ Tiquí[^]na' dsea⁻ guiing[~] ñiff⁻.

6

Mi⁻ ca'e' Jesús quiá⁻ mi⁻ jaang⁻ dsea⁻ jmicóo⁻r⁻ jaang⁻gui i 'né⁻ quiá⁻ lajo

¹ Jo mi⁻ cangí⁻ jo, ca'e'gui Jesús e júu⁻ la jo cajíñ⁻: —Ja⁻ jmoo⁻na' jalé⁻ e guiá⁻ e quí⁻ tíng⁻na' jmoo⁻na' e lí⁻ laco' nijóø⁻ jaléng⁻ dsea⁻; co' song jmoo⁻na' lajo, joba' Tiquí[^]na' Fidié[~] dsea⁻ guiing[~] ñiff⁻ ja⁻ nicuó⁻r⁻ 'nú' jalé⁻ e niguo⁻ e sea⁻ quiá⁻r⁻ fí⁻ ñiff⁻ quiá⁻r⁻.

² Joba' mi⁻ jmicóo⁻na' jaléng⁻ dsea⁻ i 'né⁻ quiá⁻ lajo, ja⁻ jmoo⁻na' lí⁻ cuóøng⁻ jóø⁻ dsea⁻ fíng⁻ lí⁻ laco'gui la líng⁻ dsea⁻ i jmicaang[~] e jmóor⁻ jalé⁻ e

iing~ Fidiée~, dsu' o' já' e jmoór` lajo. Co' jaléng' i dsea` í jmicaaĩñ~ e jmicóo'r~ jaléng' dsea` i 'né- quíá'- lajo fí dsí' sinúu^ guá'- cóo'~ gui lacaang` jee~ 'núu' e lí^ laco' nifé' dsea` guíá- uii~ quíá'-bre. Jo dsu' jnea~ jmitaa^ óó'na' e cóo'~ jalé' e jmicang~ i dsea` do, nicalí'-bre lajii'~ e 'nó'r' do, co' jo` ee` ni'íng' gúir jii'~ coo` quíá'- Fidiée'. ³ Jo dsu' mi~ jmicóo'v 'nú' jaléng' dsea` i 'né- quíá'- lajo, ja` 'né- jmée'~na' dsea` júu^ quíá'- lajii'~ e nijmee~na' do, doñí' fa' jaang` dsea` i cúing`na' eáang'; ⁴ jo jmee~na' e jo e ja` ñí' dsea`. Jogui Tiquíi^na' dsea` guing~ ñiffi~ jøø~-bre lajii'~ e jmoo`na' do, jo lajoba' nicuó'r- 'nú' lajii'~ e si'má'r^ quíi~na' fí ñiffi~ quíá'r-.

*Mi~ ca'e' Jesús jial féeng'~naa' Fidiée~
(Lc. 11:2-4)*

⁵ Jo mi~ cangfi jo, ca'e'gui Jesús e júu^ la jo cajíñ'-:

—Jo mi~ siing~ 'nú' cóo'~ Fidiée~, ja` jmoo`na' laco'gui la jmoo` i dsea` i jmicang~. Co' i dsea` í tí dsí' síng' yaaiñ~ e síiñ` cóo'~ Fidiée' fí dsí' sinúu^ guá'- jogui lacaang` lí seáng' dsea` fíng' i jøøng` ír` cóo'~ jalé' e jmoór` do. Jo dsu' jnea~ jmitaa^ óó'na' e cóo'~ jalé' e jmicang~ i dsea` do nicalí'-bre lajii'~ e 'nó'r' do, joba' jo` ee` ni'íng' gúir jii'~ coo` quíá'- Fidiée'. ⁶ Dsu' 'nú'gui, mi~ siing~na' cóo'~ Fidiée~, güitáng'~na' fí dsí' sinúu^ quíi~na' jo jniing~ yaang~na' 'núu' jo siing~na' cóo'~ Tiquíi^na' dsea` guing~ ñiffi~ i seeng` cóo'~ 'nú' fí jo. Jo co' Tiquíi^na' dsea` guing~ ñiffi~ jøø~-bre jalé' e jmoo`na' do, joba' nicuó'~-bre 'nú' lajii'~ e si'má'r^ quíi~na' fí ñiffi~ quíá'r-.

7 'Jogui mi~ siing~na' cóo!~ Fidiée~, ja' fó'na' jmiguiá' ya' jalé' júu^ e ja' uing~ sea' lí^ laco'gui la jmóo` dsea` i ja' cúing` Fidiée~; co' jaléng` i dsea` í' í' dsíir' e song jmiguiá'gui nifé'r', joba' já'-gui ninú- diée~ quiá'r- jalé' júu^ quiá'r-. 8 Jo jie~ mí jmeáang!~ yaang~ 'nú' lajo lí^ laco'gui la jmóo` i dsea` í', co' Tiquí'na' Fidiée~ jéem' níñir' jalé' e 'né- quí- na' nú'-gui e nimí'~na're. 9 Joba' lalab 'né- siing~na' cóo!~ Fidiée~:

Tiquí'íi', dsea` guin!~ ñiff-,
güijmifém' jaléng` dsea` jmigüi' 'nú',
co' 'nab` dsea` fén' fí' la'úng- fí' jmigüi'.

10 Jogui güijáng' yaang~ dsea` fí' quini'!
e laco' nicá' nifí' quiá'r- lajaang' lajaaiñ.
Jogui güijmitib~ jaléng` dsea` jmigüi' jalé' e iing~
'nú' fí' jmigüi' la,
lí^ laco'gui líti~ fí' ñiff- quí'-.

11 Jogui cuøø!~ jnea'^ jalé' e 'né- niquiee~naa' e jmií~ lana.

12 Jogui íng' dsee- uii~ quí-naa' quiá'- jalé' e ja` dseeng' e nicajmó^naa',
lí^ laco'gui jnea'^ íng'naa' dsee- quiá'- jaléng`
dsea` rú'naa' dsea` jmigüi' mi~ ee`go
nica'léer' quí-naa'.

13 Jogui jmee- í^ jnea'^ lacaang` lí~ ngí'naa'
e laco' ja` nijíá'naa' fí' ní~ dsee-,
jogui jmee- í^ jnea'^ cajo
e laco' ja` nijmeáng` jaléng` i 'ling'^ jnea'^.
Co' 'nab` i quiá' ta~ røø fí' la'úng- fí' jmigüi'
jogui i 'gøng' jogui i niing- eáang' cajo car` ngongíi
jmií~.
Jo lajob nilí'.

Jō lanab ca'e' Jesús ie~ jō jial féeng'~naa' Fidié'.

¹⁴ Jō mi~ calí~ jō, cajíng'~gui Jesús:

—Jō song 'nú' íng'na' dsee~ quiá'- jaléng' dsea` rúng'na' mi~ ee'gō 'léer' quíi~na', jōba' lajōb Tiquíi^na' dsea` guíng~ ñiff~ cajo ni'ím~bre dsee~ quíi~na'. ¹⁵ Dsü' song 'nú'gui ja` íng'na' dsee~ quiá'- jaléng' dsea` rúng'na' mi~ ee'gō 'léer' quíi~na', jōba' lajōb Tiquíi^na' dsea` guíng~ ñiff~ cajo ja` ni'íiñ~ dsee~ quíi~na'.

Mi~ ca'e' Jesús quiá'- mi~ jmóo` dsea` ayuno

¹⁶ Jō mi~ cangí~gui lajō, ca'e'gui Jesús e júu^ la jō cajíñ'~:

—Jō mi~ jmoo` 'nú' ayuno, ja` jmeáang'~ yaang~na' e l'íng'na' fí'í^ lí^ laco'gui la jmóo` jaléng' dsea` i jmícaang~ e jmóor` jalé' e iing~ Fidié', dsü' o' já'- e jmóor` lajō; cō' jmóo` jaléng' i dsea` í' lajō e lí^ laco' nijōø~ dsea` quiá'r~ e jmóor` ayuno. Jō dsü' jnea~ jmítaa^ óo'na' e cōo'~ jalé' e jmícaang~ i dsea` do, nicalí'~bre lajii'~ e 'nó'r' do, jō jō` ee` ní'íng'~guir jii'~ cōo` quiá'- Fidié'. ¹⁷ Jō dsü' 'nú'gui, mi~ jmoo`na' ayuno, rúu'~na' ní'na' jogui jmeáang'~na' guiú~ yaang~na', ¹⁸ jō lajōba' ja` nilí'í^ dsea` e jmoo`na' ayuno. Jō jii'~ Tiquíi^na' Fidié' i seeng` cōo'~ 'nú', jii'~ í'bing' i nilí'í^ e jō, jō dsea` íb` i nicuó'~ 'nú' lajii'~ e sí'má'r^ quíi~na' fí' ñiff~ quiá'r~.

Jalé' e jlo^ e sea` quiá'- Fidié' fí' ñiff~

(Lc. 12:33-34)

¹⁹ Jō mi~ cangí~ jō, ca'e'gui Jesús e júu^ la jō cajíñ'~:

—Ja` jmoo`na' e sílí'~na' eáang' cuu~ fí' jmígüi' la, dsüco' fí' jmígüi' la íim~ jalé' e óo` dsea` jogui seeng` cajo jaléng' guisí i 'léé', jogui seem` ñi~ cajo

ḡ dsitáaiñ' i 'léé' fí' dsí' sinúú^ quiá'- dsea. 20 Jo guíá- guib e nijmee- na' e nilísea` quí- na' fí' ñifí- jalé' e jlo^, co' fí' job lí- ja` seeng' jaléng' guisí' i 'léé', o'gui dsitáang' jaléng' ḡ i 'léé' cajo. 21 Co' lí- sea` jalé' e lí' ó'na' do, e jobi eáang' guing~ ó'na' jóng.

*Mi~ ca'e' Jesús quiá'- coo` jì' cõo` e cuø' e jné' dsea`
(Lc. 11:34-36)*

22 Jo mi~ cangî jo, ca'e'gui Jesús e júu^ la jo cajíñ'- :
—Jalé' jminí` dsea` lí' la lí' coo` jì' cõo` e cuø' e jné'r` lacaang` fí' lí' ngír'; joba' song jlo^ jminí^na', joba' guíáb- jné^na' lacaang` fí' lí' ngí^na' jóng; 23 jo dsu' song ja` dseeng' jminí^na', joba' ja` jné^na' jóng lacaang` fí' lí' ngí^na'. Jo song lajee` e jneá` røø` jminí^na' ni'uíng- e ja` jné^na' jjí~ capí^, jo song lajob lí', joba' dseáng'- nuu` guib ni'uíng- jminí^na' jóng.

*Ja` cuøøng` e guing~ dsí' dsea` Fidié` mi~
eáang'gui guing~ dsír' cuu-*

(Lc. 16:13)

24 Jo mi~ cangî jo, ca'e'gui Jesús e júu^ la jo cajíñ'- :
—Jíí~ jaang` dsea` quí'r~ jmí~ fa' e nijmér- ta` fí' quini` gáng- fíir~ colíng~, dsuco' song cajméer` lajo, joba' nilí` 'ní` níim-bre jaang` jogui nijmití-bre ta` e níquiá'- i jaang`gui do. Jo co' lajob lí', joba' ja` quí' jmí~ fa' e 'nú` nijmití^na' colíng~ jalé' ta` quiu' Fidié` jogui nijmití^na' cajo jalé' ta` seáng' jmiguiú' cuu-.

To` fîm` Fidié` jaléng' dsea` quiá'r-

(Lc. 12:22-31)

25 'Jo uíí~ joba' fíí- i 'nú' e ja` jmee- na' fí'í^ uii~ quiá'- jalé' e u'^ cø'^na' e laco' cuø' e seeng'na',

o'gui quiá'- jalé' sí'na' cajo. Co' eáang'gui lani-
ing- e seeng' dsea' laco'gui jalé' e gø'r' do, jogui
eáang'gui laniing- ngúu' táaiñ` cajo laco'gui jalé'
sí'r^ e qui'r'. ²⁶ Quié'na' cuente quiá'- fíing' ta' i
ngí' fí' guiá'^ güi; ja' e jní're' o'gui e sitíng'ne' o'gui
'mea're' jalé' e nidó'-re' fí' dsí' sinúu^ quiáa-re'.
Dsú' Tiquíi^ 'nú' dsea' guing~ ñiff- hém'briñ' do.
Jogui 'nú', jeáang'gui quíing'na' laco'gui e fíing' ta'!
²⁷ Jo lajob lí' cajo, doñí' ii' i jmóo' fí'í^ quiá'- jalé'
e jo, ja' quí'r~ jmí~ cajo fa' e nijmér- e seeñ`
huøø-gui laco'gui jíi~ e sí'í^ quiá'r- fa' jialgui la lí'
dsíir'.

²⁸ 'Joba' ja' 'né- jmee-na' fí'í^ quiá'- jalé' sí'na'.
Co' quié'na' cuente jial cuaang` jalé' lí' e sea' fí'
jee~ mó'; ja' jmóo' ta~ o'gui jmíing~ sí'^ yaang~.
²⁹ Jo dsú' jnea~gui fíi-i 'nú' e jígui i dseata~ dsea'
féng' Salomón do, dsea' i eáang' sea' cuu-, dseáng'-
ja' caquím' 'ñia'r' 'mí' e niguó'^ lí'^ laco'gui la
niguó'^ coo' lí'. ³⁰ Jo song Fidié~ jmóor` e eáang'
niguó'^ sí'^ jalé' lí' e sea' lacaang` fí' jee~ mó',
jo dsú' lajee~ cateá'ba' e ee~ e jlo'^ do, co' dsa'ó'
iée' fí' ní' jib` nidsitoo'~, jo dsú' jeáang'guib` nijmé-
Fidié~ í' 'nú' laco'gui e lí' do, 'nú' dsea' i ja'
'ga' lí' já'- líng` e tíng` Fidié~ jmér- lí' doñí'
ee! ³¹ Joba' 'nú' ja' 'né- jmee-na' fí'í^ e fo'^na':
“¿E~ niquiee~naa'? o'si ¿E~ ní'né'^naa'? o'si fo'^b#'
é ¿E~ 'mí' niquí'^naa'?” ³² Co' jaléng' dsea' i
ja' cúing` Fidié~bing' i jmóo' fí'í^ quiá'- jalé' e
lajo. Jo dsú' 'nú', seem` jaang` Tiquíi^na' i guing~
ñiff-, jo í'bing' i niñí' e 'né-na' jalé' e jo. ³³ Co'
e laba' 'né- e jmee-na'; la'uii~ e nijmí'úung'na'
e seeng'na' e Fidié~ quier' nifí' quíi-na', jogui

e jmoo`na' dseáng'~ lajii~ ta~ quiu'bre cajo, co' lajoba' e nicuó'r~ 'nú' jalé' e 'né~na'. ³⁴ Joba' ja` 'né~ jmee~na' fi'í^ quiá'~ jalé' e nidsijée' quií~na' e jmii~ dsa'ó, co' dsa'ó` jié`gui e líí' quií~na'. Dsaco' nitéb' jii~ fi'í^ dsíí' e sea` lacoo` jmii~.

7

Ja` cuø'na' dsee~ dsea` rúng'na'

(Lc. 6:37-38, 41-42)

¹ Jo lalab cajíng'~ gui Jesús:

—Ja` cuø'na' dsee~ jaléng' dsea` rúng'na', jo lajoba' ja` nicuó'~ Fidiée' 'nú' dsee~ cajo. ² Dsaco' Fidiée' nicuó'r~ 'nú' dsee~ lí^ laco'gui la cuø' 'nú' dsee~ jaléng' dsea` rúng'na'; jogui jial tíí dsee~ e cuø' 'nú' dsea` rúng'na', joba' lajoba' nicuó'~ Fidiée' 'nú' dsee~ cajo. ³ Joba' çjialí' ca' cuente lajii~ qui' iu~ jmini' jaang` dsea` rún', jogui ja` ca' cuente uø' e jié' ja` latøng~ coo` 'mab` iu~ jminí'^? ⁴ Jo song latøng~ coo` 'mab` iu~ jminí'^ uø', joba' çjial niteá` o' e nifí'^ jaang` dsea` rún': “Rú'uu', nea` du ne`ee', jo nigui~duu e qui' iu~ jminí'^”? ⁵ i jmicaang~ 'nú'! Jang'~ gui~du e 'ma` e iu~ jminí'^ uø', jo lajoguiba' nicuóøng` e jóø'^ guiá~ e niguí^ e qui' e iu~ jminí' i dsea` rún' do.

⁶ Ja` cuø'na' jalé' e güeang'^ quiá'~ Fidiée' jaléng' dsea` líng'^ i soo` dsíí, dsaco' i dsea` la'í líiñ' la líng' dsii` osi la líng' cú^ é, e niso'ø'bre' jalé' e güeang'^ quiá'~ Fidiée' do, jogui dseám'~ e nilí 'ní' níñ~ 'nú' jogui e nijmeáiñ' 'nú' ga` cajo.

Mí~na' Fidiée' jalé' e 'né~na' jo nicuó'bre

(Lc. 11:9-13; 6:31)

⁷ Jo mi~ cangí jo, lalab cajíng'~ gui Jesús:

—Mí~na' Fidiéé' jalé' e 'né~na', jo nicuó~bre; jogui mi~ 'nó~na', niguié'ba' jalé' e 'nó~na' do; jogui mi~ tø'na' fí' o'nú^, joba' nineab' e 'núú' do. ⁸ Dsuo' i~ dsea` i mi' Fidiéé' jalé' e 'né~', ngím~bre; jogui i~ dsea` i 'nó', dsé'bre e 'nó~r' do; jogui i~ dsea` i tø' fí' coo` o'nú^, nineab' e 'núú' do.

⁹ 'Jo jnea~ lí^ dsii~ e jii~ jaang` 'nú', dsea` seeng` jaléng` jóo`na', e mi~ nimí'r~ 'nú' ir~, nicuó~na'r cuu~; ¹⁰ osi mi~ nimí'r~ 'nú' capí^ ngúú' 'ñu, jo nicuó~na'r ngúú' mi'. ¹¹ Jo 'nú', dsea` jmoona' jalé' e 'lí^, tii~ba' cuó~na' jaléng` jóo`na' jalé' e guiá~, jo dsu' eáang`gui b jlo^ jalé' e nicuó~ Tiquí~na' Fidiéé' dsea` guing~ ñifi~ mi~ nimí~naa'r.

¹² 'Jo lajob lí', joba' jmee~na' jmang'~ e guiá~ cóo~ jaléng` dsea` rúng`na' lí^ laco'gui iing`na' e nijmé~ dsea` cóo~ 'nú'; co' lajob ta~ quiu' júu^ quiu' ta~ quiá~ Fidiéé', jogui lajobi fé' fí' ni~ jì quiá~ jaléng` dsea` i café' cuaiñ~ quiá~ Fidiéé' malii~gui eáang'.

Mi~ ca'e' Jesús quiá~ e o'nú^ e dsuu`

(Lc. 13:24)

¹³ Jo mi~ cang` jo, ca'e'gui Jesús e júu^ la jo cajíñ~: —Güitáng~na' fí' o'nú^ e dsuu`. Dsuo' e fí' o'nú^ e ú` cóo~gui fí' guiá^ fí' e ú', fí' job lí~ dsitáng'~ fíng`gui dsea` i niteáng'~ fí' e ngolíng` fí' lí~ 'lí^; ¹⁴ dsu' e o'nú^ jogui e fí' e ngo' fí' lí~ guiá^, dsuab` jogui huím' eáang' cajo, joba' ja` leáang~ dsea` i dsilíng` fí' jo.

Jalé' 'ma` ofi~ cuí~ dsea` la'eáang' cóo~ ofi~ e #b`

(Lc. 6:43-44)

15 J̄o f̄h̄-gūh̄ 'nú' e júu^ la: Ñiing̃ óo'na' cóo'~ jaléng' dsea` i jmicang~ e er' júu^ quiá'- Fidiéẽ, dsu' o' já'- jalé' e júu^ e fé'r' do. J̄o mĩ ngir' f̄i jee' 'nú', jnéeiñ- lí'- caluu' la jnéeng- dsea` guiúng- i cuiing' Fidiéẽ, j̄o dsu' caniing- j̄i' e 'lé-bre í dsíir' f̄i dsíi'. 16 J̄o cóo'~ jalé' e jmóob' i dsea' la'í cuøng' jmicuíng'na'r. J̄o lajob lí' cajo, 'nú' lí'na' jmicuí'na' cóo' 'ma' of̄h̄ la'eáang' cóo'~ of̄h̄ e íb̄; dsuco' cóo' 'matóo' ja' cuøng' fa' e ni'í- mi'í huíng' j̄o' yá', o'gui cóo' 'matóo' f̄i' ja' cuøng' fa' e ni'í- güñí' yá'. 17 J̄o lajob jalé' 'ma' of̄h̄ e guiá-, jmang' of̄h̄ e guiáb- cuø; j̄o dsu' e 'ma' of̄h̄ e ja' dseeng', ja' dseeng' jalé' of̄h̄ e cuø. 18 J̄o lajob jalé' 'ma' of̄h̄ e guiá-, ja' cuøng' fa' e nicuø- of̄h̄ e ja' dseeng'; jogui jalé' 'ma' of̄h̄ e ja' dseeng', ja' cuøng' fa' e nicuø- of̄h̄ e guiá-. 19 J̄o nihuib' jalé' 'ma' of̄h̄ e ja' cuø of̄h̄ e guiá- j̄o f̄i' ni' jib' nidsitoo'~. 20 J̄o co' lajob lí', joba' cóo'~ jalé' e jmóob' i dsea` i jmicang~ e er' júu^ quiá'- Fidiéẽ do lí'na' jmicuíng'na'r.

Ja' laj̄ng' dsea' lí'r' e Fidiéẽ nicá' nifí' quiá'r- lata' (Lc. 13:25-27)

21 J̄o mĩ cang' j̄o, cajíng'-gui Jesús e júu^ la:

—Ja' laj̄ng' dsea` i sí' jnea~: “Fíi'i, Fíi'ì”, nilí'r e Fidiéẽ nicá' nifí' quiá'r- lata~, dsu' i dsea` i nijmé- jalé' e iing~ Tiquié'e dsea' guiing~ ñifí-, j̄i' í'bing' i nilí' e j̄o. 22 J̄o mĩ nití- e í' j̄o mĩ niquidsi' Fidiéẽ í' quiá'- lajaléng' dsea' j̄migüi, f̄im' dsea' nisí'r' jnea~ ie~ j̄o: “Fíi'i, Fíi'ì, jnea' café'naa' júu^ quiá'- la'eáang' 'nu, jogui la'eáang' 'nu ca'uøng-naa' jaléng' i 'líng' i jée' quiá'- dsea', j̄o j̄miguiab' jalé' e quí'~ jm̄ e dsigá' dsíi' dsea' cajmó'naa' la'eáang' 'nu cajo.” 23 Dsu' jnea~ ninḡh̄-

quiá'- i dsea` î ie~ jo: "Jéeng'-na' fí lí~ sín'n la; jdo güilíng-na' lí^ do, co' dseáng'- ja` calicuím`baa 'nú', dsea` i sitíng` 'lée'!"

*Mi~ ca'e' Jesús quiá'- laji` tú- tñ- fh`
(Mr. 1:22; Lc. 6:47-49)*

²⁴ 'Joba' fh`-guí` 'nú' e jaléng' dsea` i núu` jogui jmóor` lají~ ta~ quiá`u` líiñ' laco' jaang` dsea` i í dsí' guiá- jalé' e nijmér-. Jo` i dsea` î cajme'r' 'nar~, jo ab' tñ- fh` catá'r- quiá'- e 'núu' do. ²⁵ Jo mi~ cajá- jmí` dsiing~ jo cacuáng- jalé' gua` jo dsíng'- caqui` guí' fí lí~ sí' e 'núu' do, dsu' e 'núu' do ja` caquí-, co' ab' íu~ tñ- fh` quiá'- . ²⁶ Jo dsu' i dsea` i lico' núu` júu^ quié- e jo ja` jmóor` lají~ ta~ quiá`u`, joba' i dsea` î líiñ' laco' jaang` dsea` i ja` í dsí' guiá- e nijmér-. Jo cajme'r' 'nar~, dsu' ja` catá'r- tñ- fh` quiá'- e 'núu' do. ²⁷ Joba' mi~ cajá- jmí` dsiing~ jo cacuáng- jalé' gua` jogui dsíng'- ca'íi- guí, joba' caquíb'- e 'núu' do, jo dseáng'- conguiab' calíng- quiá'- i dsea` î.

²⁸ Jo mi~ calí- fé' Jesús jalé' e júu^ na, lajim` dsea` i siseáng' do dsíng'- cangogá` dsíir' laco' e' dsea` do, ²⁹ dsuco' dsíng'- 'gøng' jalé' júu^ quiá'r- jogui dsíng'- tñiñ` er' cajo, co' ja` er' laco' e' i tifa' quiá'- júu^ quiu' ta~ quiá'- dsea` Israel.

8

*Mi~ cajmi'leáng- Jesús jaang` dsea` i líng`
jmohuí' lí^ fh` ngúu` táang`
(Mr. 1:40-45; Lc. 5:12-16)*

¹ Jo mi~ cangí jo, cajgám- Jesús e fí yá^ mó' do, jo fhím` dsea` ngolíng- caluur` laco' ngóor'. ² Jo lajee` job cangoquíéeng` jaang` dseañu` i nilíng` jmohuí'

li' fí ngúu' táang' fí quini' Jesús, jò casí'r' uó' jnir' fí quini' dsea' do jò cajíñ' casí'-reíñ':

—Fíi'i, cuóøm' lí jmi'leáan'^ jnea~ lajii'~ jmohuí' e lín'n song iin'~ lajò.

³ Jòba' Jesús cagüiñ' capí'^ dsea' do jò cajíñ' casí'-reíñ':

—Iim~baa jmi'leáan^n 'nù, jò lana ca'láam~ba' lajii'~ jmohuí' e lín'.

Jò dsifí lajòb ca'láang~ i dsea' dsée'~ do lajii'~ jmohuí' líiñ'.

⁴ Jòba' Jesús casí'-guir dsea' do jò cajíñ'-:

—Ja' fí'^ jii'~ jaang' lajii'~ e cajmé~ e cóo'~ 'nù, lico' gua' güijéeng' uó' fí quini' jmidsea' e laco' niliñ' i jmidsea' do e nica'láam~ba' lajii'~ jmohuí' e lamí~ lín'. Jò mi~ nilí jò, jòba' güica~ lajii'~ e feá'~ e 'né~ cuó'^ Fidiée' lí'^ laco'gui e ta~ e caquiú' Moi~ ie~ malí~ gui do. Jò e jòb cuó' lí' fí quini' jaléng' dsea' e nica'láam~ba' lajii'~ jmohuí' e lamí~ lín'.

*Mí~ cajmi'leáang~ Jesús jaang' dsea' 'léeng'~ quiá'~ jaang' fii' 'lée~ romano
(Lc. 7:1-10)*

⁵ Jò mi~ cangí jò, cagüiéng'~ Jesús fí Capernaum, jò fí jò jaang' fii' 'lée~ romano cangoquíeeiñ' fí lí ngang' dsea' do jò camí'r' dsea' do jmi'ee' ⁶ jò casí'-reíñ':

—Fíi'i, dob ráang' dsea' 'léeng'~ quié~ e dsée'r' fí quié~ e, jò jii'~ ja' lí jí'~ jóiñ' jògui dsím'~ cu' líiñ' cajo.

⁷ Jòba' cañí' Jesús jò casí'-reíñ':

—Nii~baa nijmi'leáan^nre.

⁸ Jòba' cañí' i fii' 'lée~ do quiá'~ Jesús jò casí'-reíñ':

—Fíi'ì, ja` catíng- jnea~ e 'nu` ni'ú'í' fí' dsí' sinúú` quié'-e; lico' féé' e ni'leáang- ì dsea` 'léeng' quié'-e do, joba' lajob nilí' jóng. ⁹ Dsúco' seem` dsea` ì teáang- nifi'gui ì quiú' ta~ quié'-e, jogui seem` 'lée- ì quiú' ta~ cajo. Jo mi~ fíi-ì jaang` 'lée- quié'-e e dsér-, joba' dsé-bre jóng; jogui mi~ fíi-ì jaang`gui e jáar', joba' jáa-bre jóng; jogui mi~ fíi-ì dsea` 'léeng' quié'-e e líng~ e jmér-, joba' jmóo-bre cajo.

¹⁰ Jo mi~ canúu- Jesús e júu` na, eáam' cangogá` dsíir' jo cajíñ'- casí'r- jaléng' ì dsea` ì ngolíng- cóo'r~ do:

—E já'- e fíi-ì 'nú' e jíi' coo` ya' ja` mí' cajín'n jaang` dsea` góo`o dsea` Israel ì dseáng'- já'- líng' júu` quié'-e lí' laco'gui la líng' ì fii~ 'lée- romano na. ¹¹ Jo fíi-ì 'nú' e jmiguiab' íng' lí~ nijalíng- fíng' dsea` ì ja` líng' dsea` Israel jo nigüear` e nidó'r- cóo' jaléng' 'líi~ dsea` cóong' qui'-ii' ì sii` Abraham jogui Isáa' cóo'gui Jacóo' mi~ tí' lí~ nití- í' e nicá' Fidiéé' nifi' quiá'- lajaléng' dsea` jmigüí'. ¹² Jo dsu' Fidiéé' nibíim-bre fí' caluu' fí' lí~ nuu' só' fíng' dsea` Israel ì lamí~ sí'í' catíng- seeng` cóo'r~ fí' lí~ guiá- fí' lí~ quiú'r' ta~, jo ì dsea` í' dob nijeár- qui'r' jogui tur' majar~ uí' jalé' iihuí' e ni'íñ' do.

¹³ Jo lí- jo, Jesús casí'-guir ì fii~ 'lée- romano do jo cajíñ'-:

—Guóng' fí' quií'- jo güilitib~ lajíi' ta~ cañí'^, co' jáb'- nicalín'- júu` quié'-e.

Jo dsifí' lajob ca'láang- ì dsea` 'léeng' quiá'- ì fii~ 'lée- romano do.

*Mi~ cajmi'leáang- Jesús iemisé' Tú' Simón
(Mr. 1:29-31; Lc. 4:38-39)*

14 Jo mi~ cangî jo, Jesús cangór- fí quíá- Tú[^] Simón. Jo mi~ caguiér- fí jo, dob ráang` iemisé[^] Tú[^] Simón e dsíng!- iu~ guíiñ[^]. 15 Jo Jesús cagüi'r' guoo` i dseamî do, jo dsifí lajõb caguá- e iu~ guíiñ[^] do. Jo mi~ cangî jo, i dseamî do carõor- jo cajméer- e cagób' jaléng' i dsea` do.

Mi~ cajmi'leáang- Jesús fñing' dsea` dsée~

(Mr. 1:32-34; Lc. 4:40-41)

16 Jo mi~ canuu` lajo, fñim' dsea` caguiliñ- fí li~ guing~ Jesús e jéeiñ` jaléng' dsea` i teáang[^] i 'ling[^] dsí'; jo cóo~` ñia' camí[^] júu[^] e fé' Jesús, uøøm` jaléng[^] i 'ling[^] i teáang[^] dsí' dsea`, jogui 'láam` bi lajaléng' dsea` dsée~ la'eáang' cóo~` e júu[^] jo cajo. 17 Jo cangojée' e la e laco' caliti~ jalé[^] júu[^] e cajíng'- jaang` dsea` i café` cuaiñ~ quíá- Fidiée~ malii~ gui eáang' i calisî Saií mi~ cajíñ'- lala: "Íbre ca'íñ' jalé[^] iihuá' quí-naa' jogui cacór- jalé[^] jmohuí' e lí-naa' cajo."

Jaléng' dsea` i iing~ dsilíng- cóo~` Jesús

(Lc. 9:57-62)

18 Jo mi~ cangî jo, cangá- Jesús e dsíng!- fñing' dsea` caseáng' fí lacúng' lajíng` li~ siñ', joba' caquiur' ta~ dsea` quíá'r- e ningíiñ- fí li~ 'ngóo~` cataang` e guiée' do. 19 Jo lajee` job, cangoquiéng' fí li~ siñ' jaang` tifa' quíá- júu[^] quiu' ta~ quíá- dsea` Israel jo cajíñ'- casí'r- dsea` do lala:

—Tifa', iim~baa nii~i cóo~` 'nu` lí[^] doñi' jíe' fí guó[^].

20 Joba' cañi' Jesús quíá- i dseañu' do jo casí'-reiñ':

—Jaléng' güí' seab` too` li~ güing`ne!, jo lajobi jaléng' ta' seab` si~re' cajo; dsu' jnea~, dsea` gáa'a

fi' ñiff- e lín'n jaang` dsea` jmigüí, jíi~ lí~ quiee~e moguii~ ja` sea`.

²¹ Jo mi~ cangí jo, jaang` lajee` i dsea` quiá'- Jesús do casí'- ír` lala jo cajíñ'-:

—Fíi'i, cuøø~ jnea~ fi' jang'- ni'áan`n tiquié`e, jo mi~ ningí jo, joguiba' ninii~i cóo~' 'na`.

²² Joba' lalab cañí` Jesús quiá'- i dsea` do jo casí'-reiñ':

—Nea~ cóo~' jnea~ lana jo cuø fi' e jaléng` i dsea` i líng` lafa' 'líng~ ni'áaiñ` tiquíi` mi~ nití- oor~ quiá'r-.

Mi~ cajméé` Jesús e ca'uáang- e róo- jmí` jogui ca'uáang- e í' guí`

(Mr. 4:35-41; Lc. 8:22-25)

²³ Jo mi~ cangí jo, ca'íb- Jesús fi' cóo` dsíi' móo` colíng` cóo~' jaléng` dsea` guitúung` quiá'r-. ²⁴ Jo lajee` guiáang` e ningoliñ` ni~ jmíb` mi~ canaang` íi' guí la huíng` jogui canaang` e róo- jmí` cajo, jo mifíng` ninaang` dsi'ab~ jmí` fi' dsíi' e móo' do. Jo lajee` jo, güím` Jesús ngóor'. ²⁵ Joba' i dsea` quiá'r- do cañím`bre dsea` do jo cajíñ'- casí'-reiñ':

—Fíi'ii', leaang- jneaa`aa', co' ningóo' dsi'am`baa'.

²⁶ Joba' cañí` Jesús quiá'- i dsea` do jo casí'-reiñ':

—¿Jiali' dsíng'- 'gó'na'? Jo ¿jiali' ja` 'ga' lí` já- líng`na' e jnea~ quíi~i jmí` e nijmee~e lí` doñí` ee'?

Jo mi~ calí- fé'r` lana, jo caráaiñ` jo caquiur` ta` e guí do cóo~' guí e jmí do, jo dsifí lajob caquiung` e íi' guí jogui caquium`bi e róo- jmí` cajo, jo tiib` caí. ²⁷ Jo dsíng'- cangogá` dsíi' i dsea` quiá'r- do mi~ cangár- lado, jo canaaiñ` jmíngí'- rúñ' lajee` la'ó` yaaiñ`:

—¿I'gui i dseañu' na e quiu'r' ta~ jo núu' jalé' guí cóo' jalé' jmi' júu^ quiá'r'?

*Dsea`i seeng`fi` Gadara i niteáang`i` 'ling`^ dsí`
(Mr. 5:1-20; Lc. 8:26-39)*

²⁸ Jo mi~ tí li~ caguié~ Jesús fí lí^ lí 'ngóo' cataang` e guiéé' do e fí guóo'~ uó~ li~ se' Gadara, jo fí codsi' ca'uøøng` gáng~ dsea` i niteáang` i 'ling`^ dsí' jo cangoquiééiñ' fí li~ sing' Jesús. Jo eám' soo` dsíiñ' do e jii~ jaang` dsea` cuøøng` lí ngíiñ` e fí jo.

²⁹ Jo lalab canaiñ` do áiñ` Jesús:

—Ja` jmiguín'^ jnea'^, Jesús, co' ne~baa' guiá~ e 'nub` dseáng'~ lin' Jóo' Fidiéé'. Jo ¿su cañí' e ñicuøø'~ jnea'^ iihuú' e jii~ ja` mí catí í' lajo?

³⁰ Jo e quiá'~ job nitaang` i fíing` cú^ i taang` ta` gø'. ³¹ Jo i 'ling`^ do camí'r' jmi'ee' Jesús jo casí'r' dsea` do lala:

—Song ni'uøøñ'~ jnea'^ li~ téé'~naa' la, cuøø'~ jnea'^ fí e nidsitoo'~naa' fí dsí' i cú^ i taang` do.

³² Joba' lalab cañí' Jesús jo casí'~reiñ` do:

—Güiling`~na' güitáang'~na' fí jo.

Jo ladsifí lajob ca'uøøm` i 'ling`^ do fí dsí' i dsea` do jo cangotáaiñ'~ fí dsí' i cú^ i nitaang` do. Jo dsifí lajob canaang` i cú^ do cuii're' cartí cajiúng` yaang`ne' fí dse' jíáá, jo casojiúng`ne' fí dsí' jmi' jo fí job cajgó're' jmi'.

³³ Jo i dsea` i nijmóo` í^ i cú^ do cacuí`bre cangolíiñ` fí jee` fi'. Jo mi~ caguilíiñ` fí jo, canaiñ` guiar' júu^ quiá'~ lajii'~ e calí~ do cóo'~ i dsea` i teáang'~ i 'ling`^ dsí' do. ³⁴ Joba' lajim` i dsea` i seeng` e fi' do cangolíiñ` fí li~ táang` Jesús. Jo mi~ cangáiñ` dsea` do, jo camí'~reiñ` jmi'ee' fa' e nigü'íhib` dsea` do e fí guóo'~ uó~ li~ táaiñ` do.

9

*Mi~ cajmi'leáng- Jesús jaang` dsea` i caang~ tii~
(Mr. 2:1-12; Lc. 5:17-26)*

¹ Jo mi~ cangf jo, cajgóob-tu Jesús fi' dsíi' coo` móo' jo canghiiñ' fi' lí' 'ngóo' cataang` e guiée' do jo caguiém'-tur fi' fii' lí' guiiñ'. ² Jo mi~ caguiéiñ'- fi' jo, jo caguiling- dsea` i jéeng` jaang` dsea` i caang~ tii~ i dsíing- ní' coo` 'ma` e silíng~. Jo mi~ cangá- Jesús e jo, jo co' niñi'bre e jáb'- líng` jaléng' i dsea` do júu^ quiá'r-, joba' lalab casí'r- i dsea` dsée'~ do:

—Jóo'o, cuø` bí' uø', co' lana nica'ím- dsee- quií'-.

³ Jo ie~ jo dob niteáang- tú- 'ní' máing'~ tifa' quiá'- júu^ quiu' ta~ quiá'- dsea` Israel. Jo mi~ canúur- e cajíng'- Jesús lajo, joba' ca'f dsír' lala: “Lajíi'~ e nicajíng'- i dseañu' na, gab` fé'r' uii~ quiá'- Fidiée'.”

⁴ Jo co' ñib' Jesús lajii'~ e í' dsíi' i dsea` do, joba' cajmíngi'reiñ' do lala:

—¿Jiali' jmang' e ga'ba' í' óo' 'nú'? ⁵ ¿E~ e líng' na' e ja'gui huíng' e nife'ee', su e “Ni'ím~baa dsee- quií'-”, osi e nifé'^naa' é: “Ráan'- jo ngi'~”? ⁶ Jo dsu' lana jnea~ ni'éé'e 'nú' e jneab~ dsea` cagá'a fi' ñiff' e lín'n jaang` dsea` jmigüi' jo oo~baa ta~ fi' jmigüi' la e ni'ín~n dsee- quiá'- dsea`.

Joba' casí'- Jesús i dsea` caang~ tii~ do jo cajíiñ'-:

—Ráan'- jo sée'~ lí' ráan' jo guóng' fi' quií'-.

⁷ Jo dsifí' lajob caráang- i dseañu' do jo cangám'-bre fi' quiá'r-. ⁸ Jo mi~ cangá- i dsea` i teáang- do e ca'láam- i dsea` dsée'~ do, dsíng'- cangogá` dsír'. Jo lajim'bre canaaiñ` jmiféiñ'

Fidiééʼ dsuqoʼ dsea` do cacuøʼrʼ dsea` jmiḡüüʼ jaléʼ e quíiñʼ~ jmiñʼ do.

*Miñ catóʼ- Jesús jaang` dseañuʼ ñi sii` Mateo
(Mr. 2:13-17; Lc. 5:27-32)*

⁹ Jo miñ cangî jo, cagüiʼíʼ Jesús e fiʼ fiñ liñ guiiñʼ do. Jo lajeeʼ ngóorʼ guiáʼ^ fibʼ cangáiñ~ jaang` dseañuʼ ñi sii` Mateo ñi niguiing~ mí cuu~ e catíng~ dseata~ ñi guing~ fiʼ Roma. Jöbaʼ lalab casíʼ- Jesús ñi dseañuʼ ñi jo cajíñʼ-:

—Mateo, nea~ cóoʼ~ jnea~.

Jöbaʼ caróob~ Mateo e liñ niguiiñʼ do jo cangó~bre cóoʼ~ Jesús.

¹⁰ Jo miñ cangî jo, e jmiñ job cagóʼ Jesús fiʼ quiáʼ- Mateo. Jo lajeeʼ guiiñ~ gøʼrʼ colíng~ cóoʼ~ jaléngʼ dsea` quiáʼr~, caguilíng~ ñi fíngʼ nodsicuu~ ñi jmóo` ta~ cóoʼ~ ñi Mateo do cóoʼ~gui jaléngʼ dsea` ñi sea` júu^ e dsíngʼ- røøiñ` dsee~, jo caguár` colíng~ cóoʼ~ Jesús e cagóʼrʼ niñ mes~ liñ guing~ dsea` do. ¹¹ Jo miñ cangá tú~ ñi míngʼ~ dsea` Israel ñi língʼ dsea` fariseo e guing~ Jesús gøʼrʼ cóoʼ~ ñi dsea` do, jöbaʼ ñi dsea` fariseo do cajmingíʼr~ dsea` quiáʼ- Jesús jo cajíñʼ-:

—¿Jialíʼ gøʼ tifaʼ quíi~naʼ cóoʼ~ jaléngʼ nodsicuu~ jogui cóoʼ~ dsea` ñi sea` júu^ e dsíngʼ- røøiñ` dsee~?

¹² Jo nicanúub~ Jesús lajíi~ e cajíngʼ~ ñi dsea` do, jöbaʼ lalab cañiir` quiáiñʼ- do jo casíʼ-reiñʼ:

—Jaléngʼ dsea` ñi guiúng~ ja` ñeaiñ~ timíʼ, dsuʼ ñeám~ jaléngʼ dsea` dséeʼ. ¹³ Güilíngʼnaʼ jo güijmitíngʼnaʼ e júu^ la e féʼ Fidiééʼ fiʼ niñ jñi quiáʼr~: “Jnea~ Fidiééʼ iin~n e ñuʼ ñifíñ~ língʼnaʼ jaléngʼ dsea` rúngʼnaʼ, jo oʼ licoʼ cuønaʼ feáʼ- fiʼ quinií~.” Jo jnea~ fiñi ñuʼ e ja` cagá~a fiʼ jmiḡüüʼ la faʼ e

caga'nén'n jaléng' dsea` i ée` guiá-, dsuco' jnea~
caga'nén'n jaléng' dsea` dsee- dsea` quib'.

*Mi~ cajmingi'- dsea` Jesús cuaiñ` quiá'- ayuno
(Mr. 2:18-22; Lc. 5:33-39)*

¹⁴ Jo coo` jmii~ cangoquiéeng' jaléng' dsea` quiá'-
i Juan i seáng` dsea` jmii` do fí' lí~ sing' Jesús jo
cajmingi'r' dsea` do lala:

—Jnea'^ coliiing~ cóo'~ jaléng' dsea` góo`naa' dsea`
Israel i líng' dsea` fariseo contøøm- jmoo`naa'
ayuno, jo çjiali' jaléng' dsea` quií' 'na` ja` jmóor`
lajo?

¹⁵ Joba' cañí' Jesús quiá'- i dsea` do jo casí'- reiñ':

—Ja` cuøøng` nijmé- ayuno jaléng' dsea` i
simíng` quiá'- coo` lí~ cung' guoo` dsea` lajee`
seeng` i siming' i cung' guó` do cóo'r~. Jo dsu'
niguiéeb' jmii~ mi~ nisáng' dsea` i siming' do,
joguiba' nijmé- ayuno jaléng' i dsea` do.

¹⁶ Jo jii~ jaang` dsea` to'r' coo` 'mi' e yúu~ cóo'~
ca'ná'^ 'mi' e 'mii-, dsuco' song cajméer` lajo, joba'
nijøm' e 'mi' 'mii- do jogui ni'gui'bi e 'mi' yúu~ do
cajo, joba' lí'^ lí' jmigui'gui ni'gui'b` jóng. ¹⁷ Jo lajobi
cajo ja` guié' dsea` méé' e laco' gui'ná'^ có' fí' coo`
dsíí' loo~ jó' e yúu~, dsuco' song cajméer` lajo, joba'
ni'gui'ba' do jo nidsi'íib' e méé' do jogui ni'íim- e
loo~ jó' do cajo. Jo co' lajob líí', joba' guiá-gui e
niguié' dsea` e méé' laco' gui'ná'^ có' do fí' coo` dsíí'
loo~ jó' e 'miiib-, jo lajoba' ja` dseáng'~ fa' e ni'gui'
e loo~ jó' do o'gui fa' e nidsi'íí' e méé' do cajo.

*Mi~ cajmi'leáng- Jesús jóo' Jairo
(Mr. 5:21-43; Lc. 8:40-56)*

¹⁸ Jo lajee` sing' Jesús e gui'ná'^ sím`bir cóo'~ i
dsea` i caguilíng- jmingii` do, mi~ caguié- jaang`

fiī féng' quiá'- dsea` Israel i siī Jairo fí' lí̄ sing' dsea` do. Jo casí'r` uø̄- jnir̄ fí' quinī dsea` do jo casí'-reiñ':

—Tifa', 'micú'- nabi cajúng- jaang` simí^ quié-e; jo fa' nijgiéè` o' guó^` güiquidsi' guóo^` fí' moguir̄ jo nijib'tur.

¹⁹ Jo dsifib' cangó- Jesús fí' jo colüing~ cóo'^ i dsea` quiá'r- do. ²⁰ Jo lajee` e iuuiñ- fí' ngóo`bre mī cangoquiéeng' jaang` dseamf lí'- caluur` i nilüing' jmohuü' e tuuiñ` lajüi~` nängóo' mí' guitu' jüi. Jo i dseamf do catüiñ-` capí'^ 'ni' sî^` dsea` do; ²¹ co' í' dsíir' e fa' capíb'^ sî^` dsea` do catüiñ-, joba' ni'leáam-`bre lajüi~` jmohuü' e lüiñ'. ²² Jo dsifí' mī cajmée` i dseamf do lajo, caji' Jesús nir̄ fí' caluur` jo cangáiñ-` i dseamf i catüing-` sî'r^` do jo casí'-reiñ':

—Cuøø~` bí' uø', jóo`o; nica'láam-ba' lajüi~` jmohuü' e lamí' lin' uí' e jáb'- calín'- júu^` quié-e.

Jo ladsifí' lajob ca'láang-` i dseamf do lajüi~` jmohuü' e lüiñ'.

²³ Jo mī tí' lí̄ caguié- Jesús fí' quiá'- i fiī féng' quiá'- dsea` Israel do, cangár- e niteáang~` dseati' jüüer- lúu' quiá'- 'lî̄ co' tí' lí̄ ni'ám-` i simí^ 'lî̄ do, jogui jaléng' dsea` eáang' niteáaiñ~` ta~` qui' óo'. ²⁴ Joba' caquiü' Jesús ta~` quiá'- jaléng' i dsea` do jo casí'-reiñ':

—Uøøng'na' lajüing`na' e la, co' ja' 'lüing~` i simí^ na, co' lico' güim`bre.

Dsu' mī canúu-` jaléng' i dsea` do lajo, lico' cangüim-`bre Jesús, ²⁵ dsu' Jesús ca'uøøm`bre jaléng' i dsea` do fí' lí̄ teáaiñ~`. Jo mī cangf jo, calí'-bre fí' dsí' sinüu^` jo mifüing` catüiñ-` guoo` i simí^ 'lî̄ do, jo dsifí' lajob caráaiñ'-` do. ²⁶ Jo latøøm-` lí' se' Galilea cani'- júu^` quiá'- lajüi~` e calí'- do ie~` jmü~` jo.

Mi~ cajmi'leáng- Jesús gáng- dsea` tiuung-

27 Jo mi~ cangí e cajmijí' Jesús i simí' 'lii~ do, cagüi'í' dsea` do fí jo; jo lajee` ngóor' fí guíá' fí, cangoquíéeng' gáng- dsea` tiuung- fí lí ngóor', jo i dsea` í áin' Jesús lala:

—íFí- güilín' jnea'^, Jóo' dseata~ Daví'!

28 Jo mi~ tí lí caguié- Jesús fí cōo` lí si' 'núu', jo ca'í-bre fí dsí', jo cangotáam'~bi i dsea` tiuung- do fí jo cajo, jo Jesús cajmingí'r- dsea` do:

—¿Su já'- líng' 'ná' e quí'~baa jmí~ jmee~ e nilijné'tu'?

Jōba' cañíin' do:

—Dseáng'- jáb'- lí'naa', Fí'ii'.

29 Jo dsifib' cagüi' Jesús jminiñ' do jo casí'- reiñ':

—Nijmee~baa e nilijné'tu', cō' jáb'- calíng-na e quí'~baa jmí~.

30 Jo dsifib' cana' jmini` i dsea` gáng- do. Dsu' Jesús ca'ír- 'goo` quiáin'- do e ja` ii` nisíin' jii'~ jaang` quiá'- lajii'~ e calí- do. 31 Dsu' i dsea` do, jōbi lico' nica'uøøiñ' fí lí si' e 'núu' do mi~ canaañ' ni'r júu^ fí lacaang` fií e néé' lí se' Galilea quiá'- lajii'~ e cajmée` Jesús cōo'~ ír` do.

Mi~ cajmi'leáng- Jesús jaang` dsea` i ja` fé'

32 Jo lajee` e uøøng` i dsea` gáng- i lamí~ tiuung- do, jo lajee` jo, tú- 'ní m'ing'~ dsea` cangojéiñ' fí quini` Jesús jaang` dsea` i ja` fé' uíi'~ e iuung- i 'ling'^ dsíur'. 33 Jo mi~ calí- e cajmihuíng- Jesús i 'ling'^ i iuung- dsíi' i dsea` i ja` fé' do, jōguiba' canaañ' do café'r'. Jo jaléng' dsea` i siseáng' do ie~ jo dsíng'- cangogá` dsíur' jo fé'r' lala:

—Dseáng'- jii'~ cōo` ya' ja` mí cane`ee' fí góo'naa' Israel lajii'~ e nicalí- na jmí~ na.

34 Jo dsu' jaléng' dsea` Israel i líng' dsea` fariseo i siseáng' do ie~ jo fé'r' lala:

—La'eáang' cóo'~ bí' quíá'- fii~ i 'lim'^ba' tting` i dseañu` na e jmihuíñ~ i 'ling'^ i teáang'~ dsí' dsea`.

Eáam' fii~ líng' Jesús jaléng' dsea`

35 Jo mi~ cangí jo, cangí Jesús lacaang` jalé' fii` fé' cóo'~gui jalé' fii` pí' e er' júu^ quíá'- Fidiéé' fí' lacoó' lí' téé~ guá'- quíá'- dsea` góor` dsea` Israel. Jogui guiar' júu^ e nijaquíém'ba' e nicá' dsea` do nifí' quíá'- lajaang` lajaang` dsea` jmígüi', jogui jmi'leáaiñ~ jaléng' dsea` i líng' lí'^ doñí' ee' jmohuí' osi lí'^ doñí' jíé' lí' cu' quíaiñ' é.

36 Jo mi~ cangáng~ Jesús i dsea` 'leáang~ i siseáng' do ie~ jo, eáam' calí' fii~ líng~neíñ', co' dsíng'~ jmiquíng'~ dsíiñ' do jogui dsíng'~ líjiuung~ dsíiñ' cajo. Co' líiñ' do laco' líng' jaléng' jo'se' mi~ ja` seeng` fii're' i quíe' nifí' quíáa-re'.

37 Joba' cajíng'~ Jesús casí'r~ jaléng' i dsea` quíá'r~ do lala:

—E já'- e dsíng'~ fíng' jaléng' dsea` i iing~ ni-jmicuíng` jnea~, dsu' ja` ii` 'ga' lí' dsea` seeng` i niguiá~ júu^ quíe'-e. 38 Joba' 'né~ nimíi'~ 'nú' Fidiéé' e nicuóng~ guir dsea` i niguiá~ jalé' júu^ quíe'-e, jo e jo lí' lafa' mi~ caroo' jalé' e cajní' jaang` dsea` jo dsu' jo` ii` 'ga' lí' seeng` i nijmicóo'~ quíá'r~ e ni~ ta~ do.

10

Mi~ cagúing' Jesús dsea` guitúung' quíá'r~
(Mr. 3:13-19; Lc. 6:12-16)

1 Jo mi~ cangí jo, cóo' jmi~ cató'~ Jesús lajüing` i dsea` guitúung' quíá'r~ do, jo cacuø'reíñ' e óoiñ'

do ta~ e tñiñ` e ni'uóñiñ` jaléng` i `ling`^ i teáng` dsí` dsea`, jogui e tñiñ` nijmi`leáaiñ` jaléng` dsea` dsée` l`^ doñi` ee` jmohuáí` liiñ` osi l`^ doñi` jié` l` cu` quiáiñ`- é.

² Jo lalab sii` jaléng` i dsea` apóo` i ni` júu` quiá'r` do: i sing` nifí` do siir` Simón, jogui sii` bir` Tú` cajó, jogui jaang` rúñiñ` do i sii` Df`; jogui Tiáa` cóo` jaang` rúñiñ` i sii` Juan, jo laji` huáaiñ`- na líñiñ` jóo` jaang` dseañu` i sii` Zebedeo; ³ jogui Lii` jogui Bartolomé jogui Mó` jogui Mateo, jaang` i lamí` jmóo` ta~ mí` cuu` e catíng` dseata` i guíng` fí` Roma; jogui Tiáa~, jóo` jaang` dseañu` i sii` Alfeo; jogui Tadeo; ⁴ jogui jaang` i sii` Simón i líng` dsea` celote; jo jaang`gui i sii` Judas Iscariote, dsea` i ca`náng` Jesús fí` quini` dseata`.

*Mi` casíng` Jesús dsea` guitúung` quiá'r` e nidsigui-
iaiñ` júu` quiá`- Fidié`*

(Mr. 6:7-13; Lc. 9:1-6)

⁵ Jo mi` cangf` jo, jo lajee` e ná`-gui e nisíng` Jesús i dsea` guitúung` quiá'r` do e nidsiguiaiñ` do júu` quiá`- Fidié`, la`uii` jang`- casí`-reiñ` jalé` ta~ e nidsijméeiñ` do jo lalab casí`-reiñ`:

—Jie` mí` güilíng`-na` fí` guóo`-uó` quiá`- dsea` i ja` líng` dsea` Israel, o`gui nigüitáng`-na` fí` jalé` fií` quiá`- dsea` Samaria. ⁶ Jo lajii` ta~ e nigüilíng`-na` e güiquí`- jíng`-na` jaléng` dsea` Israel jial laco` nilicuiñ` Fidié`, có` i dsea` í` líñiñ` laco` jo`se` i si`líng`. ⁷ Jo güilíng`-na` güigua`-na` júu` jee` jaléng` i dsea` í` e nicatb` í` e Fidié` nicá` nifí` quiá'r`. ⁸ Jo lajee` jo, jmi`leáang`-na` jaléng` dsea` dsée`, jogui jmee`-na` e nijí` tu jaléng` `lii~, jogui jmi`leáang`-na` jaléng` dsea` i líng` jmohuáí` `li` fí` ngúu` táang`,

jogui uøøng-na' jaléng' i 'ling' i teáang' dsi' dsea'. Jo ja cá'na' e 'léeng'na' quiá' lajii' e nijmee-na' do, co' ja ee' cuu- cacøng- qui-na' e cangíng'na'.

⁹ Jo ja 'né- cá'na' jii' ca'íng' cuu- quiá' e 'né-na' ¹⁰ o'gui nosúu' qui-na'. Jogui jii' sí'na' e quií'ba' 'né- cá'na', co' ja 'né- cá'na' e co' cá'na'; lajobi lomii'na' cajo, lajii' e ø'ba', o'gui 'né- cá'na' 'ma'u, cofa' jaléng' dsea' jmoo' ta' ngim'bre jalé' e gø'r'.

¹¹ Jo mi' niguilíng-na' fí' coo' fii' pí' osi fí' coo' fii' fé' é, 'néng'na' jaang' dsea' i lí' i ni'íng' 'nú' fí' sinúu' quiá'r', jo fí' job nijá'na' carta' taang-na' fí' e fii' jo. ¹² Cuøø'ba' guicá' jaléng' dsea' i neáang' fí' jo mi' nigüitáang-na' fí' sinúu'. ¹³ Jo song guiab- ni'íng' 'nú' i dsea' lí' niguilíng-na' do, joba' juguiá- niliseeiñ; dsu' song ja' ni'íñ' 'nú' coo' e guia-, joba' lajob ja' juguiá- niliseeiñ' yaaiñ' cajo. ¹⁴ Jogui song ja' ni'íñ' 'nú' guia- o'gui iin' e ninúr- júu' qui-na', joba' uøøng-na' lajminá- e fí' sinúu' jo osi e fí' fii' jo é, jo bó'na' 'lee' tóo' tii'na'. ¹⁵ Jo jnea~ jmitaa' óo'na' e mi' nití- í' e niquidsí' Fidié' í' quiá'- lajaang' lajaang' dsea' jmigüí, eáang'guib nicuø'r' iihu' i dsea' i ja' calijí' 'nú' do laco'gui iihu' e ca'íng' jaléng' dsea' i caliséng' fí' Sodoma coo'gui fí' Gomorra.

Mi' cajíng'- Jesús e' jalé' iihu' ni'íng' dsea' guitúung' quiá'r'

¹⁶ Jo mi' cangí' jo, lalab casí'-gui Jesús i dsea' quiá'r- do:

—;Téé' áa'na! Jnea~ nisín^n 'nú' jee~ dsea' i 'ní' níng- 'nú' lafa' jaang' jo'se' i ni'iuung- jee~ ie'dsinúu'. Jogui jmee-na' lí'na' laco'gui la lí'

jaang` mi', jo 'né-bi cajo e ja` 'lee~na' dsuco' fa' jaang` mee~ ja` 'léere'. 17 Jo ñiim` áa'na', co' nisám' dsea` 'nú' jo nidsijeáaiñ` 'nú' fi' quini` dseata~ quí-ii' dsea` Israel, jogui nijmihuññ` 'nú' fi' dsíí sináú` guá'- quiá'r- 18 jo jìgui cartí nidsijeáaiñ` 'nú' fi' quini` dseata~ dsea` cøøng` uí!~ e cuíng`na' jnea~. Dsa' mi~ nijmeáaiñ` 'nú' lajo, joba' cuøøng` e nifo'^na' fi' quinir` cóo'~gui fi' quini` jaléng` dsea` i ja` cuíng` Fidiéé` jial mi~ ca'uíng`na' dsea` quié`-e. 19 Jo dsa' mi~ nijáiñ` 'nú' fi' quini` dseata~, ja` jmee~na' fi'í` jial nifí'^na'r osi jial ningñi~na' quiá'r- é, co' Fidiéeb` dsea` nicuó'r- 'nú' e ñí'na' e~ júu` e ningñi~na' quiá'r- mi~ tí li~ nití- í' e liing` ee` nijmingí'r- 'nú'. 20 Co' ie~ jo, Jmiguí` quiá'~ Tiquí'naa' Fidiéé` dsea` guíng` ñiff- e nifé' cuaiñ` quí-na' mi~ nití- e í' jo, jo o' yaang` 'nú' dsea` nifo'^na'.

21 Jo mi~ tí li~ jo, seem` dsea` nijáiñ` jaléng` rúíñ` e nijúuiñ~, jogui seem`bi tiquiá'^ dsea` nijmér- lajo cóo'~ jóor', osi jóor' é nijmér- lajo cóo'~ tiquiá'r` e nijngáng`- rúíñ`. 22 Jo lajim` dsea` jmigüí` nilí` 'ní' níññ` 'nú' uí!~ e cuíng`na' jnea~; jo dsa' i dsea` i nité' e siñ' teá' fi' guiá~ contøøng` cóo'~ jnea~, joba' i dsea` íbing' i nileáng` jee~ jalé' dsee- quiá'- mi~ nití- í' lajo. 23 Jo mi~ ni'øng` dsea` 'nú' fi' coo` fiñ, guiá~gui e cuí'ba' jo nigüíling`na' fi' jié'gui coo` fiñ. Jo dsa' jmitaa` óo'na' e jnea~ i cajá- fi' jmigüí` la e lín'n jaang` dsea` jmigüí, nigáab`túu calé' catú- nú'-gui e niteáng`na' ngí'na' ta~ guia' júu` quié`-e fi' la'úng- jalé' fiñ e téé' li~ se' Israel.

24 Co' jíí~ jaang` dsea` i jmitíng`, tíng`guir laco' tifa' quiá'r-, o'gui jaang` dsea` 'léeng` fa' ni-

ing⁻guir laco' fiir[~]. ²⁵ Co' i dsea` i jmitáing` do 'néb⁻ nijmitáin` cartí nilitáin` røø, jo lajoguiba' røøb` nicóin⁻ cóo[~] tifa' quiá'r⁻ jóng. Jogui i dsea` 'léeng[~] do mi[~] ningóo' jmóor` ta[~], ni'uúim⁻ bre laco' i fiir[~] do cajo. Jo song fé[~] dsea` e fiir[~] i 'ling[^] i sii` Beelzebú quier' nifí sinúú[^] quíi⁻ na', joba' ga`guib nifé[~] dsea` jóng uú[~] quiá⁻ dsea` sinúú[^] quíi⁻ na'.

Jial 'né- nijmi'gó' dsea` Fidiéé`

(Lc. 12:2-7)

²⁶ Jo mi[~] cangí jo, casí⁻ gui Jesús jaléng[~] i dsea` quiá'r⁻ do jo cajín⁻:

—Ja` fòøng[~] na' quiá⁻ jaléng[~] dsea` i 'ní[~] níng⁻ 'nú', co' ja` sea` jíi[~] coo` júu[^] e ja` ní[~] dsea` fa' ja` tóo` jmí[~] e niliñí dsea`, o'gui coo` e si'ma[~] fa' ja` tóo` jmí[~] e niguié[~] dsea` cajo. ²⁷ Jogui jalé[~] e fíi⁻ i 'nú' e ñng[~], guia[~] ba' júu[^] jee[~] jaléng[~] dsea`; jogui jalé[~] e fíi⁻ i 'nú' fí oo⁻ loguá[~] na', féé⁻ ba' teá[~] jee[~] jaléng[~] dsea`. ²⁸ Jo ja` fòøng[~] na' quiá⁻ jaléng[~] dsea` i iing[~] nijngáng⁻ 'nú', co' ja` e ta[~] íng[^] quiá'r⁻ lico' lír[~] jíi[~] ngúu` táang[~] na'; co' Fidiéé[~] dsea` 'né⁻ i nijmi'goo[~] na', co' jíi[~] dsea` íbing[~] cuóøng[~] nijngáng⁻ dsea` jogui ni'íiñ⁻ dsea` congua' fí lí[~] 'lí[^] car` ngongí[~] jmí[~].

²⁹ 'Co' cuóøm⁻ nilóng⁻ dsea` gáng⁻ ta` cóo[~] coo` tú⁻ í[~] lajo, jo dsu' jíi[~] jaang[~] i ta' do qui⁻ jmí[~] nidsi'íng[~] ne' e ja` mí caquiú[~] Tiquíi[^] na' Fidiéé[~] ta' lajo. ³⁰ Jogui jaléng[~] 'nú', jìgui ññguí[^] na' si'í[^] Fidiéé[~] jó[~] mí[^] tíí. ³¹ Joba' ja` fòøng[~] na' jíi[~] coo`, co' lí[~] gui quíng[~] 'nú' fí quini[~] Fidiéé[~] laco'gui i fíng[~] tá'.

Jaléng[~] dsea` i jíng⁻ e cuiñ` Dsea` Jmáang⁻ fí quini[~] jaléng[~] dsea` jíéng[~]

(Lc. 12:8-9)

32 Jo cajíng'⁻ guí Jesús casí'r⁻ dseá` quiá'r⁻:

—Song ii dseá` jíng'⁻ e cuíiñ` jnea` fí' quini` dseá` jíéng'⁻, jōba' lajōb nifá'⁻ jnea` cajo e cuím`baa i dseá` í fí' quini` Tiquié` e dseá` guíng` ñíff⁻; 33 jo dsu' ii guí i jíng'⁻ e ja` cuíiñ` jnea` fí' quini` dseá` jíéng'⁻, jōba' lajōb nifá'⁻ jnea` cajo e ja` cuín`nre fí' quini` Tiquié` e dseá` guíng` ñíff⁻.

Níjng⁻ dseá` lajee` la'ó'` rúíñ'` uí'` quiá'⁻ Jesús

(Lc. 12:51-53; 14:26-27)

34 'Ja` í` áa'na' fa' jnea` cagá`-a fí' jmíguí` la e cagajmée` e seeng` dseá` juguíá` júu` røø, cō' jnea` ja` cagajmée` e lajō, dsu'cō' uí'` jnea` níjng⁻ dseá` lajee` la'ó'` rúíñ'`. 35 Jo jōō' dseá` dseañu'` níjñ` cōō'` tiquiá'r`⁻, joguí jōō' dseá` dseamf` níjñ` cōō'` níquiá'r`⁻, joguí dseá` mīloo` quiá'⁻ dseá` níjñ` cōō'` iemisér`⁻; 36 jo lajee` la'ó'` dseá` sínúu` quiá'r`⁻ nilí` 'ní'` níng⁻ rúíñ'`.

37 'Joguí song jaang` dseá` eáang`guí 'neáaiñ` tiquiá'r`⁻ o'si níquiá'r`⁻ é lacō'guí jnea`, jōba' ja` quí'⁻ jmí` e líiñ` dseá` quié`-e jóng; o'si jaang` sejmí` dseá` eáang`guí 'neáaiñ` jōōr` dseañu'` o'si jōōr` dseamf` é lacō'guí jnea`, jōba' lajōb cajo ja` quí'⁻ jmí` e líiñ` dseá` quié`-e. 38 Joguí ii dseá` i ja` niseáng⁻ lafa' crúu` quiá'r⁻ e lacō' cuø` lí` e guíá` dsír' e ní'íñ'` iihu'í` uí'` e líiñ` dseá` quié`-e, ja` quí'⁻ jmí` e líiñ` dseá` quié`-e. 39 Joguí ii dseá` i í` dsí' e lí'bre nileáng⁻ `ñia'r` jee` jalé'⁻ dsee` quiá'r⁻, jōba' i dseá` í` conguiab` nibíiñ`⁻ fí' lí' 'lí'` jóng; jo dsu' ii dseá` i júung⁻ uí'` e líiñ` dseá` quié`-e, jōba' i dseá` í` conguiab` nitíiñ'⁻ fí' quini` Fidié` jóng.

Lajíi'⁻ e catáng⁻ dseá` íñ'` quiá'⁻ Fidié`⁻

(Mr. 9:41)

40 Jo lalab casi'⁻ gui Jesús dsea` quiá'r⁻:

—Ii` dsea` i íngⁿ 'nú' lacoo` li~ guilíng⁻ na', joba' ímⁿ bre jnea~ cajo; jogui ii` dsea` i íngⁿ jnea~, joba' ímⁿ bre i dsea` i casíng` jnea~ fí jmigúí' la. 41 Jogui ii` i íngⁿ i dsea` i fé' cuaiñ~ quiá'⁻ Fidiééⁿ, co' dsea` íb` casí' quiá'r⁻, joba' i dsea` i ni'íngⁿ i dsea` í røøb` ni'íñⁿ cajo laco'gui e cuø' Fidiééⁿ i dsea` i fé' cuaiñ~ quiá'r⁻ do; jogui ii` i íngⁿ jaang` dsea` i ée` guiá⁻, co' guiúm⁻ i dsea` do, joba' røøb` ni'íngⁿ i dsea` í quiá'⁻ Fidiééⁿ lí' laco'gui la íngⁿ i dsea` i ée` guiá⁻ do. 42 Jogui doñí' ii` dsea` i cuø' fa' capí'ⁿ jmíi` i dsea` quié⁻ e i doñí' fa' ni'lé'ⁿ cuíng` jnea~, joba' jnea~ jmitaa` óó'na' e catím⁻ bre ni'íñⁿ lajii'⁻ e sí'íñⁿ quiá'⁻ Fidiééⁿ cajo.

11

Mí' casíng` Juan i seáang` dsea` jmíi` dsea` quiá'r⁻ fí lí' táang` Jesús

(Lc. 7:18-35)

1 Jo mí' tí' lí' cató' e cacuø' Jesús ta~ jaléngⁿ i dsea` guitúung` do quiá'r⁻, joba' cangó⁻ bre e cango'er` jogui e cangoguiarⁿ júu^ quiá'⁻ Fidiééⁿ fí jalé'ⁿ fíi` e téé'ⁿ lí' se' Galilea.

2 Jo ie~ jo, 'nañíb^ iuung⁻ i Juan i seáang` dsea` jmíi` do. Jo lajeeⁿ iuuiñ⁻ fí job mí' caliñir' jalé'ⁿ e quíi'ⁿ jmíi` tíng` Dsea` Jmáang⁻ e jmóor', joba' casíñⁿ coo` tú⁻ máng'ⁿ dsea` quiá'r⁻ fí lí' táang` dsea` do³ e cangojmingíi'ⁿ reiñ' su íb` dsea` i sijeengⁿ dsea` Israel i sí'íng^ e nigüéeng⁻ fí jmigúí' la, osi nijém⁻ bir jaang`gui i jíéngⁿ é.

4 Joba' lalab cañíi` Jesús quiá'⁻ i dsea` do:

—Güiling`na' güicoo`na' júu^ quiá'- i Juan do lajúi~ e nicanúu`na' jogui nicañí`na' e quií~ jmií~ e jmóo`o. ⁵ Síi`gor e lijnéb`tu jaléng` dsea` tiu-ung~, jogui e ngib`tu jaléng` dsea` jlúung~, jogui e `láam` jaléng` dsea` i líng` jmohuú` `lí^ fí` ngúu` táang~, jogui e núub`tu jaléng` dsea` güiing~, jogui e jíb`tu jaléng` `lí~, jogui cajo e guiaa` júu^ quiá'- jial nileáng` jaléng` dsea` jmigüi` jee~ jalé` dsee` quiá'r~. ⁶ Juguiá`jiu quiá'- jaléng` dsea` i ja` litúng` dsíi' lajúi~ fí` lí~ nisiñ`' cóo`' jnea~!

⁷ Jo mi~ tí` lí~ caquing`-tu i dsea` i casíng` Juan i seáang` dsea` jmií` do, joba' Jesús canaaiñ` sí'r` jaléng` i dsea` i taang` cóo`r~ do jalé` juguiá` uii~ quiá'- i Juan do, jo lalab casí`-reiñ` jo cajíñ`-:

—¿E~ caguijøø` `nú` mi~ canúu`na' e ningí` i Juan do fí` jee~ guoo` uó` quiú? ¿já` leáa'~?, ja` caguijøøng` `nú` jaang` dsea` i uaang` júu^ quiá'- i jmóo` lí^ doñí` ee` ta~ quiú' dsea` jiéng` i líng` la lí` cóo` cuiñí^ e dsée` cataang` lí^ doñí` jié` fí` lí` íi` guí; ⁸ o`gui caguijøøng`na' jaang` dseañu` i jlo^ sí^, co' niñíb^ `nú` e i dsea` la'í` neáaiñ` quiá'- dseata~ dsea` féng', co' í`bing` sea` jalé` e jlo^ quiá'-. ⁹ Jo ¿i` í` óo`na' i caguijøøng`na'? Jo e jáb'-, `nú` caguijøøng`na' jaang` dsea` i laniing`-gui laco' i dsea` caguaang` i café` cuaiñ` quiá'- Fidiée` malí~gui eáang`. ¹⁰ Jo nab nicaliti~ laco' fé` fí` ni~ jì` quiá'- Fidiée` cuaiñ` quiá'- i Juan i seáang` dsea` jmií` do mi~ cajíng`- Fidiée` e casí'r` Dsea` Jmáang` lala:

Nisín^n jaang` dsea` i niguiá` júu^ quié` e
nú`-gui e niguó^ fí` jmigüi`
e laco' niguiár` guiá` fí` lí` ningí^.

11 Jo lalab cajíng' gui Jesús casí'r i dseá teáang` cóo'r do ie~ jo:

—Jo jnea~ jmitaa^ óóna' e lajee~ lajaléng' dseá i nicafé' cuaiñ~ quiá' Fidiéé, ja` mí caliséng` jaang` i niing` gui ta~ quiá' laco' i Juan i seáang` dseá jmíi do. Jo dsu' i dseá i ja` niing` fi' jmigüü la dsu' Fidiéé`bing' i quie' nifi' quiá'r, joba' í'bing' i niing` gui laco' i Juan do.

12 'Co' ie~ lati' mi~ canaang` Juan i seáang` dseá jmíi e guiar' júu^ e nijáa' Dseá Jmáang` jo cartí lana, eáang` huñng` nicangojée' cóo' júu^ quiá' Fidiéé e quiá' e quier' nifi' quiá' dseá jmigüü; jogui jaléng' dseá i 'ní' ní-, cuø' bí yaaiñ e laco' iñ~ nijmigüíeíñ` cóo' e júu^ jo. 13 Jo ná' gui e cagüéng` Juan i seáang` dseá jmíi fi' jmigüü la, jalé' e júu^ e cagua' i dseá i café' cuaiñ~ quiá' Fidiéé` jogui e júu^ quiu' ta~ quiá' Fidiéé` do, jalé' e jo lico' jmita~ dsíi' e Fidiéé` iñ~ nicár' nifi' quiá' lajaang` lajaang` dseá jmigüü. 14 Jo song 'nú' iing` na' ni'ling' na' e júu^ jo, joba' i Juan do líiñ` laco' Líi' i café' cuaiñ~ quiá' Fidiéé` malíi` gui eáang` i sí'í^ nijáa'tu calé' catú-. 15 Jo jaléng' 'nú', dseá sea` loguá' na', núu` na' jalé' e júu^ e nicafá' a na.

16 'Jo lana nifá'^duu jial líng' jaléng' i dseá seeng` jmíi na, co' jaléng' í líiñ` la líng' jiu-ung` i táang` tacóo' fi' 'móo', jo mi~ niti'áng' rúíñ' fé'r lala: 17 “Cajíuu^ jnea'^ lúu', dsu' 'nú' ja` cad-seeng` na'; jogui ca'ø^naa' e ø dseá lí` ráang` 'líi, dsu' 'nú' ja` caquíi' na'.” 18 Co' lalab caféé' 'nú' mi~ cajá' i Juan i seáang` dseá jmíi do, ca'eeng` na'r e iuung` i 'ling' dsíir dsu' uíi~ e ja' leáang` gø'r jogui jíi~ capí'^ méé' ja' í'r. 19 Jogui mi~ cagüéng` jnea~

fi' jmiḡüi' la, jnea~ dsea` i jaa' fi' ñifi~ e lín'n jaang` dsea` jmiḡüi' e gó'baa jii'~ laco' gø' dsea`, jo uii'~ e lajob líi', joba' jaléng' 'nú' ca'eeng-na' jnea~ e lín'n jaang` dsea` cúng` i gø' contøøng- jogui e lín'n jaang` dsea` íng' i ngi' cóo'~ jaléng' dsea` i ga` fé' dsea` uii' quiá'r- osi cóo'~ jaléng' 'ná' nodsicuu- i jmóo' ta~ mí cuu- e catíng- dseata~ quiá' Roma é. Jo dsu' cóo'~ jalé' e jmóo' Fidié~ jmiñéiñ' jial tíi' tñiñ' ngáiñ'.

Dsea` i ja` ja'- calíng- júu` quiá'- Dsea` Jmaang-
(Lc. 10:13-15)

²⁰ Jo ie~ jo, canaang` Jesús 'gaam`bre quiá'- jaléng' dsea` i seeng` fi' fñi' lí~ nicajméer` jalé' e quíi'r~ jmiñ~ e dsigá' dsíi' dsea', co' jaléng' i dsea` í ja` caqui'- jíng' yaaiñ~ fi' quini~ Fidié~. Jo lalab cajíng'- Jesús ie~ jo:

²¹ —iE ngi' fñib^ 'nú', dsea` seeng`na' fi' Corazín cóo'~gui 'nú' dsea` seeng`na' fi' Betsaida, cofa' mi~ fi' Tiro cóo'~gui fi' Sidón cajmé- e lajalé' e guiá- e quíi'~i jmiñ~ laco'gui jii'~ e nicajmé- e jee~ 'nú', joba' i dsea` í ladsifi' lajo caqui'- jíng' yaaiñ~ fi' quini~ Fidié~ faco' mi~ lajo, jo catíng- e nineáaiñ' fi' íb^ uii~ quiá'- jalé' e dsee- e nicarøøiñ'! ²² Joba' fñi' i 'nú', dsea` seeng`na' fi' Corazín cóo'~gui fi' Betsaida, ie~ mi~ nití- í' e niquidsí' Fidié~ í' quiá'- lajaang` lajaang` dsea` jmiḡüi', eáang`gui nicuø'r- 'nú' iihuí' laco'gui e iihuí' e ni'íng' dsea` i seeng` fi' Tiro cóo'~gui fi' Sidón. ²³ Jogui jaléng' 'nú', dsea` seeng`na' fi' Capernaum, ¿su líng-na' e 'nú'bing' i nisáng' cartí' yú'gui jee~ jaléng' dsea'? Jo o' lajo, co' 'nú'bing' i nijgiáang` tí lí' 'lí' mi~ nití- í' lajo. Cofa' mi~ fi' fñi' Sodoma calí- lajalé' e quíi'-

jmíh̃ laco'gui j̄j̄i'~ e nicajmé~ e jee~ 'nú', joba' ja' ca'íng~ e f̄i' j̄o, j̄o s̄ij̄i'^bi latí' lana. ²⁴ Joba' f̄i'~túu 'nú', dsea` i seeng` fí Capernaum, e mi~ nití~ í' e niqidsí' Fidié~ í' quíá'~ lajaang` lajaang` dsea` jm̄igüî, eáang`guib ni'íng'~ 'nú' iihuí' laco'gui j̄j̄i'~ iihuí' e ca'íng' jaléng' i dsea` i seeng` fí Sodoma.

Jaléng' dsea` i óo' f̄i'í' dsú' né~ nijaquíéiñ' fí' quini' Jesús

(Lc. 10:21-22)

²⁵ J̄o lalab cajíng'~ gui Jesús ie~ j̄o:

—Teaa~, lana jmifén'n 'nu', dsea` Fii~ ñiff~ cóo'~ jm̄igüî la, dsuco' lana nicajmee'~ e ngám' jaléng' dsea` dsee~ dsea` quí' jalé' júu^ quí'~, jogui ca-jmee~ba' e ja` cangáng' júu^ quí'~ jaléng' dsea` i t̄iing` eáang` i jmicóøng'~ yaang` fí jee~ jaléng' dsea` rúng'. ²⁶ E jáb'~, laj̄ob lí', Teaa~, co' laj̄ob nicali'iing'~ 'nu' e calí~.

²⁷ J̄o mi~ canḡf̄ j̄o, lalab casí'~ Jesús dsea` quíá'r~:

—Tiquié~ e Fidiéeb~ dsea` nicacuø'r' jnea~ e néé' nii~ lajalé' e sea` fí la'úng~ fí jm̄igüî. J̄o j̄j̄i'~ jaang` dsea` dseáng'~ mí cuiñ` jnea~, dsea` l̄ín'n J̄oó' Fidié~ cam̄ng'~, co' laj̄j̄i'~ Tiquié'baa dsea` cuiñ` jnea~; jogui j̄j̄i'~ jaang` dsea` dseáng'~ mí cuiñ` Tiquié~ e dsea` guíng~ ñiff~, co' laj̄j̄i'~ jneab~ dsea` cuiñ`nre cóo'~ gui lajaléng' dsea` i nisí'íng` quíé~ e e nilicuíñ` dsea` do. ²⁸ J̄o jaléng' 'nú', dsea` i óo' f̄i'í', cóo'~ gui jaléng' 'nú', dsea` dsinḡng~ na' iihuí', quí'~ j̄íng' yaang` na' fí' quini~, co' jneab~ dsea` quí'~ i jmíh̃ nijmee~ e e nití'~ áa'na' quíá'~ jalé' e j̄o. ²⁹ Jogui íng'~ na' jalé' júu^ quíé~ e e guiaa~ jee~ 'nú', jogui ee~ba' guíá~ laco'gui jnea~, dsea` l̄ín'n jaang` dsea` féng' dsí' cóo'~ doñí' ī j̄o gui e

ja` jmiféng' 'ñiá'`a cajo. Jo song nijmee`na' lajo, joba' nilí'ba' jóng e nití'~ áa'na' uii~ quiá'~ jalé' e dsingúng`na' do. ³⁰ Co' song ii` dsea` i` iing~ nijmitúng` júu^ quié`-e jogui` nijmitir~ lajúi'~ júu^ quiu' ta~ quié`-e, ja` huíng' quiá'r`- e nijmér` lajo, co' ja` ii` e ta~ jo.

12

*Mi~ ca'éeng` dsea` quiá'~ Jesús láa' quiá'~ cui'iee`
(Mr. 2:23-28; Lc. 6:1-5)*

¹ Jo ie~ jo, coo` jmi~ lajee` e t́ng` dsea` Israel e jmi'íñ', cangúng' Jesús colúng` cóo'~ dsea` guitúung` quiá'r`- fí' coo` guóo'~ uó^ lí~ sijnea` cui'iee`. Jo lajee` ngúñ' fí' jo, cadseá` jmi'aang` i` dsea` quiá'r`- do, jo canaaiñ` do éem`-bre láa' quiá'~ cui'iee` e sea` do jo canaaiñ` gø'bre mí'^ quiá'-. ² Jo ie~ jo, co' quiá'~ dob nitaang` coo` tú`-múng'~ dsea` Israel i` lúng' dsea` fariseo jo cangá`-bre e ca'éeng` i` dsea` quiá'~ Jesús do cui'iee`, joba' lalab casí'r` Jesús:

—Ja` catúng`- jmé` i` dsea` quií'~ na lana lajee` jmi~ e jmi'íng'naa', jneaa`aa' dsea` lí'í' dsea` Israel!

³ Jo lalab cañi' Jesús quiá'~ i` dsea` do:

—Téé' óo'na' e nica'í'ba' fí' ni~ jì' quiá'~ Fidiée` lí' fé' jial cajmée` dseata` Daví'^ mi~ cadseá` jmi'aaiñ` colúng` cóo'~ jaléng' dsea` quiá'r`. ⁴ Co' ie~ jo cangúñ' cartí' dsí' sinúu^ guá'~, jo cagø'r` iñí'^ e güeang'^ quiá'~ Fidiée` e júi'~ jmidsea`bing' si'í' cuóøng` dø'~, dsu' cagø'bre colúng` cóo'~ i` dsea` quiá'r` do. ⁵ Jogui` téé' óo'na' cajo jial fé' fí' ni~ jì' quiá'~ Fidiée` e cajme' Moi~, co' fí' ni~ jo fé' e ja` dsee`-ée` jaléng' jmidsea` nañí' fa' jmóor` ta~ fí'

dsíí sinúú[^] guá'⁻ fé'^l lajee[~] jmíí[~] e jmi'íng'^l jneaa[~]aa', dsea^l lííí'^l dsea^l Israel. ⁶ Jo dsu'^l jnea[~] fíí⁻i 'nú'^l e niing⁻gui júu[^] quié⁻e laco'gui e guá'⁻ do. ⁷ Dsu'^l latí lana ja^l mí cangám^l'bi 'nú'^l e[~] guóng^l' lajii[~] e fé'^l fí' ní[~] jí^l quiá'⁻ Fidiée[~] lí[~] fé'^l lala: “Jnea[~] Fidiée[~] iin[~]n e nilí[^] fíí⁻ líng⁻ rúng^l'na', jo o^l e cuø⁻na' feá'⁻ fí' quini⁻.”

Jo casí'⁻gui Jesús i dsea^l fariseo do:

—Faco^l mí[~] cangáng^l'na' e júu[^] jo latí mí[~] uing[~], joba' ja^l e ta[~] e cuø^l'na' dsee⁻ jaang^l dsea^l i ja^l mí calée^l jii[~] coo^l. ⁸ Jo dsu'^l e já'⁻, jnea[~] dsea^l cagá⁻a fí' jmígüí^l la e lín^l'n jaang^l dsea^l jmígüí^l, oo⁻baa ta[~] e niquiá^l'^u ta[~] mí[~] jmíí[~] e jmi'íng'^l jneaa[~]aa', dsea^l líí'naa' dsea^l Israel.

Mí' cajmi'leáang⁻ Jesús jaang^l dsea^l i caang[~] guoo^l
(Mr. 3:1-6; Lc. 6:6-11)

⁹ Jo mí[~] cangí^l jo, cangó⁻ Jesús fí' coo^l dsíí sinúú[^] guá'⁻ quiá'⁻ dsea^l góor^l dsea^l Israel. ¹⁰ Jo mí[~] caguiér⁻ fí' jo, dob ni'iuung⁻ jaang^l dseañú^l i caang[~] coo^l guoo^l. Jo ie[~] jo, dob niteáang⁻ coo^l tú⁻ máng^l' dsea^l Israel i líng^l dsea^l fariseo e siteeíñ[^] Jesús e iin[~] ninír^l su nijmi'leáang⁻ dsea^l do i dsea^l i caang[~] guoo^l do 'ñia'^l ie[~] jmíí[~] e jmi'íng'^l dsea^l Israel, jo lajoba' e niguié^l'r jial e ni'núñ⁻ dsea^l do fí' quini[~] dseata[~]. Joba' cajmingí^l'r Jesús lala:

—¿Su seab^l fí' e nijmi'leáang⁻ jaang^l dsea^l dsée^l' lajee[~] mí[~] jmíí[~] e jmi'íng'^lnaa'?

¹¹ Joba' cañí^l Jesús quiáíñ⁻ do jo casí'⁻ reiñ^l lala:

—Faco^l 'nú'^l aang⁻na' jo'se^l jo calingüing[~]na' e catóng^l' jaang^l fí' dsíí^l íí^l 'ñia'^l ie[~] jmíí[~] e jmi'íng'^lnaa', ja^l lí[^] dsii⁻ fa^l lí[^] niseáang[~]na're' lajo, co^l nigüiseám^l'ba're'. ¹² Joba' fíí⁻i 'nú'^l, jial tíí

laniing̃gui quíng' jaang` dsea` fí quini` Fidié`
laco'gui jaang` jo'se'. Jo lajob líí, seab` fí e jme`naa'
coo` e guiá- 'ña' mi~ jmí~ e jmi'íng'naa'.

¹³ Jōba' lalab casí- Jesús i dsea` caang` guoo` do:
—Níi~ guoo`, dseañu`.

Jo lajob cajmée` i dsea` do, jo ladsifí lanab ca'lóo-
guoor` jo caliguiáb- e guoor` do lí^ laco'gui e coo` do.

¹⁴ Jo mi~ tí lí~ ca'uøøng` jaléng' i dsea` fariseo do e
fí dsíí sinúu` guá- do, jo canaaíñ` sñiñ` quiá- jial
niguié'r e nijngáiñ- Jesús.

Júu` e cajme' Saí` cuaiñ` quiá- Jesús

¹⁵ Jo mi~ calilí^ Jesús e jo, cagüí'íbre e fí jo, jo
cangór- fí lí~ jíe', jo fñm' dsea` cangolíng- cóo'r-
ie~ jo. Jo laco' ngolíñ- teáaiñ~ fí lado, jmi'leám-
dsea` do jaléng' dsea` dsée~, ¹⁶ jogui quiu'r ta~
quiá- jaléng' i dsea` i jmi'leáaiñ- do e ja` niguiáiñ-
do júu^ quiá- jalé' e quíi~ dsea` do jmí~ jmóor`.

¹⁷ Jo cajmée'r jalé' e jo e laco' calit~ lajii~ júu^
quiá- Fidié` e cajme' Saí^, jaang` dsea` i café'
cuaiñ` quiá- Fidié` malíi~gui eáang' mi~ cajíñ-
lala:

¹⁸ I lab i dsea` i nicaguín~n,

i jmóo` lajii~ e iin~n,

jo eáam' 'neáan`nre jogui íáang` dsii- cóo'r`.

Jogui eáam' nili'gøiñ'

la'eáang' cóo~ Jmiguí quié- e e nicuøø-øre,

jogui niguiár- júu^ jee~ jaléng' dsea` jmigüí

e dseáng'- røøb` ni'ír- í' quiá- lajaang` la-
jaang` dsea`.

¹⁹ Dsu' ja` nijmér- ta~ jíng` o'gui ta~ ta' míi~;

jo jíi~ jaang` dsea` ja` ii` ninú- júu^ quiá'r- jee~ 'núu'
e jmiféng' 'ña'r'.

- 20 Jò nijmicóo'~bre jaléng' dsea`
 i' í dsí' e ja` seeng` i'~ nijmicóo'~ quiá'r`.
 Jogui nijmicóo'~bir cajo jaléng' dsea`
 i' í dsí' e ja` niquí'r` jmi`.
 Jogui niguiár` júu` jee` jaléng' dsea`
 car` nilita` dsíñ' e dseáng' røøb` ñ` í` quiá'-
 lajaang` lajaang` dsea`.
- 21 Jò la'eáang' íb` nijá'- líng`
 jaléng' dsea` jmi`güi` júu` quiá'- Fidiée`.
 Jò lanab cajíng'- Saí' ie` malí`gui do.

*Mi` cacuø' dsea` dsee` Jesús e jmóor` ta` la'eáang`
 cóo'~ i` líng'^*

(Mr. 3:20-30; Lc. 11:14-23; 12:10)

22 Jò mi` cangí` jò, cangojéeng` dsea` fí` quini`
 Jesús jaang` dsea` tiuung` jogui` i` ja` fé' cajo. Jò
 i` 'lim'^ jmóo` e nilíng` i` dsea` do lado. Jò dsu`
 Jesús cajmi`leáam`bre i` dsea` do, jò calijnéb`'tuiñ`
 do jogui` café`'tuiñ` cajo. 23 Jò jaléng' dsea` i` teáang`
 do ie` jò, eáang` cangogá` dsí' jò canaaíñ` sí' rúíñ`
 lajee` yaaiñ` jò fé'r` lala:

—Jangám` song Jóo' dseata` dsea` féng' Daví'^ i`
 na.

24 Jò ie` jò, dob niteáang` coo` tú` míng'~ dsea`
 Israel i` líng' dsea` fariseo. Jò mi` canúur` síng` i`
 dsea` do lado, joba' cajíñ`-:

—La'eáang` cóo'~ bí` quiá'- Beelzebú i` líng' fii`
 jaléng' i` 'líng'^, la'eáang' í'bing' tíng` i` dseañu` na
 e uøøiñ` i` 'líng'^ i` teáang' dsí' dsea`.

25 Jò co' ñib` Jesús lajúi` e í` dsí' i` dsea` fariseo do,
 joba' cajíñ`- casí`-reiñ`:

—Fa' coo` fii` jò jaléng' dsea` i` seeng` fí` jò 'ní`
 níng` rúíñ', joba' sí'ím'^ e fii` jò jóng, co' ja` seeiñ`

røø. Jo lajobi cajo fa' coo` fii` pí`^ osi coo` sináú` lí`
 'ní` níng` rúng` dsea, si'ím`^ cajo. 26 Jo lajob lí`
 cajo cóo`~ Satanás i líng` fii` i 'ling`^ do, song nijmi-
 huíñ` i 'ling`^ quiá'r-, joba' nilí` e 'ní` níim` rúíñ`
 jo lajoba' ni'ím` bí` quiá'r-. 27 Jo 'nú`gui fó`na`
 e jnea` tñn` jmihuín`^n jaléng` i 'ling`^ i teáng`
 dsíí` dsea` la'eáang` cóo`~ bí` quiá'- fii` i 'ling`^ i sií`
 Beelzebú; co' faco' lajo, ¿i` i í` óo`na` i jmicóo`~
 quiá'- jaléng` dsea` i ngí` cóo`~ 'nú` e tñm`bre jmóor`
 lajo faco' lajo? Co' Fidiéé`bing` i jmicóo`~ quiá'- i
 dsea` í` e tñíñ` jmóor` lajo. Joba' lajii` e tñíñ` do cuø`
 lí` e ja` dseeng` laco' jii` e í` áa`na`. 28 Co' lajii` e
 jmóo` jnea` e jmihuín`^n jaléng` i 'ling`^ i teáng`
 dsíí` dsea, la'eáang` cóo`~ Jmiguí` quiá'- Fidiéé`ba`
 e jmóo`o lajo. Jo e jo cuø` lí` e nicatíb` í` e Fidiéé`
 nicár` nifí` quií`-na` lajaang` lajaang`na`.

29 Jo jíng`-gui Jesús:

—Jo ja` nilí` jaang` dsea` ni'ír` fí` dsíí` coo` sináú`
 quiá'- jaang` dsea` i bí`gui dsíí` laco' ír` e ni'uø`r`-
 jalé` e sea` quiáíñ`-, dsuco' la'uii` jang`- 'né`
 ni`ñúm`bre i dsea` bí` dsíí` do, jo lajoguiba' cuøøng`
 e nijmér` lajo.

30 'Jo ii` dsea` i ja` sing` uii` quié`-e, joba' 'ní`
 níim`bre jnea`; jogui ii` i ja` jmicóo`~ jnea` e laco`
 nilicuíng` dsea` jnea~, joba' ja` siñ` uii` quié`-e cajo.

31 'Joba' fii`-i 'nú` e íim`-bi Fidiéé` dsee` quiá'-
 jaléng` dsea` jmigüí` mi` ee`gø` júu` ga` fé'r` uii`
 quiá'- dsea` do, osi lí` doñí` ee` dsee` e éeíñ` é; dsu`
 jo` ni'ííñ` dsee` fíng song ii` café` ga` uii` quiá'-
 Jmiguí` quiá'r-. 32 Joba' fii`-túu` 'nú` e Fidiéé` íim`-bir
 dsee` quiá'- jaléng` dsea` jmigüí` mi` ee`gø` ga` fé'r`
 uii` quié`-e, jnea` dsea` gáa`a fí` ñifí` e lín`n jaang`

dsea` jmiḡüí; dsu' song iḡgui café' ga` uii~ quiá'-
 Jmiḡüí quiá'- Fidiée~, joba' jo` tóo` jmiḡ fa' ni'ling-
 dsea` do dsee- quiá'- i dsea` í lata~ seeiñ' fí' jmiḡüí
 la o'gui fí' jmiḡüí coo` cajo.

*Jalé' 'ma` ofiḡ` cuí' dsea` la'eáang' cóo'~ ofiḡ` e` íb`
 (Lc. 6:43-45)*

³³ Jo lalab cajíng'- gui Jesús e éeiñ` i dsea` teáang-
 do ie~ jo:

—Fa' 'ná' ta'na' o' fí' i' 'ma` ofiḡ` quií-na', joba'
 jlob'^ ofiḡ` nicuó-; jo song ja` jmoo'na' lajo, joba'
 ja` 'goo` ofiḡ` nicuó-. Co' jaléb' 'ma` ofiḡ` cuí' dsea`
 la'eáang' cóo'~ ofiḡ` e` íb`. ³⁴ jjóo' mi' guíim- 'ná'!
 Ja` cuóong` e nifo'^na' jmang'- juguiá-, co' jmang'-
 jalé' e ga'ba' í áa'na'. Dsuco' lajji~ e í dsíib' dsea`,
 jji~ joba' fé'r'. ³⁵ Jo jaang` dsea` i guíung-, jmang'-
 júu^ guíab- fé'r', co' jmang'- e guíab' ba' í dsír'; jogui
 jaang` dsea` i soo' dsíí, jmang'- júu^ gab' fé'r', co'
 jmang'- e ga'ba' í dsír'. ³⁶ Joba' fíi-í 'ná' e mi~
 niguiée' jmiḡ e niquidsí' Fidiée' í' quiá'- lajaang`
 lajaang` dsea` jmiḡüí, ie~ job mi~ niguiée' dsea` júu^
 fí' quini~ dsea` do jalé' e ja` íng^ ta~ e café'r' lajee~
 cateáaiñ' fí' jmiḡüí la. ³⁷ Jo cóo'~ lajji~ júu^ e café'
 dsea`, cóo'~ jji~ job nija'^ í' su røøiñ` dsee- o'si ja`
 røøiñ` é mi~ tí' lí~ nití' í' e nitidsí' í' quiá'r-.

*Mi~ camí' dsea` Jesús e nijmér- coo` lí~ e quí'r`
 jmiḡ e dsigá' dsí' dsea`*

(Mr. 8:12-13; Lc. 11:29-32)

³⁸ Jo mi~ cangí jo, coo` tú- m'íng'~ tífa' quiá'-
 júu^ quiu' ta~ quiá'- dsea` Israel cóo'~gui coo` tú-
 m'íng'~ dsea` Israel i líng' dsea` fariseo cango-
 quíeeiñ' fí' lí~ sing' Jesús jo casi'r- dsea` do lala:

—Tifa', ii~naa' ne~naa' e nijme' cōo' li~ e quí' jmi~ e dsigá' dsí' dsea'.

³⁹ Jōba' cañí' Jesús quiá' i dsea' do:

—Jaléng' dsea' seeng' jmi~ na dsíng' nirøiñ dsee~ jogui ja' jmitir~ júu^ quiá' Fidié', cō' lico' mi'r' jnea~ e nijmee~ e cōo' e li~ e quí' jmi~ e dsigá' dsí' dsea'. Dsui' ja' nijmee~ e jí' cōo' e jō' fí' quinir', cō' nicaliseáb' e jō' lami~ jéeng'gui e cangongíng~ Jonás, jaang' dsea' i café' cuaiñ~ quiá' Fidié' malí'gui eáang'. ⁴⁰ Jō' laco' ca'í' Jonás 'ní' jmi~ jogui 'ní' uøø' fí' dsí' tu' jaang' ñu' dsé', lajōb' jnea~ cajo, dsea' cagá'a fí' ñifi' e lán'n jaang' dsea' jmiçüi, ni'ú'u 'ní' jmi~ jogui 'ní' uøø' fí' ná' uø. ⁴¹ Jō' mi~ nití' jmi~ e niçuidsi' Fidié' í' quiá' lajaang' lajaang' dsea' jmiçüi, i dsea' seeng' fí' fi' Nínive do nicuó'r~ dsee~ jaléng' dsea' i seeng' jmi~ na; cō' mi~ canúu~ i dsea' i júu^ e caguia' Jonás, dsifi' lajōb' caquí' jíng' yaaiñ~ fí' quini' Fidié' uí' jalé' dsee~ quiá'r~. Dsui' jnea~gui fá'a e jnea~ niing~gui laco'gui i Jonás do. ⁴² Lajōbi cajo ie~ malí' do caliséng' jaang' reina i caqui' ta' fí' li' huí', jō' cajar~ cajanúur^ jalé' júu^ e tíng' jaang' dseata~ dsea' féng' i sii' Salomón. Jō' lajōb' lí', i dseamí' í' nicuó'r~bre dsee~ cajo jaléng' i dsea' seeng' jmi~ na mi~ nití' jmi~ e niçuidsi' Fidié' í' quiá' lajaang' lajaang' dsea' jmiçüi. Dsui' júu^ quí'e e niing~gui laco'gui júu^ quiá' i dseata~ Salomón do.

Jial lí' mi~ dsitáng' tu i 'ling' fí' dsí' dsea'
(Lc. 11:24-26)

⁴³ Jō' mi~ cali' cajíng' Jesús lana, jō' casí' guir jaléng' i dsea' do jō' cajíñ':

—Mi~ güi'íí' jaang` i 'ling'^ i iuung- dsíí' jaang` dsea, ngir' fí' lí~ quiúú` e 'nór' fí' lí~ nijmi'ííñ'. Jo song ja` niguié'r' lí~ nijmi'ííñ', joba' í' dsíí':
 44 “Niním'^túú fí' dsíí' dsea` e lí~ cajú-u do, co' ja` lí~ sea` lí~ nijmi'ííñ'n.” Jo mi~ niguieng'tur dsíí' i dsea` do, niguiéiñ' lafa' coo` sinúú^ lí~ joo` jogui siquiáng` jogui silíí' jlo'^. 45 Jo mi~ ninír' e dsíng'- jlo'^ dsíí' e lí~ niguiéiñ' do, joba' nidsér- nidsitéer` guiáng- i 'ling'gui laco' ír` e nidsitáaiñ' fí' dsíí' i dsea` do, joba' ga'gui nilíng- i dsea` do laco'gui lamí~ iuung- jaang` i 'ling'^ do fí' dsíí'. Jo lajob nidsingíng- jaléng' i dsea` i røøng` dsee- i seeng` jmíí~ na.

Mí~ cajíng'- Jesús i~ niquiá'r^ jogui i~ jaléng' rúíñ'
 (Mr. 3:31-35; Lc. 8:19-21)

46 Jo lajee` gui'nang'v sím`bi Jesús cóo'~ jaléng' i dsea` teáng- do ie~ jo, mi~ caguié- niquiá'r^ cóo'~gui jaléng' rúíñ', co' iíñ~ nisííñ- cóo'~ dsea` do. Dsú' ja` cangííñ' do cartí' lí~ iuung- dsea` do. 47 Jo jaang` dsea` jiém'bing' cangojmée'v júu^ Jesús e niteáng- i dsea` sinúú^ quiá'r- do fí' caluu~, jo lalab júu^ quie' i dsea` do:

—Nab nicagüéng- niquíí'^ cóo'~gui jaléng' rún' e iíñ~ sííñ- cóo'~ 'nú', jo nab teáiñ- fí' caluu' lana.

48 Jo lalab cañíí' Jesús quiá'- i dsea` quie' júu^ do:

—Jneab~ nifíí' i 'nú' i~ niquié'e jogui i~ jaléng' rún'n.

49 Jo dsifib' ca'ééiñ' i dsea` quiá'r- do jo cajíñ'-:

—I dsea` nab niquié'e cóo'~gui jaléng' rún'n.

50 Co' doñí' ii dsea` i jmití~ lajii'~ e iing~ Tiquié'e dsea` guíng~ ñifí~, jaléng' dsea` í'bing' líng' rún'n jogui dsea` í'bing' líng' niquié'e cajo.

13

Coo`júu^já!- e lafa' júu^ cuento quiá!- mi~ bí dsea` mijú`

(Mr. 4:1-9; Lc. 8:4-8)

¹ Jo 'ñia' ie~ jmii~ jo cagüi'íib' Jesús fí' jo, jo cangór- cangogüear` fí' 'ni' guiée' Galilea. ² Jo co' i 'leáam-bi dsea` caseáng' fí' jo, joba' Jesús cajgóor- fí' yá^ coo` móo' e nisi' e fí' 'ni' e guiée' do jo fí' job caguár. Jo dob teáang- jaléng' dsea' fí' 'ni' jmii` lajee` jo. ³ Jo catí' job canaang` e' Jesús jaléng' i dsea` do jmiguiab' jalé' júu^ quiá'r-, jo casí'-reñ' coo` júu^ já!- e lafa' júu^ cuento jo cajíñ!-:

⁴ —Coo` née!~ jaang` dsea` cangór- cangobíir` mijú` quiá'r-. Jo mi~ tí lí canaañ` bír' e mijú` do, e liing'~ do cajiá' lí ngúing' fí', jo tab' cagó' jalé' e jo. ⁵ Dsu' e liing~gui e mijú` do cangotóo'~ jee~ cuu~ fí' lí ja` leáang- guóo'~ née', jo e mijú` jo lajmináb- calíang', co' nib~ guóo'~ uó- cangotóo'~. ⁶ Jo dsu' mi~ tí lí cangíng- iee', lajmináb- caliquiú', co' ja` a' cangotóo'~ jmó^ quiá!-. ⁷ Jo e liing~gui e mijú` do cangotóo'~ jee~ mijú` 'matóo', jo dsu' mi~ cacuáng- e mijú` 'matóo' do cajmée` niúm' quiá!- e mijú` e guiá- do. ⁸ Jo e liing~gui e mijú` do cajiá' lí jlo^ uó- jo jlob^ cacuó e mijú` do mi~ cacuáng-; jo e liing~gui e mijú` do cacuó lí^ lí cien mí^ lacamí^, ⁹ jogui e liing~gui do cacuó jii'~ sesenta, jo e liing~gui jii'~ treinta. Joba' fíi- i 'nú' jaléng' na' e ii' 'nú' dsea` sea loguá na', jnú- na' jalé' júu^ quié- e!

E~ uiing~ e cajíng!- Jesús jalé' e júu^ do
(Mr. 4:10-12; Lc. 8:9-10)

10 Jo mi~ cató' e café' Jesús jalé' e júu^ na, jo cangoquiéeng' i dsea` quiá'r- do fí' lí' guiiñ~ jo cajmingí'r- dsea` do lala:

—¿Jiali' fí' jaléng' i dsea` i caseáng' na cóo'~ jalé' júu^ já'- e lafa' júu^ cuento?

11 Jo lalab cañí' Jesús quiá'- i dsea` quiá'r- do jo casí'- reiñ':

—Jo 'nú' nicangíng'na' quiá'- Fidié' e ngáng'na' jalé' e ja` mí' ní' dsea` jéeng'gui e dsea` í' iñ~ cãr` nifí' quiá'- lajaang` lajaang` dsea` jmigüf, jo dsu' jaléng' i dsea` na ja` cangíiñ` e ngáiñ` e jo. 12 Co' i dsea` i nicangíng` e ngáng'jiar júu^ quié' e jmiguiá'guib niñíiñ` e ningáiñ` e jo, joba' lalím` nilisea` quiá'r-; jo dsu' i dsea` i ja` niñíng` e ngáiñ` júi'~ capí' e jo, joba' nigüeáb` lajúi'~ capí' e ngáiñ` e ngáiñ` do. 13 Jo uii~ e lajob lí', joba' fí' i jaléng' i dsea` na cóo'~ júu^ já'- e lafa' júu^ cuento; co' jaléng' i dsea` na lím-bre e jné'bre, dsu' ja` jné'r'; jogui lím-bre e núu'bre, dsu' ja` núur` o'gui ngáiñ` cajo. 14 Jo cóo' i dsea` na liti~ laco' júi'~ júu^ e cajíng'- Saí', jaang` i café' cuaiñ~ quiá'- Fidié' malí'~gui eáang' mi~ cajíñ'- lala:

Jial fa' jialgui la núur` dsu' ja` e ningáiñ',
jogui fa' jialgui la jóør- dsu' ja` e ninír`.

15 Dsucó' jmang'- e ja` dseem'ba' í' dsí' i dsea` seeng` fí' la;

jogui jnó'bre loguar~ co' ja` iñ~ ninúr-,
jogui jnó'bre jminir~ cajo co' ja` iñ~ nijóør-,
jo lajobi ja` cuóøng` ningáiñ' júi'~ cóo',
jo lajobi cajo ja` niquí'- jíng' yaaiñ~ fí' quinií-
e laco' jnea~ nijmi'leáan`nre.

16 'Joba' fí' i 'nú', dsea` nilíng'na' dsea` quié'-e, juguiá'~jiu quií'-na', co' seab` jminí'na' cóo'~ e

cuóong` jóó^na', jogui seab` loguá^na' cóo~ e cuóong` núu^na'. ¹⁷ Jogui jnea~ jmitaa` óo^na' e fím' dsea` i café' cuaiñ~ quiá'- Fidiée` malii~ gui eáang' cóo' gui jaléng' dsea` i ée` guiá- cali'iiñ~ ninír` lajii' e cangíng` 'nú' e móo~na' jmii~ na, dsu' ja` cangár~; jogui cali'iiñ~ e ninúr~ lajii' e núu` 'nú' lana, dsu' ja` canúur~ cajo.

Mi~ cajíng' Jesús e guóng' e júu^ quiá'- i dsea` bí mijú` do

(Mr. 4:13-20; Lc. 8:11-15)

¹⁸ 'Núu~na' júu^ quié~e, lana nijmée'~duu 'nú' júu^ e guóng' e júu^ quiá'- i dsea` bí mijú` do. ¹⁹ Jaléng' dsea` i núu` jalé' júu^ quiá'- jial quie' Fidiée` nifí quiá'- dsea` jo dsu' ja` ngáiñ' e júu^ jo, joba' jaléng' i dsea` íbing' i líng' lacó' e mijú` e ca'líng~ fí' guiá^ fí' do; có' dsifí lanab guiée' fii~ i 'líng' jo íim~bre lajii' e nicangáng' i dsea` do. ²⁰ Jogui e mijú` e cajiú' fí' jee~ cuu~ do guóng' quiá'- jaléng' dsea` i tí dsír' núu` júu^ quiá'- Fidiée` jogui tí dsír' íñ' cajo; ²¹ jo dsu' lacó' e mijú` do ja` lí sea` lí~ nisó' jmó^ quiá'- jmiguiá', joba' lajob lí' cóo' i dsea` í, cateá'ba' e té'r' e siñ' teá' cóo~ e júu^ jo; jo dsu' mi~ dsingíiñ~ e huíng' uí' e já'- líiñ' e júu^ do, joba' ladsifí lanab tútur e já'- líiñ' e júu^ jo. ²² Jogui e mijú` e cajiú' fí' jee~ mijú` 'matóo' do guóng' quiá'- jaléng' dsea` i núu` júu^ quiá'- Fidiée`, jo dsu' eáang'gui guiing~ dsír' jalé' ta' lí' cuu~ fí' jmigü' la, jogui eáam' jmigóo' e cuu~ do quiá'r~. Jo có' lajob líiñ', joba' íim~ dsír' lajii' e júu^ do; jo lajoba' íim~ quiá'r~, có' ja` cuør' fí' fa' e nidsicuáng' e júu^ do quiá'r~ e lacó' teá'gui nisíñ' fí' guiá- cóo~ Fidiée`. ²³ Jo dsu' e mijú` e cangotóo'

li~ jlo^ uó̄- do guóng^ quiá^- jaléng^ dsea`i núu` júu^ quiá^- Fidiéẽ jogui ngám^bre jalé^ e júu^ jo, joba' eáam' dsicuáng^ quiá'r~ cóo^~ e júu^ jo. Jo i liing~ i dsea` í líiñ' laco' e mijú` e cacuø' laji` cien mí^ lacamí^ do, jogui i liing~gui i dsea` do líiñ' laco' e mijú` e cacuø' jíi^ sesenta mí^ lacamí^, jogui i liing~gui líng' laco' e mijú` e cacuø' jíi^ treinta mí^ lacamí^.

Coo` júu^ já^- e lafa' júu^ cuento quiá^- onuu` guíi^-

²⁴ Jo mi~ cangí jo, cajíng^ gui Jesús casí'r~ jaléng^ i dsea` ngí cóo'r~ do coo`gui júu^ já^- e lafa' júu^ cuento jo cajíñ^-:

—Lalab líi mi~ Fidiéẽ quier' nifí quiá^- dsea: Jo e jo líi laco' jaang` dseañu^ i cangojni^ micui'iee` jlo^ fí li~ nicajír~; ²⁵ jo dsu' lajee` uóøb` caguié^- jaang` i 'ní' ní^- quiá^- i dseañu^ í jo cangoteá'r^ mijú` onuu` guíi^- fí jee~ mijú` cui'iee` quiá^- i dsea` do, jo mi~ cangí jo caquim^-tur. ²⁶ Jo mi~ tí li~ canaang` cacuáng^- e mijú` cui'iee` do jo canaang` ca'ia` láa' quiá^-, jo mifíng` cajném^-bi cajo e onuu` guíi^- do. ²⁷ Joba' i dsea` jmóo` ta~ quiá^- e cui'iee` do caguijmée^bre júu^ i dsea` fii~ do cuaiñ~ quiá^- e onuu` guíi^- e nica'iaang` do, jo lalab casí^-reíñ' do: “Fíi'i, jmang^- mijú` jlob^ e caguijni^ 'nu^ fí ni~ guóo^~ uó̄- quií^- do. Joba' ¿jie` li~ cajá^- júu^ quiá^- e onuu` guíi^- e nica'iaang` do?” ²⁸ Jo lalab cañíi` i dsea` fii~ do quiá^- i dsea` 'léeng^~ quiá'r^- do: “Dsea` i 'ní' ní^- quié^-baa, íb` lí^ dsii~ i cajmée` lajo.” Joba' cañíi`tu i dsea` 'léeng^~ do quiá^- fii~ jo casí^-reíñ': “Cuø` 'nu^ júu^, fíi'i, e nidsisé^naa' jalé^ e onuu` guíi^- do.” ²⁹ Joba' cañíi`tu i dsea` fii~ do quiá^- i dsea` 'léeng^~ quiá'r^- do: “U~, co' fíng song

cagüitøø~ e onuu` do, jo la quie` tí e cui'iee` dob dseáng~ nigüitøø~ jóng. ³⁰ Jöba' guiá~gui güisée^ lado jo güicuaang` coling~ cartí mi~ nití` í` e nihuí` e cui'iee` do; jo i dsea` i nisín^`n i nisítíng` e jo, nifí`ire e nisø`r~ la'uii~ e onuu` guí~ do jo niguiár~ tá~ có` nibøø` jo ngí jo nitó`r` jì; jo mi~ ningí, joguiba' nisitíiñ` e cui'iee` do jo nitá`r~ ée` quiá~.”

Coo` júu^ já~ e lafa' júu^ cuento quiá~ coo` mijú` e sii` mostáa^

(Mr. 4:30-32; Lc. 13:18-19)

³¹ Jo casí~gui Jesús jaléng` i dsea` quiá`r~ do cóo~ e júu^ lajob cajo jo cajíñ~:

—Lalab líí mi~ Fidiée` quier` nifí` quiá~ dsea: Jo e jo líí la líí coo` mijú` e pí^ eáang` e sii` mostáa^ e jní` dsea` fí` guóo~ uó~ quiá`r~. ³² Jo e já~ e mijú` jo pí^gui eáang` lajee` lajalé` mijú`, jo dsu' mi~ nicuáng`, latí coo` 'ma` féb` tí, jo cuø` quiá~ jaléng` tá` e jmo`re' sií`re' fí` lacaang` guo` quiá~.

Coo` júu^ já~ e lafa' júu^ cuento quiá~ quie` iñí^

(Lc. 13:20-21)

³³ Jo casí~gui Jesús jaléng` i dsea` quiá`r~ do cóo~ e júu^ lajob cajo jo cajíñ~:

—Jo lalab líí mi~ Fidiée` quier` nifí` quiá~ dsea: Jo e jo líí la líí quie` e cáng` jaang` dseamí` fí` jee` ca~ iñí^ quiá`r~. Jo cóo~ jíí~ capí^ e quie` dob jmóo` e róo~ jalé` e ca~ iñí^ do.

E uing~ e café^ Jesús cóo~ júu^ já~ e lafa' júu^ cuento

(Mr. 4:33-34)

³⁴ Jo jmang~ cóo~ júu^ lanab caféng` Jesús jaléng` i dsea` ingí cóo`r~ do, jo jíí~ coo` júu^ quiá`r~ fa` ja` café`r` cóo~ e júu^ lajo. ³⁵ Jo e júu^ na caliti~

lí^ laco'gui la júu^ e caguaí Saíi^ mali~gui eáang',
jaang`dsea`i café' cuaiñ~ quiá'- Fidiée' mi~ cajíñ'-
lala:

Nifá'^a jmang'- júu^ já'- e lafa' júu^ cuento,
jogui nijmijnéem`baa jalé' júu^ e si'maang' lami~
jéeng'gui
latí júi'^ ie~ mi~ cajmée` Fidiée' jmigüí.

*Mi~ cajíng'- Jesús e` guóng'^ e júu^ já'- e lafa' júu^
cuento quiá'- e onuu` guí- do*

³⁶ Jo mi~ cangí jo, ca'íib- Jesús júu^ jaléng'^ i dsea`
ngí cóo'r~ do jo ca'ír- fí cóo` dsíí' sínúu^ . Jo fí job
cangoquiéeng' i dsea` guitúung` do quiá'r- jo casí'r-
dsea` do e fa' nijméiñ'- do júu^ e` guóng'^ e júu^ e
cajíñ'- do cuaiñ~ quiá'- e onuu` guí- e cajní dsea`
fí lí` líng~ ee` sijnéel' dsea`.

³⁷ Jo lalab cañíi` Jesús quiá'- i dsea` quiá'r- do:

—I dsea` i jni' e mijú` jlo'^ do, íb` i dsea` i jáá' fí
ñífi- e líiñ` jaang` dsea` jmigüí, ³⁸ jo e fí ni~ guóo'^
uó- do guóng'^ lafa' fí jmigüí. Jo e mijú` e jlo'^
do guóng'^ lafa' jaléng'^ dsea` i núu'^ jalé' ta~ quiu'
Fidiée', jogui e onuu` guí- do guóng'^ lafa' jaléng'^
dsea` i líng' dsea` quiá'- fi~ i 'líng'^ i 'ní' níng-
Fidiée'. ³⁹ Jogui i fi~ i 'líng'^ i 'ní' níng- Fidiée'
do, íb` i cajní e onuu` guí- do. Jogui cuaiñ~ quiá'-
e sitíng' lajii~ e cangojneã do guóng'^ lafa' mi~ tí
lí` ní' líng- jmigüí. Jogui jaléng'^ i sitíng' lajii~ e
caroo` do, íb` jaléng'^ ángeles i líng' guotii~ Fidiée'.
⁴⁰ Jogui lí^ laco' sitíng' e onuu` guí- do jo nidsitoo'^
fí ni~ jí e nicó, lajob cajo nidsijée' mi~ tí lí` ní' líng-
jmigüí. ⁴¹ Co' jnea~, dsea` i cagüéng- fí jmigüí la
e lín'n jaang` dsea` jmigüí, nisín^n jaléng'^ ángeles
quíe- e jee~ jaléng'^ dsea` i quiá'- u ta~ quiá'- e laco'

nisitáiiñ' do jaléng' i dsea` i jmóo` e niténg' jaléng' dsea` rúng' fí' ni` dsee` jogui jaléng' gui i qui' t́ing` jmóo` jalé' e ja` dseeng`. ⁴² Jo jaléng' i dsea` í nitáiiñ' fí' lí' coo` jì' e ja` tóo` jmí` yu' jo fí' job ni'íñ' iihuí' e eáang' cartí' niquí'r` jogui nitár` majar`. ⁴³ Jo dsu' jaléng' gui dsea` i núu` jalé' ta` quiu' Fidiéé` , dob ninír' e guiá' fí' lí' guing` Tiquí'ii' Fidiéé` i quiu' ta` fí' la'úng` fí' jmigüí'. Jo jaléng' i dsea` í, mí' niguilíiñ' fí' jo, nilíjiñ' lí' laco'gui la jing' iee`. Joba' fí' i 'nú', jaléng' na' dsea` sea` loguá' na', jnúu` na' júu` quié` e!

Coo` júu` já' e lafa' júu` cuento quiá' coo` e 'mo' eáang' e si'ma`

⁴⁴ Jo casí' gui Jesús jaléng' i dsea` quiá'r` do coo` gui júu` já' e lafa' júu` cuento jo cajíñ' lala:

—Jo mí' Fidiéé` quiér' nifí' quiá' dsea`, lí' lafa' coo` e 'mo' eáang' e si'ma` lí' nú' uó`. Jo fíng jaang` dsea` cadsé'r` e si'ma` do, jo mí' cadsé'r` e jo, ní' dsír' e dob ni'meá` t̄ur calé' catú` dseáng' e lí' cadsé'r` do; jo co' dseáng' eáam' cali'iaang` dsír' dsu' e cadsé're' do, joba' mí' niguieíñ' fí' quiá'r`, ni'ní` bre lajalé' e sea` quiá'r`, jo nilár` e uó` lí' cadsé'r` e 'mo' eáang' e si'ma` do.

Coo` júu` já' e lafa' júu` cuento quiá' coo` cuu` e 'mo' eáang'

⁴⁵ Jo casí' gui Jesús jaléng' dsea` quiá'r` coo` gui júu` lajo jo cajíñ' lala:

—Jo mí' Fidiéé` quiér' nifí' quiá' dsea`, lí' lafa' jaang` dsea` i jmóo` ta` láa` jogui ta` 'nú' cuu` e jlo' jogui e 'mo'. ⁴⁶ Joba' mí' tí' lí' nijíñ` coo` cuu` e jlo' jogui e 'mo' eáang', joba' nidséiñ'

nidsi'níi-bre lajalé' e sea` quiá'r-, jò lajòba' nilí'r`
cuu- e nilár- e cuu~ do.

*Coo`júu^já'- e lafa'júu^ cuento quiá'- coo`'máa' e
sáng'`ñu`*

⁴⁷ 'Lalab líi' cajo mi~ Fidiée` quier' nifi' quiá'-
dsea: Jò e jò líi' laco' coo` 'máa' e sáng'` 'ñu` e bí
dsea' fí' é'` jmií jò lí'r` langúing- íing'~ 'ñu`. ⁴⁸ Jò mi~
caróng- e 'máa' do e teáng'~ 'ñu`, jòba' i dsea' jmóo`
ta~ sáng'` 'ñu` do ni'óm-bre e 'máa' do fí' 'ni'` jmií,
jò fí' jòb ni'uóñ- jaléng'` i 'ñu` i calí'r- do jò nitáñ'
fí' dsíi' 'matá^ la lí~ i guiúng-gui jogui nibíim-bre
jaléng'` i ja` dseeng'. ⁴⁹ Jò lajòb nidsijée' cajo mi~ tí
lí nití' í' e ni'íing- jmiigüi; co' ie~ jò nisíng- Fidiée`
jaléng'` ángeles i líng' guotíir- e laco' ni'náñ' ca'
jaléng'` i dsea' i ca'ée' ga' i seeng' jee~ jaléng'` i dsea' i
ca'ée' guiú-. ⁵⁰ Jò jaléng'` i dsea' i ca'ée' ga' do nitáñ'
fí' dsíi' lí~ coo' jì e ja' tóo` jmií~ yu', jò fí' jòb ni'íñ'
iihuí cartí niquí'r- jogui cartí nitár- majar~ uíi~
jalé' e nidsingúñ- do.

Júu^ e 'mí- jogui júu^ e yúu~

⁵¹ Jò cajmingí'- gui Jesús jaléng'` i dsea` quiá'r- do
jò casí'- reiñ' lala:

—¿Su nicangáng'` 'nú' jalé' e júu^ e fíi- i 'nú' na?
Jòba' cañíi' i dsea` do:

—¡Ngám'baa', Fíi'ii'!

⁵² Jò cajíng'- gui Jesús jò casí'- reiñ':

—Mí~ jaang` tifa' quiá'- júu^ quiu' ta~ quiá'-
dsea` Israel jmitíiñ' e quiá'- mi~ Fidiée` quier' nifi'
quiá'- dsea, jòba' íb' tifa' i líng' laco' jaang` dsea`
fii~ coo` 'núu' e guiar' líng' langúing- íing'~ e dsé'r`
e fí' sinúu^ quiá'r- do, doñí si 'mí- o si yúu~ é, co'
dseáng'- sitíi-bre lajalé'.

*Mi~ caguiéng'-tu Jesús fi' góor'e sii Nazaret
(Mr. 6:1-6; Lc. 4:16-30)*

⁵³ Jo mi~ catáng' Jesús e fé'r` jalé` e júu^ já'-do e lí' lafa' júu^ cuento, joba' cagüi'í'bre fi' jo,
⁵⁴ jo caquim'-tur fi' góor` lí~ sii Nazaret, jo fi' job canaang'tur e'r` jaléng` dsea` júu^ quiá'- Fidiéé` fi' dsí' sinúu^ guá'- quiá'- dsea` góor` dsea` Israel e si' fi' jo. Jo lajalém` i dsea` i núu` e júu^ quiá'r- do, eáam' dsigá` dsíiñ' jo fé'r` lala cuaiñ~ quiá'- dsea` do:

—¿Jie~ fi' lí~ cajmitíng` i dseañu` na lajalé` e tiiñ` na? ¿Jial tiiñ` jmóor` jalé` e lí` e quí'r~ jmí~ e dsigá` dsí' dsea'? ⁵⁵ Jo ¿su o' i nabi jóo' Sé^ i líng' tí'ma` i seeng` fi' la, jogui niquiá'r^ sii Yá^? Jogui i nabi rúng` Tiáa~ cóo'gui Sé^ jogui Simón cóo'gui Judas, ⁵⁶ jogui labi neáang` i rúñ` dseamf do jee~ jneaa~aa' cajo. Jo i dseañu` na ja` ñí` jial jmóor` e tá' tíng`lir.

⁵⁷ Jo jaléng` dsea` i teáang- do lajob fé'r`, joba' ja` iñ~ fa' já'- calíñ- dsea` do. Jo dsu' Jesús cajíñ'- casí'-reiñ' lala:

—Doñí' jíéb` jmi'gó` dsea` jaang` dsea` i fé` cuaiñ~ quiá'- Fidiéé~, dsu' fíng catí' fiñ` góor`, jíí~ jaang` jo` ií` jmi'gó` ír` jogui lajobi fíng catí' fi' quiá'r- cajo.

⁵⁸ Jo e fi' jo ja' leáang- jalé` lí` e quí'r~ jmí~ e dsigá` dsí' dsea` cajmée` Jesús, dsuco' ja' já'- calíng- dsea` ír`.

14

*Mi~ cajúng- Juan i seáang` dsea` jmí~
(Mr. 6:14-29; Lc. 9:7-9)*

¹ Jo ie~ jo niseeng` jaang` dseata~ dsea` féng' i sii Herodes i quiu' ta~ latøøng- lí` se' Galilea. Jo i

dseata` í, mi~ caliñir` lajii~ júu^ e fé` dsea` quia`-
Jesús, ² joba' lalab casí'r- i dsea` i jmóo` ta~ quia`r-
do ie~ jo:

—Jangám- i nab i Juan i lami~ seáang` dsea` jmi~
jo e nicajib`tur calé` catú-. Joba' eáam` quii`r~ jmi~
côo` jalé` e lí~ e dsigá` dsíí` dsea` e jmóor`.

³⁻⁴ Jo ie~ lami~ jéeng`gui do i dseata~ Herodes
do 'nũñib` cataiñ'- i Juan do. Jo caquiur` ta~ e
cañung` dsea` do cóo` ñí` cadena fí` dsíí` 'nũñí`
uíi~ i dseamí` i sii` Herodías i calí` dseamí` quia`-
Lii~ rúng` dsea` ngáang` cóo` i dseata~ Herodes do.
Co` ie~ jo i Juan do cajím`bre dseata~ Herodes jo
casí'r- e ja` catíng- e jmóor` e jéeiñ` lafa' dseamí`
quia`r- oo~ dseañu` rúñi` i ngáang` cóo`r~ i sii` Lii`
do.

⁵ Jo mi~ canúu- dseata~ Herodes e júu^ jo, joba'
dseáng` lami~ iñ~ nijngám`bre i Juan do, jo dsu'
ja` cajméer` lajo co' 'góm`bre jaléng` dsea` fi~; co'
lajim` dsea` já` líiñ` e i Juan do líiñ` jaang` dsea` i
fé` cuaiñ~ quia`- Fidié~. ⁶ Jo jo` huóø- ngó- mi~ ngí`
jo mi~ catí` jmi~ quia`- dseata~ Herodes e cadsí'r-
jii`. Jo i Herodías do niseeng` jaang` simí` quia`r-,
jo i simí` í` cagui`ír e cadséiñ` dseáng` fí` quini`
lí` neáang` i dsea` simíng` do. Jo co' eáam` catí` dsíí`
i dseata~ Herodes do lajii~ e cajméé` i simí` do,
⁷ joba' casí`-reiñ` do e dseáng`- nicuø`-bre lí` doñí`
e mí`-biñ` do. ⁸ Jo i simí` do, co' niteáaiñ` júu^ quia`-
niquia`r~, joba' casí'r- i dseata~ Herodes do lala:

—Cuøø` jnea~ mogui~ Juan i seáang` dsea` jmi~ e
iu~ fí` dsíí` cóo` huíí`.

⁹ Jo dsu' i dseata~ Herodes do fi`lib` eáang` calíiñ`
mi~ canúur- e júu^ jo lifa' jo` ñir` e~ jmé`-bre, co'
jéem` nicacuø` júu^ quia`r- fí` quini` i dseamí` do

jogui fí' quini' i dseá`simúng' do e nicuó'`breiñ' do lí' doñí' ee` mí`biñ'. Joba' jo` e m'í' caliseá' quiá'r` jo jíi'~ lajob cajméer`. ¹⁰ Jo caquiá'r' ta` dseá' quiá'r` e caquiá'`biñ' mogui' i Juan do catí' lí' iuuiñ` dsí' 'nuñí'; ¹¹ jo iá' fí' coo` dsí' huíb' cacór` jo cacuø'r' i dseam' do, jo í'guib cangúng' fí' jaguó` niquiá'r' e huí' do.

¹² Jo mi~ cangí' jo, caguilíng` jaléng` dseá' quiá'- i Juan do e fí' jo, jo cató`bre i 'líi~ do e cango'áang`neiñ'. Jo mi~ cangí' e ca'áaiñ` dseá' do, jo cangolíim`bre cangojmée'r' júu^ Jesús quiá'- lajíi'~ e nicalí' do.

*Mi~ cahéng' Jesús 'ñiá`mil dseá`
(Mr. 6:30-44; Lc. 9:10-17; Jn. 6:1-14)*

¹³ Jo mi~ caliñí' Jesús e nicajngam' dseá' Juan i seáang` dseá' jmíi` do, joba' cagüi'í'bre 'ñia'r' e fí' lí' táaiñ` do jo cangór` fí' coo` lí' ja` ii` 'ga' lí' dseá' seeng` e iuuiñ` fí' dsí' coo` móo'. Jo dsá' mi~ caliñí' jaléng` dseá' i seeng` có` quiá'- do e ningóo' Jesús, joba' dsifib' cangolíiñ` fí' lí' lí' ngóo' dseá' do lifa' la tóo` guóo'~ uób`. ¹⁴ Jo mi~ tí' lí' cagüi'í' Jesús e fí' dsí' móo' do, dob niteáang` i dseá' 'leáang` do, jo calí' fíi` líim`bre jaléng` i dseá' do jo cajmi'leáam`bre lajaléng` dseá' dsée'~ i jéeiñ' do. ¹⁵ Jo co' ie~ jo ningóo' canuub`, joba' i dseá' quiá'- Jesús do cangoquiéiñ' fí' lí' sing' dseá' do jo lalab casí'`reiñ':

—Fíi'ii', nicanuub` la, jo jíi'~ jaang` dseá' neáaiñ' có` quiá'- la, fa' ni'í'`ba' júu^ jaléng` i dseá' na e güiguilíiñ` fí' lí' lí' neáang` dseá' jo fí' job nidsileáar' capí'` e nidó'r`, co' ja` e sea` fí' la.

16 Dsua' mi~ canúu~ Jesús lajō, lalab cañír` quiá'-
i dsea` quiá'r~ do:

—Ja`'né- dsilíng~ i dsea` na e nidsi'néer~ e dór~,
co' 'núb`' 'né- cuó`^na'r e jō.

17 Jōba' cañíi` i dsea` quiá'r~ do lala:

—Jíi'~ 'ñiá' iñí'^ cóo'~gui gáng~ 'ñu~, jíi'~ jōba' sea`
quí-naa' lana.

18 Jōba' lalab cañíi`tu Jesús quiáiñ'~ do:

—Cuóø'~du' jnea~ e jō fí' la.

19 Jōba' caquiua' Jesús ta~ i dsea` fñng' do e
nigüeáiñ` tá'- có` nibøø~ fí' jee~ ñii`. Jō mi~ cangí'
jō, catíng~ Jesús laji` 'ñiá' e iñí'^ do cóo'~gui laji`
huáng~ i 'ñu` do jō cajóør~ fí' yú'^ jmigüi~, jō lajōb
cacuó'r~ gui'máng'~ Fidiéé` quiá'- jalé' e do. Jō
ngí' jō, cafiim`bre e iñí'^ do jō cacuó'r` i dsea` quiá'r~
do, jō íguib cajmée` guiée^ jee~ jaléng' i dsea` i fñng'
do. 20 Jō lajiiim` i dsea` do cagó'r` guiú~ ie~ jō car`
calitaañ~. Jō mi~ calí~ gó'r~, caseám~bi guitu'gui
'matá^ jalé' 'ná' iñí'^ cóo'~gui jalé' 'náng' i 'ñu` do.
21 Jō lajee~ lajiing` dsea` i cagó' do ie~ jō tíir` 'ñiá`
mil yaang~ dseañu~, jō ja` li'íng^ dseamí cóo'~gui
jaléng' jiuung~.

Mi~ cangí' Jesús fí' ni~ jmii`

(Mr. 6:45-52; Jn. 6:16-21)

22 Jō mi~ cangí' jō, caquiua' Jesús ta~ i dsea` quiá'r~
do e cangotáaiñ~ do fí' dsí' móo' jō nicuá'r~ e guiée`
do jéeng'guir laco' dsea` do, lajee~ e táaiñ` e i'r` júu`
jaléng' i dsea` i caseáng' do ie~ jō. 23 Jō mi~ catáiñ'
e i'r` júu` jaléng' i dsea` do, jōguiba' cajgóor~ fí' cóo`
yú'^ mó' 'ñia'r` lado e cangoféeiñ'~ Fidiéé`. Jō coob`
mi~ tí' lí' ca'í~ núu^, jō dobi táaiñ` 'ñia'r` e fí' yú'^
mó' do, 24 jōgui e móo' e lí' teáng' i dsea` quiá'r~

do ningo' huim̄ laco'gui 'ni' guóo' uó̄. Jo lajeē jo, dsing' niroō jmī jogui ni'lea' jmī e móo' do, co' lí' lí' jiéb' í' guí laco' la ngóo' e móo' do. ²⁵ Jo ningóo' nijneáb' mī cangoquiéeng' Jesús fí' nī jmī fí' lí' ningo' e móo' e lí' teáng' i dsea' quiá'r- do jo e ngi'bre cangáin' e fí' nī jmī do. ²⁶ Jo mī tí' lí' cangá' i dsea' do e ngí' Jesús nī jmī, joba' ladsifí' lanab ca'óor' e cafóin' jo cajín'-:

—¡Jaang' dsea' guíb' do!

²⁷ Dsa' Jesús cañir' quiá'- i dsea' quiá'r- do jo casí'-reñ':

—¡Teá' teáng' óo'na', co' jneab' la, jo ja' fóong'na'!

²⁸ Joba' cañí' Tú' Simón quiá'- dsea' do jo cajín'-:

—Fí'i, song já'- e 'na', joba' sí' jnea' e ningī fí' nī jmī cartí' nijín'n 'na'.

²⁹ Joba' cañí' Jesús quiá'- dsea' do:

—Nea' fí' la jo.

Jo lajob' cajmée' Tú' Simón, jo cajgám-bre lí' dsiñ' fí' yú' e móo' do jo cangoquiéeiñ' fí' lí' sing' Jesús. ³⁰ Jo dsa' lajeē ngóor' ngir' nī jmīb' mī calilí'r' e dsing' bíng' guí e í' do, joba' cafóm'bre; jo mifíng' ninaang' dsi'am'bre jóng, joba' ca'óor' jo cajín'-:

—¡Leaang' jnea', Fí'i!

³¹ Jo dsifí' lanab catíng' Jesús guoo' Tú' Simón e laco' ja' nidsi'aiñ' do jo casí'-reñ':

—¡Jialí' dseáng'- ja' 'ga' lí' já'- lín' júu' quié-e, jogui jialí' tú' ca'í' o'!

³² Joba' mī tí' lí' cajgóor' laji' huáaiñ- do e fí' yú' móo' do, ladsifí' lanab ca'uáang' e í' guí. ³³ Jo jaléng' dsea' quiá'- Jesús i caguiaang' do i teáng'-

dsíí e móo' do canaaíñ` s'í'r` uó` jnir` fí' quini` dsea` do e jmiféng'` neiñ' jō cajíñ`-:

—Dseáng'` e jáb'` e 'nab` lín'` i Jōó' Fidiéé` dsea` guiiñ` ñíí'`.

Mi` cajmi'leáang` Jesús jaléng'` dsea` dsée'` fí' Genesaret

(Mr. 6:53-56)

³⁴ Jō cacua'bre e guiéé' do e teáang'` tur fí' dsíí móo', jō caguilíñ` fí' cōó' lí' sií Genesaret. ³⁵ Jō mi` calilí'` jaléng'` dsea` i seeng` fí' jō e dob táang` Jesús, dsifí' lanab cani'r` júu` fí' la'úng` fí' lí' se' e fí' jō jalé' e júu` jō. Jō jaléng'` i dsea` í` cangolíñ` cangojéeiñ` jaléng'` dsea` dsée'` i seeng` quiá'r` fí' lí' táang` Jesús, ³⁶ jō camí'r` dsea` do fí' e fa' capí'` 'ni'` sib'` dsea` do nigü'r`-; jō jaléng'` i dsea` i lí'` güi'` fa' capí'` 'ni'` sí'` dsea` do, dseáng'` 'láam` bre lajii'` jmohuí' e líiñ'.

15

Jial lí' mi` jmiróng` dsea` dsee` yaaiñ`

(Mr. 7:1-23)

¹ Jō mi` cangí' jō, cangoquiéeng' fí' lí' sing'` Jesús cōó' tú` m'íng'` dsea` Israel i líng'` dsea` fariseo cōó'` guí tú` 'ní' m'íng'` tifa'` quiá'` júu` quiu'` ta` quiá'` dsea` Israel, jō jaléiñ` do jalíiñ` fí' Jerusalén, jō cajmingí'r` dsea` do lala:

² —¿Jialí'` jaléng'` dsea` quí'` ja` ru'r` guóor` laco'` quí'` t'íng` 'líi` dsea` áang'` quí'` naa' mi` ná'` guí e nidó'r` ir`?

³ Jō guí Jesús cajmingí'r` i dsea` do lala:

—Jō ¿jialí'` 'nú'` cajo ja` jmi'` goo` na' lajii'` ta` quiu'` Fidiéé', cō' lico'` jmití'` na' lajii'` e quí'` t'íng` na' yaam` ba'? ⁴ Cō' lalab jíng'` Fidiéé': “Jmi'` goo`

tiquíi' cōo' guí niquíi'~", joguí "I dsea` i cuø' júu`
 'lí' tiquíi' osi niquíi' é, ni'í- í" e 'nē- nijúum`
 i dsea` í." ⁵ Jo dsu' 'nú' fó'na' e jaang` dsea`
 cuøøm` nisí'r` tiquíi'r` osi niquíi'r` é: "Ja` cuøøng`
 lí jmicóo'`o` 'nū` lana, co' lajib` e sea` quié`-e
 nicacuøø`-ø Fidiéé~"; ⁶ joguí fó'na' cajo e lí` doñí`
 i` i` i` café' e júu` la jo` catíng`- fa' e nijmicóo'`guir
 tiquíi'r` osi niquíi'r` é. Jo lajob` lí' cōo'` 'nú',
 co' jo` jíi'~na' fa' jmití'guí' lajíi'~ júu` quiá'- Fidiéé~
 e cajme' dsea` malí'gui, jo` jíi'~ e quí'~ t'ing`na'
 yaam`ba' jmití'na'. ⁷ i` jmicang` i` la 'nú' cōo'`
 jalé' e fó'na'! Co' jáb'- laco' jíi'~ júu` e café' Saíi',
 jaang` i` café' cuaiñ` quiá'- Fidiéé~ malí'gui eáang`
 mi` café'r` uii` quií'na' lala:

⁸ Jaléng' i` dsea` na lico' fé'l`bre e jmi'gór` jnea` jíi'~
 cōo'` layaang` júu` quiá'-bre,
 dsu' huím` seeng` jalé' e í dsír' do
 e jmi'gór` jnea`.

⁹ Jo dsu' jíi'~ cōo'` ja` e ta` íng` quiá'r` jial e jmiféiñ`
 jnea` ,
 co' lajíi'~ ta` quiu' dsea` jmigüi'ba' jmóor`.

¹⁰ Jo mi` cangí` jo, cató'~ Jesús jaléng' i` dsea` i`
 siseáng' do jo casí'~reiñ' lala:

—Núu`na' joguí jmee`na' úung` e ningáng'na' e
 júu` la: ¹¹ Jíi'~ cōo'` e í' gø' dsea` ja` cuøøng` lí` jmé`
 e nilí'liiñ` fí` quini` Fidiéé~, co' lajíi'~ júu` e uøø`
 fí` mo'oob` dsea`, jíi'~ e joba' cuøøng` lí` jmé` e
 nilí'liiñ` fí` quini` Fidiéé~.

¹² Jo cangoquíeng' i` dsea` quiá'- Jesús do fí` lí`
 sing' dsea` do jo cajmingí'~reiñ' lala:

—Fíi'naa', ¿níi' e 'níb' catíng` dsea` fariseo e júu`
 e café' na 'micú'?

13 Joba' cañíi` Jesús quiá'` i dsea` quiá'r` do jo cajíñ'` lala:

—Lí` doñí` ee` onuu` e sea` fí` guóo`~ uø` e o' Tiquié`e dsea` guing`~ ñifí` cajnír`, nigütøb`~ e jo catí` jmó` quiá'`. 14 Joba' fíi` i 'nú', ja` jmijíng`na' jaléng` i dsea` fariseo do; co' i dsea` í` líiñ` lafa' dsea` tiuung` i jeeng` jaang`gui dsea` tiuung`. Jo ja` lí` jíi`~ jaang` dsea` tiuung`~ nijéiñ` jaang`gui dsea` tiuung`, co' fíng song cajméer` lajo, joba' lajì huáam`bre dseáng`~ nijíúñ` fí` íí` jóng.

15 Jo mi` cangí` jo, cajíng` Tú` Simón casí'r` Jesús:

—Fíi`i, ¿já` jíeé` o'` jmée'~ jnea`^ júu` e` guøng` e júu` e cafée'~ na` 'micú'`?

16 Joba' cañíi` Jesús quiá'` Tú` Simón:

—Jo ¿su o'gui` 'nú'` mí` ngám`'bi'` júu` quié`e cajo?

17 ¿Su ja` ñí`na' e lajalé` e í'` gø'` dsea` ngíng` fí` dsíi` tu'r', jo mi` jo` ee` ta` íng`, joba' uøb` jóng fí` lí'` caluu`? 18 Jo dsu' jalé'` júu` e uøb` fí` mo'oo` dsea`, fí` dsíib' dsea` lí` jalí` jalé'` e jo, jo e joba' jmóo` e jmirøng` dsee` yaang` dsea`. 19 Co' fí` dsíi' dsea` lí` jalí` jalé'` e ga` e í` dsíir', jo e jo quiéeng` e jngang' dsea` rúíñ`, osi e 'lee` dsea` e güiñ` cóo'~ dsea` i o' quiá'r`, osi e jmóo` dsea` jalé'` e ja` tíi` ta` e lí` dsíi` ngúu` táaiñ`, osi jmóor` íí` é, osi ngír` ta` quié` júu` e o' já'~, osi jmineaiñ`^ dsea` rúíñ` é. 20 Jo jalé'` e 'lí`^ lanab e jmóo` e jmirøng` dsee` yaang` dsea`, jo o' uíi'~ e ja` jmitir` lajii'~ e quí'` tíng` dsea` e ru'r' guóor` nú'`-gui e nidø'r` ir~, co' e jo ja` jmóo` e lirøng` dsea` dsee`.

*Mí` já'` calíng` jaang` dseamí` i ja` líng` dsea` Israel júu` quiá'` Jesús
(Mr. 7:24-30)*

21 Jò mi~ cangî jò, cagüi'îb' Jesús fí jò, jò cangór- fí lí se' Tiro cóo'~guí fí lí se' Sidón. 22 Jò mi~ caguiér- fí jò, jaang`dseamî cananea ì niguiing~ fí jò cangoquiéieñ' fí lí sing' dsea` do e áin` teá lala:

—¡Fí'ì, siju~ dseata~ dsea` féng' Daví^, fíi- güilín' jnea~ jò jmi'leáang- ì simí^ quié- e, cò' jaang` ì 'lìng'^ iuung- dsír'!

23 Jò dsu' jii~ camí'^ júu^ ja` e cañí' Jesús quiá'- ì dseamî do. Jò ì dsea` quiá'r- dob cangoquiéeng' fí lí siñ' jò camí'r' dsea` do jmi'ee~ jò casí'r- dsea` do lala:

—Fí'naa', síi~go ì dseamî na güigüieñ', cò' jáar ta~ óo` lí^ caluu'naa'.

24 Jòba' cañí' Jesús quiá'- ì dsea` quiá'r- do jò casí'- reiñ':

—Lajii~ ta` e casíng` Fidié~ jnea~ fí jmi'güi' la e quiá'- nilaan- jaléng' dsea` góo'o dsea' Israel jee~ jalé' dsee- quiá'r-, cò' î líiñ' lafa' jo'se' ì sí'íng^.

25 Jò dsu' mi~ canúu- ì dseamî do lado, dsifí' lajòb cangór- cangosí' uó- jnir~ fí quini~ Jesús jò casí'r- dsea` do lala:

—¡Fí'ì, jiéè o' jmicóo'~ jnea~!

26 Jòba' cañí' Jesús quiá'- ì dseamî do lala:

—Ja` dseeng` e niguí^ dsea` iní'^ e gó' jiuung~ quiá'r- jò nicuó'r- jaléng' dsii'.

27 Jòba' cañí'tu ì dseamî do quiá'- Jesús:

—Jáb'-, Fí'naa', lajòb lí'; dsu' e já'- cajo e jì'gui dsii' sitíng'ne' jalé' e cuí'~ iní'^ e sojiá' fí ná'- mes~ quiá'- fi're'.

28 Jòba' cañí'tu Jesús quiá'- ì dseamî do jò casí'- reiñ':

—jDseamî, dseáng'⁻ lajam'⁻ já'⁻ lîñ'⁻ júu'⁻ quié'⁻ e!
 Jò güilíb'⁻ jîi'⁻ laco'⁻ fó'⁻ na.

Jò dsifi'⁻ lajòb ca'láang⁻ ì jóó'⁻ ì dseamî do.

Mî~ cajmi'leáang⁻ Jesús ì fîng'⁻ dsea`dsée'⁻

²⁹ Jò mî~ cangî jò, cagüi'⁻ fîb'⁻ Jesús fî jò, jò caguiér⁻ fî 'nî'⁻ guiée'⁻ Galilea jò fî jòb cajgóor⁻ fî còó'⁻ yá'⁻ mó', jò fî jòb caguár'. ³⁰ Jò lajee'⁻ jò, ì fîng'⁻ dsea`caseáng'⁻ e fî lî~ guiiñ'⁻ do e jéeiñ'⁻ jaléng'⁻ dsea`dsée'⁻ quiá'r⁻ ì líng'⁻ doñî ee'⁻ jmohuî; do dsea`jlúung'⁻, do dsea`tiuung⁻, do dsea`bóøng'⁻ còó'⁻ guî jaléng'⁻ dsea` ì ja`lí fé', jogui quiéem'⁻ bi ì líng'⁻ lí'⁻ doñî ee'⁻ jmohuî e jíé'⁻ guî, jò dob cajmi'leáang⁻ Jesús lajaléng'⁻ î. ³¹ Jòba' dseáng'⁻ lajîm'⁻ dsea`cangogá'⁻ dsîir'⁻ ie~ jò mî~ cangár⁻ e caféb'⁻ jaléng'⁻ dsea` ì ja`lamî fé', jogui jaléng'⁻ dsea`bóøng'⁻ ca'láam⁻bre, jogui jaléng'⁻ dsea`jlúung'⁻ cangîbre, jogui jaléng'⁻ dsea`tiuung⁻ calîjné'⁻bre. Jò lajîm'⁻bing'⁻ do canaaîñ'⁻ jmiféiñ'⁻ Fidiée'⁻ quiá'⁻ dsea`Israel.

*Mî~ cahéng'⁻ Jesús quiá'⁻ mil dsea`
 (Mr. 8:1-10)*

³² Jò mî~ cangî jò, cató'⁻ Jesús dsea` quiá'r⁻ jò casí'⁻ reiñ'⁻:

—Eáam'⁻ fîi~ lîñ'⁻ n jaléng'⁻ ì dsea`la, cò'⁻ na ningóó'⁻ 'nî'⁻ jmîb~ e taaiñ'⁻ fî la còó'⁻ jnea~ jò ja`sea` jîi'⁻ còó'⁻ e nidó'r⁻. Jò ja`iin~n fa' lí'⁻ niguiéen'⁻ nre lajò fî quiá'r⁻ e ja`mî'⁻ gó'r⁻, cò'⁻ dseáam'⁻ fîng ca'uó'r⁻ guíá'⁻ fî.

³³ Jòba' lalab cañî'⁻ dsea` quiá'⁻ Jesús jò casí'r⁻ dsea` do lala:

—Jo ¿jial nijmó'oo' jóng? ¿Jie' li' nidsilé'ee' e nidó' i dsea' fíng' na? Co' tí' lab la ja' i' dsea' seeng' có' quiá' la fa' i ni'ní'.

³⁴ Joba' cajmingí' Jesús i dsea' quiá'r do lala:

—¿Jó' jí' tí' e iñí' e si'mang' 'nú' na?

Joba' cañí' i dsea' quiá'r do:

—Jí' guiéb' iñí' tí', jogui jí' coo' tú' m'ng' 'ñub'.

³⁵ Jo Jesús caquiur' ta' i dsea' fíng' do e caguáin' do fí' ni' uó'. ³⁶ Jo mifíng' catíin' casá'r e guié' iñí' do cóo' gui' i coo' tú' m'ng' 'ñu' do jo mifíng' cacuø'r gui'máng' Fidié'. Jo lí' jo cañim'bre e iñí' do jo cangíin' fí' jaguó' i dsea' quiá'r do, jo íguib cajmée' guié' jee' lajaléng' i dsea' do. ³⁷ Jo lajim' i dsea' do cagø'r ie' jo car' calitaaín' guiá'. Jo carøm-bi guié' gui' 'matá' mi' cangí' jo e téel' 'ná' e caseáng'. ³⁸ Jo jaléng' i dseañu' i cagø' ie' jo tí'bre la quiá' mil, jo ja' lí'íng' dseamí' cóo' gui' jaléng' jiuung'. ³⁹ Jo mi' cangí' jo, ca'fb' Jesús júu' jaléng' i dsea' i caseáng' do, jogui mifíng' ca'ír' fí' dsí' móo' jo cangør' fí' guóo' uó' lí' se' Magdala.

16

Mí' cali'íing' dsea' Israel e Jesús nijmér' coo' e lí' quiá'r' jmí'

(Mr. 8:11-13; Lc. 12:54-56)

¹ Jo mi' cangí' jo, coo' jmí' cangolíng' jaléng' dsea' Israel i líng' dsea' fariseo cóo' gui' i líng' dsea' saduceo fí' lí' táang' Jesús, co' iin' e niguié'r' jial e ni'níin' dsea' do fí' quini' dseata'. Joba' camí'r' dsea' do e fa' nijméin' coo' e lí' e quiá'r' jmí', jo lajoba' nicuø' lí' e Fidiéb' dsea' i casí' quiá'r'.

2 Jō dsu' lalab cañí' Jesús quiá' i dsea` do:

—Mí~ nica'lóo~ lalab fó' 'nú': “Lana ja` jmí' nitú, co' coo` jní' fí' yú^ jmigüí”; 3 jogui mi~ la'ee' fó'na' lala: “Nágujiu jmí' nitú, co' eáang' nuu` jní' té' fí' yú^ jmigüí.” Jō song ngám'ba' guiá~ lajii~ e lí' fí' yú^ jmigüí, joba' ¿jali' ja` ngáng'na' e~ nidsijé' jmí~ na? 4 Jō jaléng' dsea` seeng' jmí~ na dsíng'~ nirøøiñ` dsee~ jogui ja` jmitir~ júu^ quiá'~ Fidié', jogui mi'r' jnea~ e nijmee~e jalé' e lí' e quí'~i jmí~; dsu' ja` nijmee~e jíi~ coo` e jō fí' quínir', co' nicaliseáb` e jō lamí~ jéeng'gui e cangongíng~ Jonás, jaang` dsea` i café' cuaiñ~ quiá'~ Fidié' mali~ gui eáang'.

Jō dob caseáaiñ` i dsea` do, jō fí' lí' jiéb'` cangór~.

Jial líng' dsea` fariseo

(Mr. 8:14-21)

5 Jō mí~ catáng~ Jesús cóo'~ i dsea` quiá'r~ do lí' lí' 'ngóo'~ cataang` e guié' do, jō cadseng'~ dsí' i dsea` quiá'r~ do e ja` iñí^` quier'. 6 Jō casí'~ Jesús i dsea` quiá'r~ do lala:

—Ñiing` óo'na' cóo'~ jalé' e e' dsea` Israel i líng' dsea` fariseo cóo'~ gui i líng' dsea` saduceo, co' jalé' e e' i dsea` í lí' lafa' quie'^ iñí^`.

7 Joba' canaang` i dsea` quiá'~ Jesús do síiñ` lajee` la'ó' yaaiñ~ jō sí' rúíñ':

—Uíi~ e ja` iñí^` léé'naa', joba' jíng'~ Fí'naa' lana.

8 Jō co' calilí'~ Jesús lajii~ e síng' i dsea` quiá'r~ do, joba' casí'~ reiñ' lala:

—¿Jiali' fó'na' e ja` iñí^` quie'na'? ¿Su dseáng'~ ja` já'~ mí' lím'bi' jalé' e quí'~i jmí~ jmóo'o? 9 Jō ¿su latí' lana ja` mí' cangám'bi' 'nú' o'gui tóo` óo'na' cajo quiá'~ e 'ñiá' iñí^` e cajmítaan`n laji' 'ñiá' mil

dsea, jogui e jmiguiꝰbi 'matá^ caseáng- e téé~ 'ná^ quiá'- e jo? ¹⁰ Jo ¿su ja` tóo` óóna' cajo quiá'- e guié- iñí'^ e cafin-, jo cagó^ quiá` mil dsea, jogui e jmiguiꝰbi caseáng- ie~ jo? ¹¹ ¿Su dseáng'- ja` cuante ca`ba' e o' cuaiñ~ quiá'- iñí'^ e júu^ e fá'a na? Joba' fíi- i 'nú'^ e jmeáng'- í^ yaang~na' cóo~ jalé' e e' dsea` fariseo cóo~gui dsea` saduceo, co' jalé' e jo lí' lafa' quie^ quiá'- iñí'^.

¹² Joguib mi~ calilí^ i dsea` quiá'- Jesús do lajii~ e guóng^ e júu^ e café' dsea` do quiá'- quie^ iñí'^, co' e laba' sí' Jesús i dsea` quiá'r- do e nijméiñ'- do í^ yaaiñ~ e ja` niligøøiñ` cóo~ jalé' júu^ e e' dsea` fariseo cóo~gui dsea` saduceo.

Mi~ cajíng'- Tú^ Simón e Jesús líiñ' i dsea` i sijeeng` dsea` Israel i nicá` nif' quiá'r- (Mr. 8:27-30; Lc. 9:18-21)

¹³ Jo mi~ tí' lí' caguié- Jesús fí' lí' se' Cesarea quiá'- Filipo, lalab cajmingi'r' i dsea` quiá'r- do jo cajíñ'-:

—¿E~ fé' dsea` uii~ quié- jnea~, dsea` i cajá- fí' ñifí- jo cagüén- n fí' jmigüi la e lín'n jaang` dsea` jmigüi?

¹⁴ Joba' cañí' i dsea` quiá'r- do jo cajíñ'- lala:

—I líng~ dsea` fé'r' e i Juan i lamí~ seáng` dsea` jmib` 'nú', jo i líng~gui fé' e Líí^ 'nú', jogui i líng~gui dsea` éeiñ` 'nú' e Jeremías osi lí'^ jaang`gui lajee` dsea` i café' cuaiñ~ quiá'- Fidié` malí~gui eáng'.

Jo ngí jo, joba' cajmingi' Jesús i dsea` quiá'r- do jo cajíñ'-:

¹⁵ —Jogui 'nú', ¿i~ fó'na' e lín'n?

¹⁶ Joba' cañí' i Tú^ Simón do lala:

—'Nub`i dsea`i sijeeng` jnea`^, dsea` Israel, i nicá` nifí` qui`-naa', jogui` 'nub` cajo` lin` i Joo` cam`ngl`-` quiá`-` Fidiée` i seeng` lata` do.

17 Joba' cañi'tu Jesús quiá'-` Tú` Simón jo cajíñ'-` casí'-` reiñ':

—Juguiá`-` jiu` qui`-`, Tú` Simón, joo` jaang`gui` dseañu` i sii` Jonás, dsuco` jii`~ jaang` dsea` jmi`gü` ja` ii` mí` ca'e` 'nu` e júu` na, co` Tiquié`e dsea` guing` ñiff`-`bing` i nica'e` 'nu` e na. 18 Jo jnea` fii`-` i 'nu` e cuu` guong` e sii` 'nu` cajo, jogui` 'nub` dsea` i niling`-` lafa' coo` cuu` quiá'-` tii` fii` quiá'-` guá'-` quié`-e. Jo e guá'-` e ni'u`ing`-` do quié`-e lí` lafa' jaléng` dsea` i ni'u`ing`-` dsea` quié`-e, jo ja` sea` bí` quiá'-` 'mó` fa' nijmé` e ni'íng`-` e jo. 19 Jo jneab` nicuóó` 'nu`, Tú` Simón, coo` lafa' joñi` quiá'-` ñiff`-` fí` lí` guing` Fidiée` i quiu` ta` quiá'-` lajaang` lajaang` dsea` quiá'-`. Joba' jalé` e ja` nicuó`^ fí` jee` jaléng` dsea` quié`-e fí` jmi`gü` la, ja` nicuó`-` Fidiée` fí` quiá'-` e jo cajo. Jogui` lajalé` e nicuó` 'nu` fí` jee` jaléng` dsea` quié`-e fí` jmi`gü` la, joba' nicuób`-` Fidiée` fí` quiá'-` e jo cajo.

20 Jo mi` cang` jo, caqui` Jesús ta` i dsea` quiá'r` do e ja` ii` nisiñ` do jii`~ jaang` e íbre líiñ` i dsea` i sijeeng` dsea` góor` dsea` Israel i nicá` nifí` quiá'r`.

*Mi` cajmée` Jesús júu` e tí` lí` nijngáng`-` dsea` ír`
(Mr. 8:31-9:1; Lc. 9:22-27)*

21 Jo latí` ie` job canaang` Jesús jma'r` júu` jaléng` i dsea` quiá'r` do e fí` Jerusalén` 'né` dséngl`-` tur` calé` catú`-, jo fí` job jaléng` i dsea` cóongl`-` i quiu` ta` quiá'-` dsea` góor` dsea` Israel cóo`-`gui` jaléng` fii` jmidsea` quiá'r` cóo`-`gui` jaléng` tifa` quiá'-` júu` quiu` ta` quiá'r`-, jo jaléng` íbing` i nicuó`-` ír`

iihuí e eáang cartí nijngáin¹- dsea` do. Jo dsu¹ mi[~] nidsing⁻ 'ní jmi[~] e cajúin⁻, nijib¹tur calé¹ catú⁻.
 22 Joba¹ Tú[^] Simón cajéeiñ[~] dsea` do lí[~] coo[~] yaaiñ[~] jo cajim⁻ jiar dsea` do jo casí¹r⁻:

—Ja[~] güli¹iing[~] dsí¹ Fidié[~] e nilí¹ lajo, Fí¹naa¹!
 Ja[~] catíng⁻ 'nu[~] e nilín¹- lajo!

23 Jo Jesús cangoquíeiñ¹ calé¹ catú⁻ fí¹ quini[~] Tú[^] Simón jo casí¹- reiñ¹ do:

—Jéeng¹ cáan[~], Satanás! Ja[~] jnín¹~ jnea[~] fí¹. Co¹ 'nu[~] ja[~] ngáng¹ laco¹ jí¹ e í¹ dsí¹ Fidié[~], co¹ lají¹ e lí¹ quía¹- dsea[~] jmigüí¹ba¹ ñí¹ 'nu[~].

24 Jo mi[~] cangí¹ jo, casí¹-tu[~] Jesús jaléng¹ i¹ dsea[~] quía¹r⁻ do lala:

—Song jí¹ dsea[~] iing[~] ni'uíng⁻ dsea[~] quíe⁻ e, joba¹ güitár[~] jalé¹ e lí¹ dsír¹ 'ña¹r¹ jo güiseaiñ¹ lafa¹ crúu[^] quía¹r⁻ e laco¹ cuó¹ lí[~] e guía¹ dsír¹ e nidsingüiñ⁻ jalé¹ e huíng¹ uí¹ e líiñ¹ dsea[~] quíe⁻ e, jo lajoguiba¹ ningír⁻ cóo¹~ jnea[~] jóng. 25 Co¹ lí¹ doñí¹ jí¹ dsea[~] i¹ í¹ dsí¹ e lí¹ bre nileáng⁻ 'ña¹r¹ jee[~] jalé¹ dsee⁻ quía¹r⁻, joba¹ i¹ dsea[~] í¹ conguiab¹ nibíiñ[^] fí¹ lí[~] 'lí¹; jogui lí¹ doñí¹ jí¹ dsea[~] i¹ nijúung⁻ uí¹ e líiñ¹ dsea[~] quíe⁻ e, joba¹ i¹ dsea[~] í¹ nitím¹ bre fí[~] quini[~] Fidié[~] jóng. 26 Jo jí¹ coo[~] ja[~] ee[~] ta[~] íng[^] quía¹- dsea[~] jmigüí¹ e silí¹r[~] latøong⁻ jmigüí¹ song ja[~] gui¹ cuiñ[~] jnea[~], co¹ ni¹im⁻ quía¹r⁻ mi[~] tí¹ lí[~] nití¹ í¹ e nijúuiñ⁻, jogui ja[~] cuøong¹ lí¹ quír⁻ cuu⁻ e laco¹ nitíiñ⁻ fí¹ quini[~] Fidié[~]. 27 Dsaco¹ jnea[~], i¹ Jóo¹ Fidié[~] i¹ cagüéng⁻ fí¹ jmigüí¹ la e lín¹ n jaang¹ dsea[~] jmigüí¹, nigáab¹ túu[~] e niniing⁻ 'gøng¹ quía¹- Tiquié[^] e colíng[~] gui¹ cóo¹~ jaléng¹ ángeles i¹ líng¹ guotír⁻ mi[~] tí¹ lí[~] nití¹ e í¹ jo. Jo ie[~] job¹ mi[~] nicuøøø dsea[~] lají¹ e catíng⁻ lajaang¹ lajaaíñ[~] lí¹ jialco¹ jí¹ lí¹ ta[~] e nicajméer[~]

fi' jmiɡüü' la. ²⁸ Jo fii' i 'nú' lana e i liing' 'nú' la'ó' teáng-na' la jmi' na ja' mí júung-na' cartí nimó-na' e nigáa' jnea~, i dsea' i cagüéng' fi' jmiɡüü' la e lín'n jaang' dsea' jmiɡüü', e nilín'n jaang' dseata~ dsea' féng' i quiu' ta~.

17

Mi' calisíng' jial jnéeng' Jesús

(Mr. 9:2-13; Lc. 9:28-36)

¹ Jo mi' cangí jñúu' jmi' lajo, cató' Jesús Tú' Simón cóo' gui Tiáa' jogui Juan i líng' rúng' Tiáa~, jo lajee' la'ó' yaam~ bre cangolíñ' fi' cóo' yá' mó' e ñíí' eáang'. ² Jo lajee' teáiñ' fi' jo, i dsea' do cangár' jial calisíng' jial jnéeng' Jesús. Jo cangár' e jíng' jì' ni' dsea' do lafa' jì' iee~, jogui sí'r' dseáng' calité lafa' jì' e tee' jlo'. ³ Jo lajee' job cangáñ' Moi' cóo' gui Líí' e teáiñ' síiñ' colíng' cóo' dsea' do. ⁴ Joba' lalab cajíng' Tú' Simón e casí'r' Jesús:

—Fíi', juguiá' o' e taang~ naa' colíng' fi' la, fa' na nijmée' e 'ní' 'núu' jiu' cóo' má' 'ma~, cóo' quií' 'nu', cóo' gui quiá'— Moi' jogui cóo' quiá'— Líí'.

⁵ Jo lajee' gui'ná' fé' bi Tú' Simón lado, mi' cagó' cabøø' jníí' e jì' jlo' fi' lí' teáng' dsea' do, jo fi' jee' e jníí' do guicaná' e liing' ií' guicafé' jo guicajíñ':

—I lab Jóo' o' i 'neáan'n eáang' jo eáam' iáang' dsii' cóo'r'. Jmee~ na' núu~ na' júu' quiá'r'.

⁶ Jo mi' canúu' i dsea' gaang' quiá' Jesús do lajo, dsifí' lanab casijnír' fi' ni' uó' jogui catú' guir~, có' eáam' cafóíñ'. ⁷ Jo cangoquíéeng' Jesús fi' lí' sijní' i dsea' quiá'r' do jo caquidsir' guóor' quiáñ' do jo casí' reiñ':

—Ráang-na'; ja`fòøng`na'.

⁸ Jo mi` casée` i dsea` quiá'- Jesús do nir~, jii` jaang` i dsea` gáng- do jo` ii` seeng` e fi' do; 'ñiab' Jesús sing'gui.

⁹ Jo ngi` jo cajgám-bre e fi' yá^ mó' do. Jo lajee` jo caqui` Jesús ta` quiá'- i dsea` quiá'r- do jo casí'-rein' lala:

—Ja` fi'^na' jii` jaang` lajii` e cañi`-na' e fi' yá^ mó' la carti' mi` nití- í' e nijí'tu jnea~, dsea` cagá-a fi' ñiff- e lán'n jaang` dsea` jmigüi'.

¹⁰ Jo mi` cangí` jo, cajmingí` i dsea` quiá'- Jesús do cajmingí'r- dsea` do jo cajíñ'-:

—Fíi'naa', çjali' fé' i tifa' quiá'- júu^ quiu' ta` qui`-ii' dsea` Israel e Líi`bing' i nijáa' nifi'gui?

¹¹ Joba' cañi' Jesús quiáñ'- do lala:

—E jáb'- e Líi`bing' i nijáa' nifi', jo í'bing' i niguiá-guiá- lajalé'. ¹² Jo dsu' jnea`gui fi`-i 'nú' e nicajáb- Líi^, dsu' ja` calijii` dsea` ír, jo cajméeb` dsea` la tíi' e já- dsír' cóo` dsea` do. Jo lajob jnea` cajo, i dsea` i cagüéng- fi' jmigüi' la e lán'n jaang` dsea` jmigüi', niñím`baa iihu' cajo e nicuø- jaléng' i dsea` í.

¹³ Job mi` calilí^ i dsea` quiá'- Jesús do e dsea` do fé'r` uii` quiá'- i Juan i lamí` seáang` dsea` jmí`.

Mi` cajmi`leáang- Jesús jaang` siming` i iuung- i ling` dsú'

(Mr. 9:14-29; Lc. 9:37-43)

¹⁴ Jo mi` caguiéng'- Jesús cóo` i dsea` quiá'r- do fi' lí` teáang- dsea` fíing', jo fi' job cangoquiéng' jaang` dseañu' fi' quini` Jesús jo casí'r` uø- jnir` fi' quini` dsea` do ¹⁵ jo casí'-rein' do lala:

—Fíi'i, fi`- güilín' jóo`o, co' contøøm- dsea` e joñiñ, jo seab` mi` quiñ' fi' ni` ji` osi fi' ni` jmí` é,

jō dseáng' eáam' íñ' iihuí'. ¹⁶ Jō nicagajéem-baa'r fí quini' dsea` quí'⁻, dsu' ja` mí' cali' í fa' e nicajmi'leáng-neíñ'.

¹⁷ Jōba' cañí' Jesús jō cajíñ'⁻:

—Dsíng' ja` já'⁻ líng'na' júu^ quié⁻e, jō jman'⁻ fí gab` iing~na' cá^na'. ¿Jial nité' lí'i e niliseen` cóo'⁻ 'nú'? Nijéeng'na' i siming'⁻ do fí la.

¹⁸ Jō mi~ caguilíñ⁻ fí lí~ sing'⁻ Jesús, jōba' cajíng⁻ dsea` do i 'líng'^ i iuung⁻ dsí' i siming'⁻ do jō lajōb cangohuíng⁻ i 'líng'^ do ladsifí lana, jō ca'láam⁻ i siming'⁻ do. ¹⁹ Jō mi~ cangí jō, i dsea` quiá'⁻ Jesús do casíñ⁻ cóo'⁻ dsea` do lajee` la'ó' yaaíñ` jō casí'r⁻ dsea` do lala:

—¿E~ uiing~ quiá'⁻ e ja` cali'⁻ jnea'^ fa' e cajmi-huíng⁻ naa' i 'líng'^ i lamí~ iuung⁻ dsí' i siming'⁻ do?

²⁰ Jōba' cañí' Jesús quiáíñ'⁻ do:

—Cō' ja` 'leáng⁻ já'⁻ líng` 'nú' júu^ quié⁻e, jō uí'⁻ e jōba' e ja` cali'⁻ na' cajmee⁻ na' lajō; jō dsu' jnea~ jmitaa^ óo'na' e fa' capí'^ba' já' líng'na' júu^ quié⁻e fa' lacō' júí'⁻ e tí' cōo' mijú` mostáa^, jōba' cuóom` lí quiu'⁻ na' ta~ cōo` mó'⁻ e nilisíng⁻ ée^ quiá'⁻ lí~ si', jō nidsisíng' 'ñia' fí lí~ jié` facō' lajō. Jō song lajō, jōba' doñí' eeb` quí'⁻ na' jmí~ jmee⁻ na' jóng. ²¹ Cō' la'eáang' cóo'⁻ e féng' dsea' Fidiée` jōgui jmóor` ayuno, quí'⁻ jmí~ e ni'uóng' i 'líng'^ lado.

*Mi~ cajméetú Jesús júu^ e nijnga'⁻ dsea` quiá'r⁻
(Mr. 9:30-32; Lc. 9:43-45)*

²² Jō mi~ cangí jō, lajee` e ngí Jesús cōlíng~ cóo'⁻ dsea` quiá'r⁻ fí lí~ se' Galilea, lalab cajíñ'⁻ casí'r⁻ i dsea` quiá'r⁻ do:

—Tí' lí~ niguiéeb' í' e jnea~, dsea` i cajá⁻ fí ñiff⁻ e lín'n jaang` dsea` jmigüí, tí' lí~ nitén'n fí jaguó

dsea` jmigüí²³ jo cartí nijngám¹-bre jnea~. Jo dsa¹ mi~ nití⁻ 'ní jmí~ lajo nijíb¹'túu calé¹ catú⁻.

Jo mi~ canúu⁻ i dsea` quiá¹- Jesús do lajo, joba¹ dsíng¹- fí¹ calíñ⁻.

Mi~ caquí¹ Jesús cuu⁻ e catíng⁻ guá¹-

²⁴ Jo mi~ cangí¹ jo, caguié⁻ tu Jesús fí¹ Capernaum colíng⁻ cóo¹ i dsea` quiá¹-r do. Jo i dsea` i jmóo¹ ta~ mí¹ cuu⁻ e catíng⁻ guá¹- caguilíñ⁻ fí¹ lí⁻ sing¹ Tú¹ Simón jo cajmingí¹-r dsea` do jo cajíñ⁻:

—¿Su ja` quí¹ tifa¹ quí¹- lajii¹~ cuu⁻ e catíng⁻ niquí¹ fí¹ guá¹-?

²⁵ —Quí¹ b⁻ dsea` do e jo —cañí¹ Tú¹ Simón.

Jo mi~ tí¹ lí⁻ calí⁻ Tú¹ Simón fí¹ dsí¹ siná¹, cuóong¹ Jesúsbi canaaiñ⁻ sí¹-r dsea` do jo cajíñ⁻:

—Janú¹, Tú¹ Simón, ¿jal í¹ o¹ cuaiñ⁻ quiá¹- e júu¹ la? Jo jee~ jaléng¹ dseata~ i quiá¹ ta~ fí¹ jmigüí¹ la, ¿i~ quiá¹- jaléng¹ catíng⁻ nicá¹-r cuu⁻ e 'né⁻ qui¹ dsea` jogui e cuu⁻ e íng¹ dsea`? ¿Su quiá¹- jaléng¹ dsea` góor¹ osi quiá¹- jaléng¹ dsea` i jalíng⁻ fí¹ caluub¹ é?

²⁶ Joba¹ cañí¹ Tú¹ Simón jo cajíñ⁻:

—Mó¹ quiá¹- jaléng¹ dsea` i jalíng⁻ fí¹ caluub¹.

Joba¹ cañí¹ tu Jesús quiá¹- dsea` do jo cajíñ⁻:

—Joba¹ lajii¹~ e catíng⁻ 'na¹, ja¹ 'né⁻ qui¹ jí¹~ coo¹.
²⁷ Jo lico¹ ja¹ í⁻ dsí¹ i dsea` do ga¹ uii⁻ qui¹ ii¹, gua¹ fí¹ lí⁻ néé¹ guiéé¹, jo güibí¹ 'máa¹ qui¹- jo guíng⁻ i la'uii⁻ 'ñá¹ i nilí¹; jo fí¹ mo'oo⁻ i 'ñá¹ í¹ nisicú¹ coo¹ cuu⁻, jo cóo¹ jí¹~ e job nitíng¹ guiá⁻ quiá¹- e nigüiquí¹ qui¹-ii¹ quiá¹- lajii¹~ cuu⁻ e catí⁻ naa¹ niquí¹ ii¹ quiá¹- guá¹-; joba¹ quie¹ e cuu⁻ do jo güiquí¹ jóng.

18

¿I' i niing-gui fi' quini Fidié'?

(Mr. 9:33-37; Lc. 9:46-48)

¹ Jo ie~ job cajo jaléng' dsea` quiá'- Jesús cango-quiéeiñ' fi' li~ sing' dsea` do jo cajmingí'r- lala:

—Fíi'naa', ¿i' líng- 'nu' i niing-gui mi~ Fidiéé' quier' nifi' quiá'- dsea` jmiǵüí'?

² Joba' Jesús cató'r- jaang` jiuung~ jo casíñ' i jiuung~ do fi' guiá'^ jóo` laco' la teáng- i dsea` quiá'r- do ³ jo casí'-reíñ' do lala:

—E jáb'- e fíi' i 'nú' e song ja` nijmisíng^na' lajii'- e í' óo'na' jogui song ja` ni'uíng- na' laco'gui la líng' jiuung~, joba' ja` nilí'na' jóng e Fidiéé' nicár` nifi' quíi'-na'. ⁴ Jo lalab fíi' i 'nú'; ii' dsea` i ja` jmiféng' 'ñia' jogui ni'uíng- tur laco'gui la líng' i jiuung~ i sing' la, joba' í'bing' i niing-gui mi~ Fidiéé' quier' nifi' quiá'- dsea`. ⁵ Jo ii' dsea` i íng' i dsea` i líng' laco' i jiuung~ la la'eáang' cóo'~ jnea~, joba' güiñir' guíá~ e jneab~ íñ' cajo.

Jial dseáng' e niíuung' dsea' fi' ni~ dsee-

(Mr. 9:42-48; Lc. 17:1-2)

⁶ Jo fíi' guíi' 'nú' e doñi' ii' dsea` i nijmé- e niténg' fi' ni~ dsee- jaang` jiuung~ i nijá'- líng' júu^ quié-e, joba' guíá-gui quiá'- i dsea` í' e nidsibíng' 'ñia'r' fi' é' jmiñí'^ e guineaang~ cóo` cuu~ 'loo' fi' moluur~ e laco' nineáiñ'- cartí' uii'. ⁷ Jo gab' líí' quiá'- jaléng' dsea` jmiǵüí' e sea` cóo'~ jalé' e jmiróng` yaaiñ~ dsee-, có' cóo'~ jalé' e job e tóíñ' fi' ni~ dsee-. Jo dsu' e ngí~ fíi'b^ i dsea` i jmóo` e niténg' dsea` rúíñ' fi' ni~ dsee-.

⁸ Joba' fíi' i 'nu' e doñi' si guóo' osi tii~ nijmé- e nitén' fi' ni~ dsee-, joba' jmeáng-gui quíi'- e

niquiá'^ba' jò nigüibi' cartí lí huíí^ . Co' guiá-gui quíí^- e niguøñ'^ fí lí~ guiá^- e ja'sea' guóo'^ osi tíí~ é e laco'gui niguøñ'^ e la'ieéb'' guotíí'^ fí lí~ coo' jí e ja` tóo` jmíí~ yu' . ⁹ Jogui song jminí'^ nijmé^- e nitén'^ fí ní~ dsee^-, joba' jmeáng-gui quíí^- e niguí'ba' jò nigüibi' cartí lí huíí^ . Co' guiá-gui quíí^- e niguøñ'^ fí lí~ guiá^- e coo`jminí'^ e laco'gui niguøñ'^ cóo`~ lají tú^- jminí'^ fí lí~ coo' jí e ja` tóo` jmíí~ yu' .

*Coo`júu^já^- e lafa'júu^cuento quiá^- jaang`jo'se`
i si'íng^*

(Lc. 15:3-7)

¹⁰ 'Joba' fíí-guáí 'nú' e ja` jmi'uóng^na' jíí~ jaang` i jiuung~ na. Co' jnea~ fíí-i 'nú' e fí' ñifíí^- seeng` ángeles quiá'r^- i neáang' colíng~ cóo`~ Tiquié^e dsea`guiing~ fí jò. ¹¹ Co' jnea~, i dsea` i cajá^- fí' ñifíí^- e lín'n jaang` dsea` jmigüí^, cagá^- a e laco' nilaan^- jaléng' dsea` i si'íng^ uíí~ dsee^- quiá'r^- .

¹² 'Jogui ¿jial líng^- 'nú' e júu^ la? Facó' jaang` dsea` áaiñ` cien jo'se', jò calíngííííñ~ e cango'íng' jaang` i jo'se' do quiá'r^- fí jee~ mó', ¿su ja` nitiúung^-tear i noventa y nueve do cateá' la- jee` nidsér^- e nidsi'néiñ' i jaang` i cango'íng' do quiá'r^-? ¹³ Jò song cadséiñ' í, joba' eáang'gui nili'íáang` dsíir' uii~ quiá^- i jo'se' i cadséiñ' do laco'gui quiá^- i noventa y nueve i caseáaiñ' do. ¹⁴ Jò lajob cajo, co' Tiquí'íí' dsea` guing~ ñifíí^- ja` iíñ~ fa' e nidsi'íng' jíí~ jaang` i jiuung~ na.

*Jial 'né- íng^- dsea`dsee^- quiá^- jaang`dsea`rúíí'^
(Lc. 17:3)*

¹⁵ 'Jò fíí-guáí 'nú', song jaang` dsea` rúng'^na' calíngííííñ~ e cajmeáiñ' 'nú' ga', joba' guiá-gui e síng~na' røø` lajee` co` gáng'^na', jò nifí'^na're e~

uiing~ quiá'- e cajmээр` e ga` do quí'-na'. Jo song canuub~ júuiñ^ quiá'- lajúi~ e cajmээр` do, joba' røøb` niliseeng`tu' cóo'r~. ¹⁶ Jogui dsu' song ja` ni'f` júuiñ^ lajúi~ e nifí'`re do, joba' nitó'`na' jóng gáng- gaang` dsea` jiéng` i tí' ni~ i nija'- júu^ røø` quiá'- lajúi~ e nisiing~na' do. ¹⁷ Jogui song la lám`bre líiñ` e ja` ni'f` júuiñ^ cóo' i dsea` í, joba' cóo'~ dsea` quiá'- Dsea` Jmáam` 'né-`nging- e júu^ jo. Jogui song o' cóo'~ dsea` í ni'f` júuiñ^, joba' 'né- e nita~ óo'na' e i dsea` í ja` cuiñ` Fidiée` jogui líiñ` laco' jaang` dsea` i jmóo` ta~ mí cuu- e catíng- dseata~ guing~ fí' Roma.

¹⁸ Joba' jnea~ jmitaa^ óo'na' e jalé' e ja` nicuó'-na' fí' jee~ jaléng` dsea` quié- e fí' jmigü` la, ja` nicuó'- Fidiée` fí' fí' ñifí- cajo. Jogui lajalé' e nicuó'-na' fí' jee~ jaléng` dsea` quié- e fí' jmigü` la, joba' nicuó'b- Fidiée` fí' cajo.

¹⁹ Lalab fí-`guá' 'nú' cajo, fa' gám- 'nú' fí' jmigü` la nisiing~na' røø` quiá'- lajúi~ e nimí~na' Fidiée`, joba' Tiquié^ e dsea` guing~ ñifí- nicuó'-bre 'nú' lajúi~ e nimí~na'r do. ²⁰ Cofa' gáng- osi gaang` dsea` siseáiñ' e jnea~ quiee- nifí' quiá'r-, joba' dob seeng` jnea~ jee~ ír' fí' lí~ siseáiñ' do cajo.

²¹ Jo ie~ jo cangoquiéeng' Tú^ Simón fí' lí~ sing' Jesús jo cajming' r- dsea` do:

—Fí'i, ¿jó' ya' 'né-`ín~n dsee-` quiá'- jaang` dsea` rún'`n song cajmeáiñ' jnea~ ga? ¿Su júi~` guie-` néeb'~ júi'~?

²² Joba' cañi` Jesús quiá'- Tú^ Simón jo casí'-reiñ':

—Ja` fí-i 'nu, Tú^ Simón, e júi~` guie-` née', co' cartí setenta ya' siete née' 'né-`ín~n dsee-` quiá'- i dsea` rún'` do song lí~ 'né-` lajo.

*Coo`júu`já'- e lafa' júu` cuento quiá'- jaang` dsea`
'léeng`*

²³ Jo cajíng`-gui Jesús casí'r- i dsea` quiá'r- do e júu` la:

—Jo mi` Fidié` quiér` nifi` quiá'- dsea`, lí' laco' mi` jaang` dseata` dsea` féng' i niseeng` dsea` 'léeng` i nirøøng` quiá'r-. Jo mi` catí` í' e camí' i dseata` do cuu` quiá'r- lajii` e nirøøng` i dsea` 'léeng` quiá'r- do, ²⁴ joba' i dseata` dsea` féng' do cató'r- jaléng` i dsea` 'léeng` i nirøøng` quiá'r- do e laco' nidsicóoĩn` do lajii` e røøiñ`. Jo la`uui` cató'r- i dsea` 'léeng` i nirøøng` jmiguiá' cuu` quiá'r-. ²⁵ Jo co' ja` ee` cuu` sea`gui quiá'- i dsea` 'léeng` do fa' e nija'r` i fiir` do, joba' i fiir` do caquiá'r` ta` e nidsi'nim` i dsea` 'léeng` do coling` cóo` dseamí` quiá'r- cóo`-gui jaléng` jóor` cóo`-gui lajalé' e sea` quiá'r- e laco' niquír- lajii` e røøiñ` do. ²⁶ Jo dsu' i dsea` 'léeng` do dsifí` lanab casí'r` uó` jnir` fí` quini` i fiir` do jo camí'r` dsea` do jmi`ee` jo casí'r` dsea` do lala: “Fíi`i, mi`i` i jmi`ee` 'nu` e nijméé' féng' a' uui` quié` e e ja` mí` seeng` quié` e lana e cuu` e røøn` quií', dsu' niquí`baa lajalé' e røøn` do quií' mi` niliseeng` quié` e.” ²⁷ Jo i fiir` do calb` fii` líiñ` i dsea` 'léeng` i røøng` quiá'r- do, joba' jo` camí`gui` cuu` quiá'r- jo caleám`breiñ` do cóo` júu` røø`.

²⁸ Jo cangám'- i dsea` 'léeng` do, jo lajee` ngaiñ' guiá' fib' mi` cajíñ' jaang`gui` dsea` 'léeng` rúin` la'ó' røø` nijmóor` ta` quiá'- fiir`, jo i dseañu` í` nirøøng` capí` cuu` quiá'r-. Jo casam'-bre dsea` do jo canaañ` güi'r` luuiñ` jo casí'r` dsea` do lala: “iQui` quié` e lajii` e røøn`!” ²⁹ Jo i dsea` 'léeng`

rúinʰ do casíʳ uó⁻ jnir⁻ fí quiniñ⁻ do jō camíʳ dsea`do jmiʳee⁻ jō casíʳ lala: “Faʳ nijméé⁻baʳ féngʳ oʳ e røømʳbái cateá quíʳ⁻, dsuʳ niquí⁻baa lajalé⁻ mi⁻ niliseeng⁻ quié⁻e.” 30 Jō dsuʳ i dsea`léengʳ i cajmiʳøø` cuu⁻ do jō e canúu⁻ júuiñ⁻ jíi⁻ cōo⁻, jō 'nuñí⁻b^ cangojéeiñ⁻ i dsea`léengʳ rúinʰ i carøøng⁻ quiáʳ⁻ do cartí caquíñ⁻ do e cuu⁻ do. 31 Jō mi⁻ caliñí i dsea`léengʳ rúinʰ i caguaang⁻ gui do e júu^ jō, jōbaʳ cangosí⁻ bre fiir⁻ lajii⁻ e cajmeáng⁻ i dsea`léengʳ rúinʰ i jaang⁻ gui do. 32 Jō ée^ jō iing⁻ i fiir⁻ do mi⁻ caliñíʳ e júu^ jō, jōbaʳ caquíuʳ ta⁻ e calitéb^ i dsea` i ca`lée⁻ do jō lalab casí⁻ reiñ⁻ do: “iʳ Nuʳ linʳ jaang⁻ dsea`léengʳ i soo` dsíʳ! Jō jnea~ jō camí⁻ i lajii⁻ e røønʳ quié⁻e do dsuʳ uíi⁻ e camí⁻ jnea~ jmiʳee⁻. 33 Jō lajōb catíng⁻ faʳ mi⁻ cajmee⁻ cōo⁻ i dseañuʳ rúnʳ do mi⁻ camíʳ 'nuʳ jmiʳee⁻ lí^ laco`gui cajmé⁻ jnea~ cōo⁻ 'nuʳ.” 34 Jō dseángʳ la huímʳ eáang⁻ caligúing⁻ i dsea`fiir⁻ do quiáʳ⁻ i dsea`léengʳ quiáʳ⁻ i cajméé⁻ ga` do cō⁻ jiguí cartí caquíuʳ ta⁻ e cangúin⁻ do iihuí cartí caquíʳ lajii⁻ e røøin⁻ do. 35 Jō cajíngʳ gui Jesús casíʳ jaléng⁻ i dsea` quiáʳ⁻ do:

—Lanab cajo nijmé⁻ Tiquié^ e dsea` guing⁻ ñifi⁻ cōo⁻ jaléng⁻ nuʳ song ja` ni`íng⁻ naʳ dsee⁻ dseáng⁻ lajang⁻ uii⁻ quiáʳ⁻ jaang⁻ dsea` rúng⁻ naʳ.

19

Mi⁻ ca'e Jesús quiáʳ⁻ mi⁻ tiúung⁻ dsea` rúinʰ
(Mr. 10:1-12; Lc. 16:18)

1 Jō mi⁻ cangí e cajíngʳ Jesús jalé⁻ e júu^ na, jō cagüiʳí bre fí lí seʳ Galilea jō cagüé⁻ tur fí lí seʳ Judea e néeʳ lí⁻ ngóo⁻ cataang⁻ laco` iu⁻ gua

Jordán. ² Jo ì 'leáam̄ dseá` ngolínḡ laco' ngóor', jogui cajmi'leáam̄ bre jaléng' dseá` dsée' iē` jo.

³ Jo lajee` táang` Jesús fí' jo, cangoquiéeng' fí' li` siñ' coo` tú` m̄ing' dseá` Israel ì líng' dseá` fariseo e lico' iñ' do e niténg' dseá` do fí' ni` dsee`, joba' cajming' r̄ dseá` do lala:

—¿Su cuøøm` quiá' jaang` dseañu' e nitiúuiñ` dseam̄ quiá' r̄ f̄ing lí' doñí' ee` cajmiquíng' j̄iu dsí' rúíñ'?

⁴ Joba' cañí' Jesús quiá' ì dseá` fariseo do lala:

—Nica'íb' 'nú' fí' ni` jì` quiá' Fidiée` li` fé' lala: “Jí' latí' m̄i` uing` cajmeáang` Fidiée` dseañu' jogui dseam̄.” ⁵ Jogui fé' cajo: “Uí' e cúng' dseañu' guóor', joba' 'naaiñ` quiá' tiquiá' niquiá' r̄ e laco' niliseeiñ` colíng` coo` dseam̄ quiá' r̄, jo lajoba' lafa' jaam` bre ni` uíñ` lajee` lajì huáaiñ` do.” ⁶ Jo lajob f̄i' i' 'nú', jo` tí' guir gáíñ`, co' lafa' jaam` bre nica' uíñ`. Co' Fidiée` b̄ing' caguiá' uing` e cúng' dseá` guóor', joba' jo` cuøøng' fa' e nitiúung` gui dseá` rúíñ' m̄i` cangí' gui e cacúíñ' guóor`.

⁷ Jo cajming' r̄ tu ì dseá` fariseo do Jesús:

—Jo` ¿jali' caquiá' Moi` ta` e cuøøm` tiúung` dseá` rúíñ' song caráang` coo` mají' li` fé' lajo, jo lajoba' dseáng' e cuøøng` e tiúung` ì dseañu' do dseam̄ quiá' r̄?

⁸ Jo cañí' tu Jesús quiáiñ` do:

—Jo ì Moi` do cacuør' fí' e catiúung' na' dseam̄ qui' na' dsu' uí' e 'nú' dseáng' e eám' ue' ó' na'. Co' jí' latí' m̄i` uing` ja` lajo cali' iing` Fidiée` e nilí. ⁹ Jo jnea` gui f̄i' i' 'nú' e doñí' ì` ì tiúung` dseam̄ quiá' e jí' ja` ca' léé' ì dseam̄ quiá' r̄ do e güiñ` coo` dseañu' jíéng', jogui e nicúng' tur

guóor` cóo`~ jaang`gui dseam` jiéng`, joba' dseeb` éer` jóng fí quini` Fidié`.

¹⁰ Jogui i dsea` quiá'- Jesús do casí'r- dsea` do lala:

—Song lajob lí' quiá'- jaléng` dseañu` cóo`~gui dseam` quiá'r-, joba' guiá`-gui líng` jnea` e ja` nicúin` guóor`.

¹¹ Joba' cañi`tu Jesús quiáin`- do:

—Ja` lajing` dsea` catíin` e ngáin` jalé` e júu` na, có' lajii`~ dsea` i nicang`ng` quiá'- Fidié`, jii`~ íbing' i ngáng` e jo. ¹² Jo jmiguiub` uing`~ sea` e jmóo` huíng` quiá'- jaléng` dseañu` e ja` cuøng` e nicúin` guóor`: có' seem` dseañu` e latí` mí` ngáam`~bre ja` sí'íin`^ fa' e nicúin` guóor`, jogui seem`bi cajo e dseañu` rúm`bre nicajm`l'éng` ír`, jogui seem`bi i ja` cuø' fí` yaang`~ fa' e nicúin` guóor` dsu' uí'~ e Fidié` quié' nifí` quiá'r-. Jo jaléng` dsea` i quiá'~ jmí`~ nijmé`~ lajo, joba' güijmé`~bre lajo.

*Mí` cajmigüeang`^ Jesús jaléng` jiuung`
(Mr. 10:13-16; Lc. 18:15-17)*

¹³ Jo mí` cang` jo, caguilíng`~ jaléng` dsea` e jéiin` jiuung`~ quiá'r- fí` lí` sing` Jesús e laco' niquidsí` dsea` do guóor` fí` yá`^ mogui`~ lajaang` lajaang` i jiuung`~ do jogui e niféin` Fidié` uii`~ quiáin`- do, jo lajoba' niligüeaiñ`^ do. Jo dsu' i dsea` quiá'- Jesús do cajníim`bre quiá'- jaléng` sejmii` i jiuung`~ do jogui cajíim`brein` do cajo. ¹⁴ Joba' cajíng`- Jesús casí'r- i dsea` quiá'r- do:

—Cuø`~na' fí` jaléng` i jiuung`~ na güijalíin` fí` la jo ja` jni`na' quiá'r-, có' jaléng` dsea` i líng` laco' i jiuung`~ la, íbing' catíng` e Fidié` quié' nifí` quiá'r-.

15 Jø caquidsib' Jesús guóor' fí' yá'^ mogui~ la-
jaang' lajaang' ì jiuung~ do, jø ng' jø, cagüi'ñ'bre fí'
jø.

*Mi~ casing~ Jesús cóo'~ jaang' siming' ì sea` cuu`
(Mr. 10:17-31; Lc. 18:18-30)*

16 Jø mi~ cang' jø, caguié~ jaang' siming' fí' lí~
sing' Jesús jø cajming' r' dsea` do:

—Tifa' ì guiá' dsí', ¿e~ e guiá' 'né~ jmee~ jnea~
e laco' nilí' i e niliseen~ cøøng' cóo'~ Fidié~ car`
ngong' ñ' jmí~?

17 Jøba' cañí' Jesús quiá' ì siming' do:

—¿Jialí' jnea~ jming'ñ' cuaiñ~ quiá' jalé' e
guiá'? Co' jaam' ì guiúng~ seeng' jø jjí'~ Fidié~ bing'
líng' lajō. Jø dsu' song 'nə'gui iin' e niliseen'
cøøng' cóo'~ Fidié~ car` ngong'ñ' jmí~, jøba' 'né~
nijmití' ba' lajalé' júu^ quiá' ta~ quiá' Fidié~ jóng.

18 Jøba' cañí' ì siming' do quiá' Jesús:

—¿E~ gui e júu^ 'né~ lití~ do jóng?

Jø cañí' tu Jesús quiá'ñ' do jø casí' r' lala:

—Lalab lí' jalé' e júu^ 'né~ lití~ do: Ja` jngán'
jí'~ jaang' dsea` rún'; jogui ja' lee' e nigüín' cóo'~
dseañ' dseam' ì o' quí'~; jogui ja' jmoo' ñ'; o'gui
cuø' dsea` dsee~ e ja` uing~ sea'; 19 jogui jmi'goo`
tiquí' cóo'~ gui niquí'~; jogui jmi'neáan' jaléng'
dsea` rún' lí' laco'gui jmi'neáan' uø'.

20 Jøba' cañí' tu ì siming' do quiá' Jesús jø casí' r'
dsea` do:

—Lajíb' e júu^ e fó'na' nicajmití~; jøba' ¿e~ jí' e
'né~ nijmití' guí'?

21 Jøba' cañí' tu Jesús quiá'ñ' do jø cají'ñ'~:

—Song 'nə' iin' e nilíguiún' laco' sí' í' fí' quini`
Fidié~, jøba' guøng' fí' quí'~ jø güi'ñ'ñ' lajalé' e

sea` quíi'⁻, jo jaléⁿ e cuu⁻ e nilíⁿ quía'⁻ e jo jmee⁻
 guíeéⁿ jeeⁿ jaléngⁿ dsea` tiñíng⁻, jo lajoguiba' nilíⁿ
 e nilísea` juguíá⁻ quíi'⁻ fí ñíff⁻ fí líⁿ guíngⁿ Fidiééⁿ.
 Jo miⁿ ningíⁿ jo, nea` cóoⁿ jnea` jóng.

22 Jo dsu' miⁿ canúu⁻ i simingⁿ do jaléⁿ júuⁿ e
 cajíngⁿ Jesús, joba' fí'íbbⁿ cangáiñⁿ, co' eáam' sea`
 cuu⁻ quía'r⁻.

23 Joba' casíⁿ Jesús i dsea` quía'r⁻ do jo cajíñⁿ
 lala:

—E já'⁻ e fíi' i 'núⁿ e huím' líí' quía'⁻ jaang` dsea`
 sea` cuu⁻ e nijángⁿ 'ñia'r' fí quiniⁿ Fidiééⁿ e laco'
 dsea` do nicá' níff' quía'r⁻. 24 Joguí fíi' túu' 'núⁿ caléⁿ
 catú⁻ e ja'gui huíng' quía'⁻ jaang` jó'ⁿ camello e
 ningíng⁻ne' fí dsíi' too` jminiⁿ mocuu⁻ e laco'gui
 jaang` dsea` sea` cuu⁻ nijángⁿ 'ñia'r' fí quiniⁿ Fidiééⁿ
 e laco' dsea` do nicá' níff' quía'r⁻.

25 Jo miⁿ tí líⁿ canúu⁻ i dsea` quía'⁻ Jesús do lajo,
 joba' eáang'guib cangogá' dsíir' jóng, jo canaiñⁿ
 jmingí' rúíñⁿ:

—Jo song lajob líí', joba' ¿iⁿ nilíⁿ nijmé⁻ e nileáiñⁿ
 jeeⁿ jaléⁿ dsee⁻ quía'r⁻?

26 Jo lico' cajóom⁻ Jesús i dsea` quía'r⁻ do, jo
 cañírⁿ quíaíñⁿ do lala jo cajíñⁿ:

—Jíi'ⁿ jaang` dsea` jmígüi' quíi'rⁿ jmiⁿ nileáng⁻
 'ñia'r' jeeⁿ jaléⁿ dsee⁻ quía'r⁻, co' jíi'ⁿ Fidiééⁿ bing'
 quíi'ⁿ jmiⁿ jmé⁻ lajo.

27 Joba' cañíi' Túⁿ Simón quía'⁻ Jesús jo casí'r⁻
 dsea` do lala:

—Fíi'ii', jnea'ⁿ nicatúⁿbaa' lajaléⁿ e sea` quí⁻naa'
 jo cóoⁿ 'nub` ningí'naa' lana. Joba' ¿eⁿ jíi'ⁿ e
 catí⁻naa' ni'íng'naa'?

28 Joba' lalab cañíi' Jesús e casí'r⁻ i dsea` quía'r⁻
 do jo cajíñⁿ:

—E laba' jm̄taa^ óo'na' e mi~ nití- í' e nili'm̄i-tu latøng- j̄migüí, job mi~ nimáang~na' jnea~, dsea` i cajá- fí' ñifi- e lín'n jaang` dsea` j̄migüí, e niní'i e niquiá'^u ta~ fí' ée^ lí~ niing- jlo^ quié-e e sea` fí' ñifi-. Jo ie~ jo jaléng' 'nú', dsea` líng'na' dsea` quié-e, niliseab` cajo guitú' ée^ quií-na' fí' jo lí~ niní'na' colíng~ cóo'~ jnea~ e laco' niquidsi'na' í' quiá'- lajì' guitú' 'lé' dsea` góo'naa' dsea` Israel. ²⁹ Jogui jaléng' dsea` i nilíng' dsea` quié-e, jo uí'~ e jo nicatúr' jalé' 'nur~, osi nica'naaiñ` quiá'- jaléng' rúíñ' é, osi nica'naaiñ` quiá'- tiquiá'^ niquiá'r^ é, osi quiá'- joo'bir é, osi nicatúr' uó- quiá'r- é, joba' jaléng' í'bing' i niíing` cien ya' e j̄miguiá'gui e laco' e catúr' do jogui niíim`bir cajo e niliseeiñ` cøng` cóo' Fidiéé' car` ngongh̄i j̄m̄i. ³⁰ Jo i líng~ dsea` i líng- e niíñ- eáang' fí' j̄migüí la, dsu' í'bing' j̄i' capí'^ ja' ee' niíñ- mi~ nití- e í' jo; jo dsu' i líng~ dsea` i líng- e ja' ee' niíñ- j̄i' capí'^ fí' j̄migüí la, joba' í'bing' i eáang'gui niliniing- mi~ nití- e í' jo.

20

Coo' júu^ já'- e lafa' júu^ cuento quiá'- dsea` jmóo' ta~ quiá'- m̄i'^ huñg' jó'^

¹ Jo café'gui Jesús coo'gui júu^ já'- e lafa' júu^ cuento jo cajiñ'- lala:

—Jo mi~ Fidiéé' quier' nifi' quiá'- dsea`, lí' laco' mi~ jaang` dsea` fi~ coo' uó- lí' sijnea' m̄i'^ huñg' jó'^, jo i dsea` í' cagüi'fir' coo' ya' e la'ee' e cango'néeiñ` dsea` 'léeng'~ i nijmé- ta~ quiá'- e m̄i'^ huñg' jó'^ do. ² Jo casí'-reiñ' do e niquí-bre e 'léeiñ'~ do quiá'- coo' j̄m̄i ta~. Jo mi~ cangî jo, casím`breiñ' do fí' jee~ ta~. ³ Jo i fi~ do calé' catú-

cagüi'ñir' fí jee' 'núú' mi~ catí la ii- ñú- e la'ee' jò cangáin- jíeng'gui dsea` i neáng' jøng- e ja` ta` jmóor`. 4 Jò lalab casí'r- í: “Song ja` ta` sea` jmée' 'nú', güiling-na' güijmee-na' ta` quía'- mí' huing` jø'^ quíe-e, jò niquí'baa quí'na' lacò' sí'í.” Jò cangolíim` i dsea` do cangojmée' ta`.

5 Jò mi~ catí guieñí'-, cagüi'ñib'tu i dsea` fii~ do fí jee' 'núú' e ngojmée'guir quijí- dsea` i nijmé- ta` quía'r-, jò caléb' catú- cagüi'ñir' mi~ catí la ii- 'ní' e ca'lóo- cajo. 6 Jò coob' mi~ catí la ii- 'ñiá' e ca'lóo-, jò caléb' catú- cagüi'ñir' jò cangór- fí 'móo'~, jò fí job cangár- e neáng' jíeng'gui dsea` i ja` ta` sea` jmé-, joba' cajmingí'r- dsea` do: “¿Jialí' ngüing~ 'nú' jmí~ quí'na' fí la e ja` ta` jmoo'na'?” 7 Joba' cañí' i dsea` do quía'- i fii~ do: “Cò' jíí' jaang` dsea` ja` mí' cali'neáin- jnea'^ ta`.” Joba' cajíng'- i fii~ do casí'-reiñ': “Güiling- 'nú' güijmee-na' ta` cajo fí lí' sea` mí' huing` jø'^ quíe-e.”

8 Jò mi~ tí lí' canuu, i fii~ do caquiur' ta` i dsea` née' ni~ dsea` 'léeng'~ do e nitøør` jaléng' i dsea` jmóo' ta` do jò casí'-reiñ' do lala: “Tee- lajaang` lajaang` i dsea` 'léeng'~ na jò quí' quía'r-, dsu' la'uii~ ningíng- i dsea` i cangotáang'~ jee~ ta` la ii- 'ñiá' e ca'lóo- do jò lajob cartí i cangotáang'~ la'ee' do.” 9 Jò lajob cajmée' i dsea` do; jò la'uii~ cangíng' i dsea` i cangotáang'~ la ii- 'ñiá' e ca'lóo-, jò lajaang` lajaam` i dsea` í ca'íñ' e 'léeiñ'~ quía'- latøøng- jmí~. 10 Jò mi~ cató' quía'- í, joguiba' cangíng' i dsea` i cangotáang'~ la'ee'gui do, jò i dsea` í ca'í dsír' e jmigui'gui nilí'r' e 'léeiñ'~. Jò dsu' o' lajo, cò' røøb' ca'íñ' còq' i nifí'gui do cajo. 11 Jò mi~ tí lí' cangí' e ca'íñ' do e 'léeiñ'~, joba' canaain`

fé'r` ga` uii~ quiá'- i dsea` fií~ do ¹² jo casí'-reiñ' do lala: “I dsea` 'léeng'~ quíi'- i caguilíng- cøøng`gui na, jii~ coo` oor~ba' cajméer` ta~; jogui røøb` caquí'^ quiá'- dsea` do laco'gui jnea'^, dsea` cataang~naa' lajee` latøøng- jmi~ e guíi- iee.” ¹³ Jo dsu' i fií~ do cañíir` quiá'- jaang` lajee` i dsea` 'léeng'~ do jo casí'-reiñ': “Ruu'^, ofa' jnea~ jmóo`o jløn'^n cóo'~ 'nø. ¿Su ofa' casí~naa' røø` jial tí' 'léeng'~ dsea` lacoø` jmi~? ¹⁴ Joba' fñi- i 'nø` lana, nab róo` e 'léen'~ jo nicuøøm` guón'^. Jo song jnea~gui iin~n quíi` quiá'- i dsea` 'léeng'~ i ca'í- cajméé` ta~ cøøng`gui do røø` laco' jii~ e nicaquíi` quíi'-, ¹⁵ joba' cuøøm` lí jmee~ e lajo, co' cuu- quié`baa e cacuøø-øre do, o' cuu- quiá'- dsea` jiéng'. ¿Ofa' dsihu#m`ba' é dsu' uíi~ e cajmé- e e guíi- cóo'~ i dsea` í?”

¹⁶ Jo cajíng'~ gui Jesús lala:

—Jo i líng~ dsea` i líng- e niiñ- eáang' fí jmiçüí la, dsu' í'bing' e jii~ capí'^ ja` ee` niing- mi~ nití- e í' jo. Jo dsu' i líng~ dsea` i líng- e ja` ee` niiñ- jii~ capí'^ fí jmiçüí la, joba' í'bing' i eáang`gui niliniing- mi~ nití- e í' jo.

Mi~ cajméé` Jesús júu^ e catí` 'ni' ya' e tí` lí~ ni-jngám'- dsea` ír`

(Mr. 10:32-34; Lc. 18:31-34)

¹⁷ Jo coo` jmi~ , lajee` e ni'iuung- Jesús fí ngaiñ' fí Jerusalén, jo cató'r- i dsea` guitúung` quiá'r- do coo` lico' yaaiñ~ jo casí'-reiñ' do:

¹⁸ —Jo lí'^ laco' jii~ e móo- 'nú' jmi~ na, lana ningóo'naa' fí Jerusalén, jo fí job lí~ nisáng' dsea` jnea~, dsea` i cajá- fí ñifi- e lín'n jaang` dsea` jmiçüí. Jo nijaiñ' jnea~ fí jaguó` jaléng' fií~ jmidsea` quiá'- dsea` góo'naa' dsea` Israel cóo'~ gui

jaléng^l tifa^l i e' júu[^] quiu^l ta[~] qui⁻naa' cajo. Jo jaléng^l i dsea^l íb^l i nicuø^l júu[^] quiá⁻ e nijúung⁻ jnea[~]. ¹⁹ Jogui nijáin^l jnea[~] fí jaguó^l jaléng^l dsea^l i ja^l cuíng^l Fidié[~], jo jaléng^l íb^l i niløø⁻ quié⁻e, jogui nijmihuúin^l jnea[~] cajo jo jiguí cartí niteáin⁻ jnea[~] fí dse^l crúu[^], jo fí job^l nijúun⁻n; dsu^l mi[~] nití⁻ 'ní jmí[~] lajo, nijíb^l túu^l calé^l catú⁻.

Lajíi[~] e camí niquiá^l Tiáa[~] cóo^l gui Juan e camí'r Jesús

(Mr. 10:35-45)

²⁰ Jo mi[~] cangí jo, i dseamí quiá⁻ jaang^l dseañu^l i sii^l Zebedeo cajaquíeein^l fí lí^l sing^l Jesús, colíing⁻ cóo^l gáng⁻ jóor^l, jaang^l i sii^l Tiáa[~] jogui jaang^l i sii^l Juan, jo laj^l huáain^l do quiín^l jee[~] dsea^l guitúung^l quiá⁻ Jesús, jo casí^lr^l uø⁻ jnir[~] fí quiniñ^l, co^l iin[~] líng[~] ee^l nimí^l-bre dsea^l do. ²¹ Joba^l cajmingí^l Jesús i dseamí do jo casí^l-rein^l:

—¿E[~] iin^l?

Joba^l cañí^l i dseamí do quiá⁻ Jesús jo casí^lr^l dsea^l do:

—Jíee^l o^l e nicuø^l fí e laj^l gáng⁻ i jóo^l la nigüear^l cóo^l 'nu^l fí lí^l quiu^l ta[~] mi[~] niguiing^l tu^l fí jo, jo jaain^l la nigüear^l lí^l lí^l dsée^l jogui jaang^l guir lí^l lí^l tuung[~].

²² Joba^l cañí^l Jesús quiáin^l do lala:

—'Nú^l jíi^l ja^l ní^lna' laj^l e mi^lna' na. ¿Su líng⁻na' e nité^lna' laj^l iihu^l e nijaquíéng^l quié⁻ jnea[~]?

Joba^l cañí^l i jóo^l i dseamí do jo cajíin^l:

—Nité^l lí^lbaa^l.

²³ Jo cañí^l tu^l Jesús quiá⁻ i dsea^l do:

—E^l jáb^l e 'nú^l nimó[^]ba' iihu^l cajo lí^l laco^lgui nimoo[~] jnea[~]; jo dsu^l e nigüea^l dsea^l lí^l lí^l dsée^l osi

lí' lí' tuung~ é laco' guiin~n, ja` jnea~ catáin~n e jo fa' e nicuøø, co' lajii~ dsea` i nicaguíng` Tiquié'e, jii~ í'bing' i catáing~ e jo.

²⁴ Jo mi~ tí' lí' canúu~ i dsea` quiá'- Jesús i guíng~gui do lajii~ e júu^ jo, joba' caliguíim~bre quiá'- i gáng~ do. ²⁵ Jo dsu' Jesús cató'r~ jaléng' i dsea` guitúung` do quiá'r~ jo casí'r~ lala:

—Niñíb^ 'nú' guiú~ e jee~ jaléng' dsea` i ja` cuíng` Fidiéé~ seeng` jaléng' dseata~ i quiu' ta~ quiá'- jaléng' dsea', jo jaléng' i dsea` i quiu' ta~ do eám' sili'r' cóo~ e ta~ líiñ' do. Jo lajob lí' cajo cóo~ jaléng' dseata~ dsea` féng' i quie' nifí' quiá'- jaléng' dsea', co' laguidseam^ quiu'r' ta~ quiáñ' do. ²⁶ Jo dsu' ja` cuøøng` e nidsijéé' lajo jee~ 'nú', co' ii~ i iing~ i nicá' nifí' jee~ 'nú', í'bing' i 'né~ nijmé~ ta~ jmicoo~ quiá'- i caguiaang~gui. ²⁷ Jogui ii~ i iing~ i nijmé~ e niing~guir jee~ 'nú', í'bing' i 'né~ jmé~ jalé' ta~ huí' jee~ jaléng' i caguiaang~gui e ja` jmiféng' 'ñia'r'. ²⁸ Jo lajob 'né~ jmér~, co' lajob ta~ cagá~ jnea~ cajo, jnea~ dsea` cagá~ a fí' ñifí~ e lín'n jaang` dsea` jmigüí. Co' jnea~ ja` cagá~ a fa' e jmóo` dsea` ta~ fí' quini~, co' jnea~ cagá~ a e laco' nijmicoo~ o jaléng' dsea` jmigüí jogui e nijáng' 'ñiá'^ a e nijúun~n e laco' nileáng` fíing` dsea` jmigüí jee~ jalé' dsee~ quiá'r~.

*Mi~ cajmi'leáng~ Jesús gáng~ dsea` tiuung~
(Mr. 10:46-52; Lc. 18:35-43)*

²⁹ Jo mi~ cangí jo, mi~ tí' lí' ca'uøøng` Jesús cóo~ jaléng' dsea` quiá'r~ fí' Jericó, eám' cango'leáng' dsea` laco' ngóor'. ³⁰ Jo lajee~ laco' teáiñ~ fí' lado, coob` mi~ cangíñ' lí' neáang` gáng~ dsea` tiuung~ i neáang` 'ni' fí'. Jo mi~ tí' lí' calilí'^ i dsea` tiuung~ do e cangíng` Jesús fí' jo, joba' ca'áiñ' dsea` do lala:

—¡Fí'ii!, siju` dseata` Daví'^, fíi` güilín` jnea`^!

³¹ Jo dsu' jaléng` i dsea` i ngolíng` cóo`~ Jesús do ca'gaam`bre quiáañ` do e laco' jo` áng'guiñ` do dsea` do. Jo dsu' lí'^ lí' teá'gui canaang` óo` i dsea` tiuung` do e áañ` dsea` do jo fé'tur lala:

—¡Fí'ii!, siju` dseata` Daví'^, fíi` güilín` jnea`^!

³² Joba' cajeab` Jesús laco' fí' iuuiñ` do jo cató'r` i dsea` tiuung` do jo cajmingí'` reiñ` do:

—¿E` iing`na' e nijmee`e qui`na'?

³³ Joba' cañí' i dsea` tiuung` do quiá`- Jesús lala:

—Fí'ii!, ii`naa' e nijmée'^ e nilijnéb`'túu'.

³⁴ Joba' calí` fíi` lám` Jesús i dsea` tiuung` do jo lico' cagüi'r` jmini`biñ` do lajaang` lajaañ`. Jo dsifí' lajob ca'láang` i dsea` tiuung` do, jo calijné`bre. Jo mi` cangí` jo, cangolíim`bre cóo`~ Jesús.

21

Mí` ca'tí` Jesús fí' jee` fíi` Jerusalén

(Mr. 11:1-11; Lc. 19:28-40; Jn. 12 :12-19)

¹ Jo lajee` nú`-gui e niguieng` Jesús fí' Jerusalén colíng` cóo`~ jaléng` dsea` i ngí cóo'r` do, jo caguiñ` fí' cóo` fíi` e sii` Betfagé e née' quiá`- cóo` mó` e sii` Olivos. Jo tí' job caguiéng` Jesús gáng` lajee` i dsea` quiá'r` do e jéeng`guiñ`² jo casí`-reiñ` do lala:

—Güilíng`na' e fí' fíi`jiu e née' quini` na, jo fí' job niguiéng`na' jaang` bú'^ iee` i 'ñúung`~ colíng` cóo`~ jaang` yuu` quiáa`-re'. Jo síng`na're' jogui tee`na're' fí' la. ³Jo song`ii` casí`- 'nú`'jali'` jmoo`na' lana, joba' nifí`-na'r lala: “Lana 'neáng` fí'ii' i bú' la. Dsu' mi` ningí` jo nijajeaam`túure'.”

4 Jo cangojée' e na e laco' caliti~ jii~ laco' júu^ e cajíng' jaang` dsea` i café' cuaiñ~ quiá'- Fidiée' mali~ gui eáang' mi~ cajme'r' lala:

5 Síi~na' jaléng` dsea` i seeng` fí' Sión:

“Lab nijáa` i dseata~ dsea` féng' i quie' nifi' qui-ii',
jo jaang` dsea` i ja` jmiféng' 'ñiab' lhiñ',
jogui guiiñ~ fí' mocóo~ jaang` bú'^ jiuung~.”

6 Jo mi~ cangî jo, cangolíim^ i dsea` gáng- quiá'- Jesús do jo cajmiti~bre laco' jii~ ta~ caquiú' dsea` do quiá'r-. 7 Jo cató~bre i bú'^ iee` do colíing~ cóo~ yuu` quiáa-re' do fí' lí~ sing' Jesús, jo canaañ` sífr` sí'r^ fí' mocóo~ i bú'^ jiuung~ do jo mifíing` caguáb` Jesús fí' mocóo~ i jó' do. 8 Jo fíim' dsea` ni'r' jalé' sí'r^ lacuee` guiá'^ fí' lí~ cangíng` Jesús; jo i líing~ gui dsea` tã'r' guo' 'ma` e tiì` jo guiar` fí' guiá'^ fí' lí~ ningíng- dsea` do cajo. 9 Jo jaléng` i dsea` i ngolíing- nifi' cóo~ gui i jalíng- catí' cøøng` óor` lala:

—i Majmiféng'naa' i Jóo' dseata~ dsea` féng' Daví'^! jJogui juguiá~jiu quiá'- i dsea` i casíng` Fidiée' fí' jmigüi` la cuaiñ~ quiá'r-! jJo majmiféng'naa' Fidiée' dsea` guing~ ñifi'-!

10 Jo mi~ tí' lí~ ca'í- Jesús fí' dsíí' fíi` Jerusalén, lajím` dsea` canaañ` ta'r' má'~ jo jmíngi'^- rúíñ':

—¿I~gui i dsea` na?

11 Jo i líing~ i dsea` do ngíir`:

—Mó'^ Jesús i dsea` i fé' cuaiñ~ quiá'- Fidiéeb` na, i nabi i seeng` fí' Nazaret do fí' lí~ se' Galilea.

Mi~ ca'uøøng` Jesús jaléng` dsea` i jmóo` ta` 'nã' fí' dsíí' guá'-

(Mr. 11:15-19; Lc. 19:45-48; Jn. 2 :13-22)

12 Jo mi~ cangî jo, jo cangó- Jesús fí' dsíí' guá'- fé' quiá'- dsea` góor` dsea` Israel e sí' fí' Jerusalén do.

Jō mi~ cangár- e lafa' 'móob' lí e fí jō, cō' teáng' dsea' ta~ 'nñ' joguì ta~ láa', jōba' cajmiquím'- dsí' Jesús mi~ cangár- lajō, jō canaain' jíim`bre jalé' mes~ quiá'- i dsea' i jmóo` ta~ jmísing- cuu- joguì jalé' 'masii~ quiá'- i dsea' i jmóo` ta~ 'nñng` jaléng' mee~. ¹³ Jō cajíñ'- casí'r- jaléng' i dsea` do lala:

—Lalab fé' Fidié~ fí ni~ jì quiá'r-: “E 'nñu- la nilisii' 'nñu' lí nisíng- dsea` cōo` jnea~”; jō dsu' 'nú' nicajmi'uíng^na' cōo` 'nñu' lí teáng'~ jaléng' ñ.

¹⁴ Jō lajee` táang` Jesús e fí dsí' guá'- do, jōb caguilíng- jaléng' dsea` tiuung- cōo`~guì jaléng' dsea` jlúung~, jō cajmi'leáang- Jesús jaléng' i dsea` î. ¹⁵ Jō mi~ tí lí cangá- jaléng' fii~ jmidsea` quiá'- dsea` Israel cōo`~guì jaléng' tifa' quiá'- júu^ quiu' ta~ quiá'r- lajii~ e quí~ Jesús jmí~ jmóor` e dsigá` dsí' dsea` joguì canúu- guir e óo` jaléng' jiuung~ e fí guá'- do lala: “iGüijmiféng' jaléng' dsea` jmigüi i Jóo` dseata~ dsea` féng' Daví'!” jōba' jaléng' i dsea` î eáam' caligüiñ- ¹⁶ jō casí'r- Jesús:

—iNuu' lajii~ e fé' jaléng' i jiuung~ na!

Jōba' cañí' Jesús quiáñ'- do:

—Núu'baa, joguì ¿su ja` mí ca'í' 'nú' lajii~ e tōo` fí ni~ jì quiá'- Fidié~ lí fé' lala?:

'Nu, Fidié~, nicajmee'-

e cōo` jalé' e ø' jaléng' jiuung~ cōo`~guì jaléng' yuu` nijmiféñ' 'nu.

¹⁷ Jō mi~ calí- casí'- Jesús i dsea` do lala, jō cagüi'í`bre fí fii' Jerusalén jō cangó-tur fí cōo` fii' lí sii` Betania, jō fí jōb cangongüiñ~ e uóo` jō.

Mi~ caliquiá' cōo`'ma` güiñí'
(Mr. 11:12-14, 20-26)

18 Jo mi~ cangî jo, cōo` e la'ee` lajee` e ni'iuung` Jesús fí e ningáin` fí Jerusalén, cadseá` jmi'aaín`.
 19 Jo cōo` cangá`bre e gui~ cōo` 'ma` güiñí`^ ca' fí lana, jo cangoquiéeiñ' fí li~ gui` do, dsu' cadsé'r` e jíi~ cōo` güiñí`^ ja` íi~, dseáng`- yaang` má` quiáb`- dsi~. Joba' lalab casí'r` e 'ma` güiñí`^ do:

—jo` nicuó`^gui' jíi~ cōo` güiñí`^ latí` lana!

Jo ladsifí lanab caliquiú` e 'ma` güiñí`^ do. 20 Jo mi~ tí` li~ cangá` i dsea` quiá'r` do e calí` lado, joba' eáam` cango'gá` dsíir` jo cajmingí'r` dsea` do lala:

—Fíi`naa', ¿e~ uuing` quiá`- e caliquiú` ladsifí lana e 'ma` güiñí`^ na?

21 Joba' cañí` Jesús quiáin`- do:

—E já`- e fíi`-i 'nú` e song dseáng`- já`- líng`na' e quíi`~baa jmi~ jmee` lí`- doñí` ee` jo ja` jmitúng`- áa`na', jo o' jíi~ e na niquíi`~na' jmi~ nijmee`-na' jóng lí`^ laco'gui jíi~ e cajmé`- jnea` cóo`~ e 'ma` güiñí`^ na. Co' song dseáng`- já`- líng`na' e quíi`~baa jmi~ jmee` lí`- doñí` ee`, joba' cuóom` lí` quiú`^na' ta~ e mó` si' la e nijéng`- 'ñia' li~ si' jo nidsisíng` 'ñia' fí 'ni` jmiñí`^, joba' lajob nilí jóng. 22 Joba' fíi`-i 'nú` lajing`na' na e mi~ fóng`na' Fidiéé`, mii`ba're car` ngocáng` óo`na' jogui já`- líng`na' e quíi`b`~ dsea` do jmi~ nijmér` lí`^ doñí` ee`, joba' nicuó`-bre 'nú` jóng lajii~ e mi`na' do.

I` quiú` ta~ Jesús e jmóor` jalé` e jmóor`

(Mr. 11:27-33; Lc. 20:1-8)

23 Jo mi~ cangî e cajíng`- Jesús lajo, jo ca'í`-bre fí dsíi` sinúú`^ guá'` fé` e er' júu` quiá`- Fidiéé`. Jo lajee` iuuiñ` fí job, mi~ cangoquiéeng` jaléng` fíi` jmidsea` quiá`- dsea` góor` dsea` Israel fí li~ siñ`

colüñg~ cóo!~ jaléng` dsea` cóøng` quiá'r~ cajo, jo cajmingí'r~ dsea` do lala:

—¿I~ i quiu' ta~ quíi'~ e jmoo` jalé` e na? Jo ¿i~ i cacuø'` 'nu` fí' e cuøøng` jmee'~ jalé` e na?

24-25 Joba' cañíi` Jesús quiáañ'~ do jo casí'~ reiñ':

—Jnea~ cajo seab` coo` e nijmingíi'`i`'nú'. ¿I~ casíi` quiá'~ Juan e niseáañ` dsea` jmíi'? ¿Su Fidiéé` ofa' dsea` jmigüib` é? Jo song nijméé'~na' jnea~ júu^ i casíi` quiá'r~, joba' nijméé'~ jnea~ 'nú' júu^ i~ quiu' jnea~ ta~ e jmóo`o lajalé` e la.

Jo i dsea` do canaaiñ` sáiñ` lajee` la'ó` yaaiñ` jo sí'` rúíiñ` lala:

—Song nisíi'~naa'r e Fidiéeb` dsea` casíi` quiá'~ i Juan do, joba' nijíiñ'~ nisí'r` jneaa~aa': “¿Jialí' ja` já'~ calíng`na' i dsea` í` jóng?” 26 Jo ja` cuøøng` nisíi'~naa'r e dsea` jmigüib` casíi` quiá'~ i Juan do, co' fíng song casíi'~naa'r lajo, dseáam'~ fíng ee` cajmeáng` dsea` jneaa~aa'; co' lajím` dsea` ñír` e i Juan do café'r` cuaiñ` quiá'~ Fidiéé`.

27 Joba' cañíir` quiá'~ Jesús lala:

—Ja` ne~naa' jíi'~ coo`.

Jogui Jesús casí'~tur i dsea` do jo cajíiñ'~:

—O'gui jnea~ cuøøng` jméé'~e` 'nú' júu^ cajo i~ i quiu' jnea~ ta~ e jmóo`o jalé` e la.

Coo` júu^ já'~ e lafa' júu^ cuento quiá'~ gáng` jóo` dsea`

28 Jo cajmingí'~gui Jesús jaléng` i dsea` do lala:

—¿E~ í` óo'` 'nú' cuaiñ` quiá'~ e júu^ la? Coo` néé'~ nicaliséng` jaang` dseañu', jo i dseañu'` í` nicaliséng` gáng` jóor'. Jo coo` néé'~ casí'r~ i jóor` la'uii` do: “Jóo`o, fa' jgiéé` o'` güijméé'~ coo` jmíi~ ta~ fí` lí` sijnea` mí'` huñng` jó'^` quí`ii' do.” 29 Joba' cañíi` i

jóor' do: “¡U~, dseáng' fím'-baa nii'i!” Jo dsu' mi~ cangí'guijiu lajo, ca'lb- dsír' cangór-. ³⁰ Jo dsu' ngí' jo i jóor' i catí' tú- gui do casí'- tiquiá'r^ laco' casí'r- i jóor' la'uii~ do; joba' i jóor' í cañí' bre ladsifí' quiá'- tiquiá'r^ jo cajín'- e nidsé- bre. Dsu' mi~ ngoyúung'- jo ja cangór-.

³¹ Joba' cajmingí'- Jesús i dsea` do:

—¿i~ lajee~ laji` gáng- i jóor' do líng- 'nú' i calinúu~ júu^ quiá'- tiquiá'r^?

Joba' cañí' i dsea` do quiá'- Jesús jo cajín'-:

—I jóor' la'uii~ do, í'bing' i calinúu~.

Jo Jesús casí'r- i dsea` do lala:

—E já'- e fíi' i 'nú' e jaléng' i dsea` i jmóo` ta~ mí' cuu- e catíng- dseata~ dsea` féng' i guiing~ fí' Roma jogui jaléng' dseamí' i jmóo` ta~ 'núng` yaang~, jéeng'guir nijáng' yaaiñ~ laco'gui 'nú' fí' jaguó' Fidiéé~ e laco' dsea` do nicár` nifí' quiáíñ'-.

³² Co' mi~ cajá- Juan i caseáng` dsea` jmíi jo ca'e'r' 'nú' jial niliguiúng-na' fí' quini~ Fidiéé~, dsu' ja` já'- calíng- 'nú' jalé' e jo ie~ jo. Jo dsu' jaléng'gui i dsea` i jmóo` ta~ mí' cuu- cóo'gui jaléng' dseamí' i jmóo` ta~ 'núng` yaang~ jáb'- calíñ- ie~ jo. Jo dsu' 'nú'gui, nañí' fa' cañí'-ba' jalé' e jo, dsu' ja` caquí'- jíng'- yaang~na' fí' quini~ Fidiéé~, jogui dseáng'- ja` já'- calíng'-ba' júu^ quiá'- Fidiéé~.

Coo'gui júu^ já'- e lafa' júu^ cuento quiá'- dsea` 'léng' i soo` dsí'

(Mr. 12:1-12; Lc. 20:9-19)

³³ Jo mi~ cangí' jo, cajíng'-gui Jesús e júu^ la:

—Núu-na', la nifí' i 'nú' coo'gui júu^ já'- e lafa' júu^ cuento: Coo` née'~ jaang` dseañu' ni'óor' coo` uó- jo nicajme'r' iá' lacúng' e uó- quiá'r- do, jo

cajnír` mǎ` huǎng` jǒ` fí dsí'. Jǒ cajmilíiñ` coo` lí`
ni`uó`r` jmǎ`, jogui caséer` coo` 'nú` ní' fí` quiá'- jo
e laco' cuóøng` tí' nir` fí' la'úng` e fí' ni` guóo` uó`
quiá'r` do lí` síjnea` mǎ` huǎng` jǒ`.

'Jǒ mi` cangf` guǐjia lajǒ, ca'náaiñ` coo` tú` mǎng`
dsea` i` nijmé` ta` uó` quiá'r`. Jǒ mi` cangf` jǒ,
cagüi'í`bre cangór` fí' lí' huǐ`. ³⁴ Jǒ mi` tí' lí' catí`
í' e caroo` e mǎ` huǎng` jǒ` do, jǒ caguiém` i` dsea`
fii` uó` do coo` tú` mǎng` dsea` 'léeng` quiá'r` i`
cangoquié` lajǐ` e catíiñ` do. ³⁵ Dsa' mi` tí' lí`
caguilíng` i` dsea` 'léeng` do fí' lí` taang` i` dsea`
jmóo` ta` uó` do, dsíng` ga` cacóøiñ` e caquié` i`
dsea` i` jmóo` ta` uó` do; i` líng` cacóøng` cóo` cuu` ,
jǒgui i` líng` guǐ dseáng` cajngam`bre. ³⁶ Jǒ mi`
cangf` jǒ, i` fíng` guǐ dsea` 'léeng` caguiéng` tu` i` fii`
do laco' guǐ i` caguiéiñ` lami` uii` do. Jǒ dsa' lajǒb
cajmée` tu` i` dsea` i` jmóo` ta` uó` do, cajmeám` tur
jaléng` i` dsea` 'léeng` i` caguiéng` i` dsea` fii` uó` do.

³⁷ 'Jǒ mi` cangf` jǒ, jóo' guǐ i` dsea` fii` uó` do
caguiéiñ', co' ca'f` dsíir` e í`guib fíng` nijmi'gó` i`
dsea` jmóo` ta` uó` do. ³⁸ Jǒ mi` tí' lí` cangáng` i`
dsea` jmóo` ta` uó` do i` jóo' i` dsea` fii` uó` do jǒ
canaaiñ` síiñ` lajee` yaaiñ`: "I siming` nabíng` i`
nijmé` guíaa' e uó` la mi` tí' lí` nijúung` tiquiá'r`;
majngáng` naa're lajminá`, jǒ jneaa`aa' nilí' naa'
nijé`ee' cóo` e uó` la." ³⁹ Jǒ rǒøb` casíng` i` dsea`
jmóo` ta` uó` do e nijmér` lajǒ, jǒ cangojéeiñ` i`
siming` do catí' 'ni' guíee' lí` síjnea` e mǎ` huǎng`
jǒ` do jǒ fí' jǒb` cajngam`neiñ` do.

⁴⁰ Jǒ cajíng` guǐ Jesús casí'r` i` dsea` do:

—Jǒba' fíi` i` 'nú' e mi` niguiéé' i` fii` uó` do, ¿e`
líng` 'nú' e nijmeáiñ` i` dsea` jmóo` ta` uó` i` ca'lee`

do?

41 Jōba' cañíi' i dsea` do:

—E nijngám' i fií uó̄ do lajaléng' i dsea` jmóo` tā uó̄ do, jogui dsea` jiém' nitáin' i nijmé` tā e uó̄ do lali` i lí^ dsíir' i nija' lajii' e catáin` quiá' e niró` do quiá'r`.

42 Jōba' cañíi' Jesús quiá' i dsea` do:

—¿Su ja` mi' ca'í 'nú' fi' ni` jì` quiá' Fidié` li` fé' lala?

E cū̄ e ja` calijii' dsea` jmigüi` quiá' tii` fií quiá' 'nur`,

lanagui dseáng' cū̄ laniim` nica'uúing` quiá' 'nú'.

Jō 'ñiab' Fí'naa' dsea` cajméer` e la,

jōba' dseáng' eáam' dsi'gó` dsi'naa' lana.

43 Jō uii' jōba' fií`i 'nú' jmií` na e nigüeáb` lajii' e si'í` niñíing`na' e Fidié` nicár` nifi' quií`na' jō dsea` jiém' niñíing` e jō, cō' í'bing' já' nilíing` jogui nilér` røø` fi' quini` dsea` do. 44 Jōgui doñi' ii` dsea` i nititaang` fi' ni` e cū̄ e julí` na, dseáng' túb'` nilíin`; jogui song ii` dsea` cajlíng` e cū̄ do, dseáng' congua' leeb` nilíin`.

45 Jōba' mi` tí` li` canúu` i fií` jmidsea` quiá' dsea` Israel do cóo`gui jaléng' dsea` i líng` dsea` fariseo lajii' e júu` e cajíng' Jesús do, jōba' calilí'r` e jaléng' í'bre éeng` dsea` do cóo` e júu` quiá'r` do.

46 Jōba' ie` jō lamí` iin` nisám'bre Jesús, dsu' ja` cateá` dsíir' fa' cajméer` lajō, cō' fíim' dsea` teáng` i já' líng` e dsea` do líin` jaang` i fé' cuaiñ` quiá' Fidié`.

22

*Coo` júu^ já^- e lafa' júu^ cuento quiá^- mi~ cung'^
guó` dsea`*

(Lc. 14:15-24)

¹ Jo mi~ cangf̄ jo, jo cóo'^ júu^ lanab canaangtu Jesús sí'r jaléng'^ i dsea` do jo casí'-reiñ':

²—Jo lalab lí' mi~ Fidiée' quier' nifí' quiá^- dsea`. Co' e jo lí' laco' mi~ jaang` dseata~ dsea` féng'^ cajméer` cóo` jmii~ fe'^ quiá^- e nicúng'^ guó` jóo'r'.

³ Jo mi~ tí' lí' ninée' guiá^- e jmii~ do, joba' i dseata~ do casíiñ` jaléng'^ dsea` 'léeng'^ quiá'r^- i cangoté'^ jaléng'^ dsea` simúng' e laco' nidó'r^- coling~. Dsa' i dsea` simúng' do ja` cali'iiñ` fa' cangoliñ^. ⁴ Jo mi~ cangf̄ jo, i jiéng'^gui dsea` 'léeng'^ quiá^- i dseata~ do casíiñ` i cangoté'^ i dsea` nisimúng' do jo casí'-reiñ' do jial júu^ nicáiñ' do jo cajíñ'- lala: “Güijmée' na' júu^ i dsea` nisimúng' do e ninéeb' guiá^- lajaléb' e niquiee~naa', co' nicaquiá'^ ta~ e nicaingam' dsea` güitá^ quié^- e cóo'^gui jaléng'^ jó' caguaiang-gui i jlo'^ úung'~, jo lajib` ninée' guiá^- lana. Síi'gor güijalíiñ~, co' lana nidsitoo'^ jmii~ quiá^- e nicúng'^ guó` jóo'baa.” ⁵ Dsa' dseáng'^ ja` cajmijib^- i dsea` simúng' do lajii'^ júu^ quie' i dsea` 'léeng'^ do. Jo jaaiñ' do cajíñ'-: “Síi'go fii' e ja` lí' nii' i lana, co' nabi 'né^- nii' i ni'ée'e uó^- quié^-e.” Jo jaang'gui do cajíñ'-: “Síi'go fii' e ja` lí' nii' i lana, co' nabi 'né^- nijøø^ lajii'^ e 'ni'baa.” ⁶ Jogui i dsea` simúng' caguaiang-gui do caquiém'bre i dsea` 'léeng'^ quiá^- i dseata~ do cartí' cajngam'breiñ' do. ⁷ Job mi~ caliguíng^- i dseata~ do e eáang' jo caquiur' ta~ 'lée^- quiá'r^- e cangojngáam'biñ' do jaléng'^ dsea` i ca'lee' do jogui

cajibre fii' góoiñ' do cajo. ⁸ Jo mi' cangî jo, i dseata' dsea' féng' do casí'r- i dsea' 'léng' quiá'r- caguaang' gui do jo cajíñ': "Lana niné' guiá- lajú' jmiñi' e niquiee' naa', dsu' i dsea' i lami' si'í simúng' do ja' catíiñ- fa' e nijalíiñ- e niquiee' naa' colíing' cóo'r'. ⁹ Jo lanagui fii' i 'nú' e güilíng-na' lacaang' jee' 'nú' fí jalé' fí e laniing- jo güite' na' lí' doñí i dsea' i nijíng' na' jee' 'nú' do jo sí' na'r e niquiee' naa' colíing' cóo'r~, co' i dsea' i lami' si'í simúng' do ja' cali'íiñ- fa' cajalíiñ-." ¹⁰ Joba' ca'uøøm' i dsea' 'léng' quiá'- i dseata' dsea' féng' do e cajmitir- laco' jú' ta' caquiú' fiir~, jo i fím' i dsea' do cató'r~, do i guiúng- jogui dogui i soo' dsíí; lifa' dseáng'- caróm- dsíí sinúú' quiá'- i dseata' do e catang'- jaléng' i dsea' í.

¹¹ Jo mi' tí lí' ca'í- i dseata' do fí lí' niteáang'- i dsea' fíng' do, job cangáíñ- jaang' dseañu' i niquíng' jee' do i ja' qui' si'í laco' catíng- quiá'- mi' tí jmiñ e cung' guó' dsea'. ¹² Joba' i dseata' do casí'r- i dsea' í: "Ruu'~, ¿jial ca'í o' ca'u' fí la ja'gui si'í qui' quiá'- lí' cung' guó' dsea'?" Jo tiib- cajé' i dsea' i ja' quié' si'í laco' si'í do. ¹³ Joba' i dseata' do casí'r- jaléng' i dsea' 'léng' i guía' guiá- mes' do: "'Ñu' na' guotiñ- i dseañu' na jo güibíng-na'r cartí lí' nuu' só' fí caluu', jo fí job lí' nijmér- ta' qui' jogui ta' tu' maja'." ¹⁴ Dsaco' tó' Fidié' i fím' dsea' e nijáng' yaaiñ- fí jaguór', lifa' jú' tú- 'ní múng'-bing' i guíñ'.

Mi' cajming' dsea' Jesús cuaiñ' quiá'- e catíng- dseata'

(Mr. 12:13-17; Lc. 20:20-26)

15 Jo mi~ cangî e la, caseáng' coo` tú- mîng' dsea` Israel i lîng' dsea` fariseo jo casîng- tur røø` jiallaco' nicuø'r- Jesús dsee- fí quini~ dseata~. 16 Jo casîm`biñ' do fí lî- táang` Jesús coo` tú- mîng' dsea` i la'ó' ír` cóo' gui dsea` quiá'- dseata~ Herodes, jo lalab júu^ quieîñ' do quiá'- Jesús jo casí'r-:

—Tifa', ne~baa' guiú- e jming'- júu^ já'-ba' fó' 'nu` jogui e dseáng'- lajam'^ba' já'- e e' jialco' iing~ Fidiée' e see~naa'. Jogui ne~bí' cajo e ja' 'gó' 'nu` cóo'~ jalé" e í dsí' dsea` osi jalé" e fé" dsea` uii~ quí' é, co' ja' jøø- 'nu` jí'~ jialco' lîng' dsea` lí' caluu~. 17 Jôba' ii~naa' nijmîng'î'î' 'nu` e~ nifo' cuaiñ` quiá'- e júu^ la: ¿Su 'né- niquí'naa' cuu- e catîng- dseata~ i guing~ fí Roma osi ja' 'né- quí'naa' é?

18 Jo dsu' Jesús calilí'^bre lají' e ga' e í dsí' i dsea` do, jôba' cajîñ'- casí'-reiñ':

—i jmicaang~ i la 'nú'! ¿Jialí' 'nó'na' e iing~na' niguié'na' jial e ni'nîng~na' jnea~ fí quini~ dseata~? 19 Ée'na' jnea~ e cuu- e 'né- niquí' quiá'- i dseata~ do.

Jôba' i dsea` fariseo do cacuø'r' dsea` do coo` cuu- lajo. 20 Jogui Jesús casí'-reiñ' do lala:

—¿I~ i táang' fí ni~ e cuu- la jogui jial siir'?

21 Jôba' cañí' i dsea` fariseo do quiá'- Jesús:

—Dseata~ dsea` guing~ fí Roma táang' fí na.

Jôba' cañí'tu Jesús quíáñ'- do jo casí'-reiñ':

—Cuøø'na' dseata~ i guing~ fí Roma lají' e catîng- í, jogui lajôbi cajo cuøø'na' Fidiée' lají'- e catîng- Fidiée'.

22 Joba' mĩ tí lĩ canúuiñ' do lajo, eáam' cangogá' dsír' e jii' o' ñir' e niñi' guir. Jo cangolím' bre mĩ cang' lajo, jo 'ñiab' Jesús caje' guir.

Mĩ cajming' dsea' jial lí' mĩ nijí'tu dsea' calé' catú'

(Mr. 12:18-27; Lc. 20:27-40)

23 Jo 'ña' iẽ jm̃ jo caguilíng' coo' tú' m'ng' dsea' Israel i líng' dsea' saduceo fí' lí' táang' Jesús. Jo co' jaléng' i dsea' saduceo do ja' já' líñ' e jí'tu 'lí, joba' ca'f' dsír' e cangojming' r' Jesús jo casí'r' dsea' do lala:

24 —Tifa', lalab cajíng'— Moĩ malĩ gui eáang' e song cajúng' jaang' dseañ' e jii' ja' jóor' caliséng', joba' i rúng' dsea' ngáang' coo' i 'lí' dob 'né' nicúñ' guoor' coo' i dseam' quiá' i 'lí' do e laco' niliseeng' jóor' coo' ír'. Joba' lafa' jóob' i dseañ' la'uiĩ do ni'uíng' i jiuung' i niliseeng' do. 25 Jo lalab calí' jeẽ jnea'^; coo' né' caliséng' guiáng' dseañ' i la'ó' rúng'. Jo i dseañ' la'uiĩ do cacúm' guoor', jo ja' huóø' ngó' cajúm' bre, lifa' jii' jaang' jóor' ja' caliséng' coo' dseam' quiá'r'. Joba' i dseañ' rúñ' i catí' tú' do cacúm' bre guoor' coo' i dseam' í, 26 jo dsu' lajob calí'tu, cajúm' biñ' do jo ja' jóor' caliséng' cajo. Jo lajob i rúñ' i catí' 'ní' do cajo, cacúm' bre guoor' coo' i dseam' í, dsu' lajobtu ca'uíng' quiá'r', cajúm' bre e jii' ja' jóor' caliséng'. Jo lajob calíng' lajì guiáng' i dseañ' do, cajúm' bre e jii' ja' jóor' caliséng' coo' i dseam' do. 27 Jo ja' huóø' ngó' jo cajúm' i dseam' do cajo. 28 Joba' jming' jnea' 'nu' lana e mĩ nití' í' e nijí'tu dsea', çí' dseáng' i dseañ' do lajee' lajì guiáñ' nicúng' guor' coo' i dseam' do? Co'

lajalém'bre cacúin' guóor` lajee` seein` fí' jmigüü' la.

²⁹ Joba' cañí' Jesús quiáin' do:

—Sijgiém` áa' 'nú', co' ja` ní'na' jial laco' fé' fí' ni~ jì' quiá' Fidié', jogui dseáng' ja` ní'ba' cajo jial tí' 'gøng' dseá' do. ³⁰ Co' ie~ jo, mi~ nití' í' e nijí'tu jaléng' 'lii~, jaléng' dseañu' cóo'~gui jaléng' dseamí' jo` tóo' jmi~ fa' e nicúng'~gui guór', dsuco' lafa' ángeles quiá' Fidié' i neáang' fí' ñifib~ niliñ' ie~ jo. ³¹ Jogui 'nú' jmingi~na' su jí'tu jaléng' dseá' mi~ ningí' e júuin~, jo ¿su ja` mí' ca'í' 'nú' lí' tóo' lajii'~ júu^ quiá' Fidié' e cajíñ' malii~gui mi~ café'r lala?: ³² “Jneab~ lín'n Fidié' quiá' Abraham cóo'~gui quiá' Isáa' jogui quiá' Jacóo'.” Joba' fí' i 'nú' lana e Fidié' ja` líiñ' Fidié' quiá' jaléng' 'lii~, co' Fidié' quiá' jaléng' dseá' jib' líiñ'.

³³ Jo mi~ tí' lí' canúu~ jaléng' i dseá' do lajii'~ júu^ e cajíng' Jesús, joba' dsíng' cango'gá' dsíir' jo cangolím'bre jóng.

E lab júu^ quiu' ta~ e laniing~gui quiá' Fidié'
(Mr. 12:28-34)

³⁴ Jo mi~ tí' lí' cangí' e casíng' Jesús cóo'~ dseá' saduceo, jo caseám' rúng' dseá' fariseo mi~ tí' lí' caliñir' e cateá' lanab cañí' Jesús lajii'~ júu^ e cajmingí' i dseá' saduceo do. Jo i dseá' í' cangolím'bre fí' lí' táang' Jesús. ³⁵ Jo jaang' lajee' la'ó' í' i líng' tifa' quiá' júu^ quiu' ta~ quiá' dseá' góor' dseá' Israel e lí' laco' iin~ e niténg' Jesús fí' ní' dsee~, joba' cajmingí'r' dseá' do lala:

³⁶ —Tifa', ¿e~ e júu^ quiu' ta~ quiá' Fidié' e niing~gui?

³⁷ Joba' cañí' Jesús quiá' i dseá' do:

—E lab e júu^ e niing-gui do: “Jmi'neáng` Fíi' Fidié` car` ngocáng` o' jogui cóo'~ jalé' bî seeng` jmiguí` quíi'~ jogui cóo'~ jalé' e í o'.” ³⁸ Jo e lab e júu^ e laniing-gui jogui e la'uii~ do cajo jee~ lajalé' júu^ quiu' ta~. ³⁹ Jogui e júu^ quiu' ta~ e cati' tú~ do røøb`jiu lí' cóo'~ e la, jo lalab fé': “Jmi'neáng` jaléng` dsea` rún' lí'^ laco'gui jmi'neán' uø'.” ⁴⁰ Jo cóo'~ e tú~ júu^ quiu' ta~ nab lí' júu^ tii~ fi' quiá'~ lajalé' e caguiee-gui júu^ quiu' ta~ quiá'~ Fidié` jogui lajalé' júu^ e ca'e' i dsea` i café' cuaiñ~ quiá'~ Fidié` malii~gui eáang'.

I~ dsea` siju` líng` Dsea` Jmáang`

(Mr. 12:35-37; Lc. 20:41-44)

⁴¹ Jo lajee` e teám` bi jaléng' i dsea` fariseo fí' do,
⁴² mi~ cajmingí'~ Jesús ír` lala:

—Jo ¿e` í oó' 'nú' cuaiñ~ quiá'~ i dsea` i sijeeng`na' do i nicá` nifí` quíi'~na' do? ¿jial laco' jáa' sijur`?

Joba' cañí' i dsea` do quiá'~ Jesús jo cajíñ'~:

—Dsea` siju` dseata~ dsea` féng' Davíb'^ í.

⁴³ Joba' cañí' Jesús quiáíñ'~ do:

—Jo ¿jial lí' jóng? Co' ie~ lami~ cateáang` dseata~ Daví'^ fí` jmigüi' la, cajíñ'~ la'eáang` cóo'~ Jmiguí` quiá'~ Fidié` e Dsea` Jmáang` líng` Fíir~, co' lalab cajíñ'~ ie~ jo:

⁴⁴ Lalab cajíng'~ Fidié` casí'r~ Fíi':

“Ní lí'^ lí' dsée' laco' guiin`n cartí` nijmee` e e jaléng' dsea` i 'ní' níng` 'na` nisí'r` uø` jnir` fí` quini'^ e laco' nijmi'gór` 'na'.”

⁴⁵ Jo cajíng'~ gui Jesús e júu^ la:

—Jo song 'ñia'bi dseata~ Daví'^ sí'r' Fí'i i dsea` i sijeeng`na' do i nicá` nifí' quí'na' do, joba' zjal cuøong` e î líiñ' dsea` siju` dseata~ Daví'^ jóng?

⁴⁶ Jo jaléng` i dsea` i teáng` do ie~ jo jíi~ camí'^ júu^ ja` cadsé'r` fa' cañír` quiá'- Jesús, jo latí' ie~ job jíi~ jaang` dsea` fa' cateá`gui dsír' ee` nijmingí'r` dsea` do.

23

Mí~ cajíng`- Jesús jalé` e ga` e jmóo` jaléng` dsea` fariseo

(Mr. 12:38-40; Lc. 11:37-54; 20:45-47)

¹ Jo mí~ cangí e jo, casí'- Jesús jaléng` dsea` i teáng` do ie~ jo cóo`gui jaléng` dsea` quiá'r- jo cajíñ'- casí' reiñ':

² —Jaléng` tifa' quiá'- júu^ quiá' ta~ quiá'- dsea` góo`naa' dsea` Israel cóo`gui jaléng` dsea` góo`naa' i líng` dsea` fariseo oor` ta~ e er' e~ guøng` lajíi~ júu^ quiá' ta~ quiá'- Fidiéé. ³ Joba' fí-i 'ná', jmee`ba' núu~na' lajíi~ júu^ quiá'r- jogui jmití'ba' lajíi~ e sí'r' 'ná', jo dsu' jie~ mí jmoo`na' laco`gui la jmóor`, dsuco' i dsea` î ja` jmitir~ lajíi~ e júu^ quiá'r- do.

⁴ Dsuco' i dsea` î lico' tiiñ` jmér- lafa' léé^ dsea` cóo` jalé` e jíñ'- e 'né- nijmiti~ dsea` e jíi~ ja` quiá~ dsea` jmí~ jmitir~, jo dsu' ja` jmico`r~ dsea` jíi~ cóo` camí'^ niguóor` e laco' niróo- e lee` do. ⁵ Jo lajíi~ e jmóor` do lico' iñ~ e jøø- jaléng` dsea` jiem`. Jogui tí dsír' e quier' lí tóo` júu^ quiá'- Fidiéé fí guiaquí'r` osi fí dse` cuéer' é, jo e jo tóo` cóo` júu^ e líng~ guíá- laco' jnéeng- huíi-. Jo lacaang` fí dse` sí'r^ tí dsír' e í'r' lo^ e cuee. ⁶ Jo tí dsír' e guár' fí lí jlo`gui fíng dsilíñ- lacaang` lí tí jmí~ osi lí

niing⁻gui é fíng dsiliñ⁻ fí sináú[^] guá⁻ quiá⁻ dsea⁻ góo⁻naa'. ⁷Jogui iñ[~] e jmi'gó⁻ dsea⁻ ír⁻ mi⁻ jíñ⁻ rúñ⁻ jee⁻ 'nú⁻, jogui tí⁻ dsír⁻ e fa⁻ jalém⁻ dsea⁻ sí⁻ ír⁻ tifa⁻.

⁸Jō dsu⁻ 'nú⁻ ja⁻ catúng⁻na⁻ fa⁻ e nisí⁻ dsea⁻ 'nú⁻ tifa⁻, dsuco⁻ jaam⁻ tifa⁻ i⁻ dseáng⁻ seeng⁻ quí⁻na⁻, jogui lajaléng⁻ 'nú⁻ líng⁻na⁻ laco⁻ rúm⁻ba'. ⁹Jogui 'nú⁻, ja⁻ catúng⁻na⁻ e nifí⁻na⁻ tea⁻ jí⁻ jaang⁻ dsea⁻ fí jmi⁻gú⁻ la, dsuco⁻ jaam⁻ Tiquí⁻na⁻ i⁻ seeng⁻, jō íb⁻ Fidiée⁻ i⁻ guing⁻ fí ñifí⁻; ¹⁰o⁻gui catúng⁻na⁻ fa⁻ e nisí⁻ dsea⁻ 'nú⁻ fii⁻, co⁻ jaam⁻ Fii⁻na⁻ seeng⁻, jō íb⁻ i⁻ dsea⁻ i⁻ sijeeng⁻na⁻ do i⁻ nicá⁻ nifí⁻ quí⁻na⁻. ¹¹Jogui song⁻ i⁻ lajee⁻ la'ó⁻ 'nú⁻ líñ⁻ e niing⁻gui⁻, joba⁻ íbing⁻ i⁻ né⁻ nijmé⁻ ta⁻ jmicóo⁻ jee⁻ jaléng⁻ 'nú⁻. ¹²Co⁻ doñí⁻ i⁻ dsea⁻ i⁻ jmiféng⁻ 'ñia⁻ jee⁻ jaléng⁻ dsea⁻, joba⁻ i⁻ dsea⁻ í eáam⁻ nijgiáaiñ⁻ mi⁻ nití⁻ í⁻ lajo. Jō doñí⁻ i⁻ dsea⁻ i⁻ ja⁻ jmiféng⁻ 'ñia⁻ jee⁻ jaléng⁻ dsea⁻ rúng⁻, joba⁻ íbing⁻ i⁻ eáang⁻gui niliniing⁻ mi⁻ nití⁻ í⁻ lajo.

¹³'jE ngí⁻ fñib⁻ 'nú⁻, jaléng⁻ tifa⁻ quiá⁻ júu⁻ quiu⁻ ta⁻ quiá⁻ dsea⁻ Israel cóo⁻gui jaléng⁻ 'nú⁻, dsea⁻ Israel i⁻ líng⁻ dsea⁻ fariseo, co⁻ jmang⁻ i⁻ jmicaam⁻ 'nú⁻! Co⁻ jni⁻ba⁻ fí⁻ e laco⁻ dsea⁻ jiéng⁻ ja⁻ nijáng⁻ yaaiñ⁻ fí jaguó⁻ Fidiée⁻ e laco⁻ dsea⁻ do nicá⁻ nifí⁻ quiá⁻r⁻. Jogui jí⁻ 'nú⁻ ja⁻ jáang⁻ yaang⁻na⁻ fí jaguó⁻ Fidiée⁻ o⁻gui cuø⁻na⁻ fí jaléng⁻ dsea⁻ i⁻ iing⁻ nijmé⁻ lajo.

¹⁴'jE ngí⁻ fñib⁻ 'nú⁻, jaléng⁻ tifa⁻ quiá⁻ júu⁻ quiu⁻ ta⁻ quiá⁻ dsea⁻ Israel cóo⁻gui jaléng⁻ 'nú⁻, dsea⁻ Israel i⁻ líng⁻ dsea⁻ fariseo, co⁻ jmang⁻ i⁻ jmicaam⁻ 'nú⁻! Co⁻ jmoo⁻na⁻ i⁻ 'nu⁻ jaléng⁻ dseam⁻ 'ní⁻ i⁻ tiñíng⁻, jogui jmicaang⁻na⁻ e ja⁻ lí⁻ lajo, jogui jmoo⁻na⁻ e cuee⁻ fa⁻ qui⁻na⁻ mi⁻ güilíng⁻na⁻ fí

guá'-. Jò uí' e lajòb jmoo`na', jòba' 'nú'bing' i ga`gui eáang` ni`íng` iihu' mí` nití` í` lajò.

15 'iE ngí` fíib` 'nú', jaléng` tifa' quíá'- júu` quiu' ta` quíá'- dsea` Israel cóo`gui jaléng` 'nú', dsea` Israel i líng` dsea` fariseo, có' jmang` i jmicaam` 'nú'! Có' jmoo`na' ta` ngí` lacaang` fí` ní` guóo` uó` quiú` cóo`gui lacaang` fí` ní` jmiñí` e laco` nilí`na' jaang` dsea` i nidsitaang` cóo` 'nú'. Jògui mí` tí` lí` calí`na' i dsea` í, dseáng` lico' síng`guina'r e catíiñ` tú` née` fí` lí` 'li` laco`gui la líng` 'nú' yaang`na'.

16 'iE ngí` fíib` 'nú', dsea` líng`na' lafa' dsea` tiuung` i jéeng` jaang`gui dsea` tiuung`-! Có' 'nú' fól`na' e mí` jmóo` dsea` promes e éeiñ` guá' fé', ja` 'né` nijmitir` e jò; jò dsu' 'nú' fól`na' e mí` éeng` dsea` e cunée` e sea` fí` guá'- do, jòba' dseáng`- 'né` e jmiti`bre jóng. 17 'i'Nú' líng`na' lafa' dsea` tiuung` i íí! ¿E` e quíng`gui quí`na' eáang` líng`na'? ¿Su cunée` ofa' e guá'- e jmigüeang` e cunée` dob é? 18 Jògui fól`bi` 'nú' cajo e doñí` jii` dsea` i jmóo` promes e éeiñ` fí` nife', ja` catíng` fa' e nijmitir` lajii` e ca'éeiñ` do. Jò dsu' 'nú' fól`na' e song ca'éeng` dsea` lajii` e títng` dsea` e cuø'r` Fidiée` fí` nife', jòba' dseáng`- 'né` e nijmiti`bre jóng lajii` e ca'éeiñ` do. 19 'i'Nú' líng`na' lafa' dsea` tiuung`- ¿E` e quíng`gui quí`na' eáang` líng`na'? ¿Su lajii` e títng`na' cuø`na' Fidiée` fí` nife' do ofa' e nife' e lí` ligüeang` dob é? 20 Jò dsu' jnea`gui fá'a e i dsea` i éeng` e nife' do, o' jii` quíá'- e jò jmóor` lajò, có' lajòb jmóor` cajo quíá'- lajalé` e sea` e fí` ní` do. 21 Jògui i dsea` i éeng` guá'- fé', o' jii` quíá'- e guá'- do jmóor` lajò, có' lajòb jmóor` cajo cóo` Fidiée` i

seeng` fí jò. 22 Jògui ì dsea` ì éeng` ñiff̃, lajòb éeiñ`
 'ña' Fidiée` cajò jògui fí lí' lí' ée` quiá` dsea` do fí
 jò.

23 'iE ngi` fñb` 'nú', jaléng` tifa' quiá`- júu` quiu'
 ta` quiá`- dsea` Israel cóo`~gui jaléng` 'nú', dsea`
 Israel ì líng` dsea` fariseo, có' j mang`^ ì jmicaam`
 'nú'! Có' cuø`na' Fidiée` cóo` lajee` guí- lajii` e
 catñiñ` quiá`- jalé` e ro`na' do fa' jalé` oo` quiá`-
 jmiñi` jògui jalé` e jié`, jò dsu' ja` jmití`na' e júu`
 quiu' ta` quiá`- Fidiée` e niing`-gui e quiá`- jial
 ni'é- dsea` røø` cóo`~ dsea` rúin` jògui jial nilí fñ-
 líng` dsea` jaléng` dsea` rúin` jògui jial dseáng`-
 nijmitir` jalé` e iing` Fidiée`. Jò jalé` e nab e
 laniing`-gui e 'né- nijmití`na' lífa' ja` 'naang`na' ca'
 jalé` e catíng`- Fidiée` e nicuø`na're do. 24 'iNú`gui
 líng`na' lafa' dsea` tiuung` ì jéeng` jaang`gui dsea`
 tiuung`! jò tii`m`ba' ngí`na' jalé` e ú`na' e laco' ja`
 niníng`na' lu` ping`^, jò dsu' ní`m`ba' ì jó` féng` ì sii`
 camello!

25 'iE ngi` fñb` 'nú', jaléng` tifa' quiá`- júu` quiu'
 ta` quiá`- dsea` Israel cóo`~gui jaléng` 'nú', dsea`
 Israel ì líng` dsea` fariseo, có' j mang`^ ì jmicaam`
 'nú'! Có' 'nú' lí` ì ru' guiá- jalé` cuée`~ huí` quiá`-
 jii` lí` caluu`, jò dsu' e tée`~ dsí' do j mang` jalé`
 e nicajmee`na' hí` cóo`~gui jalé` e lí` óo`na' e sea`
 fí jmigüí. 26 'i tui` 'nú', dsea` fariseo! Có' la'uii`
 jang`- rúu`~na' lí` lí` dsíib` jalé` cuée`~ huí` quií`na'
 do, jò lajòguiba' nijé` tee` fí caluu` cajò.

27 'iE ngi` fñb` 'nú', jaléng` tifa' quiá`- júu` quiu'
 ta` quiá`- dsea` Israel cóo`~gui jaléng` 'nú', dsea`
 Israel ì líng` dsea` fariseo, có' j mang`^ ì jmicaam`
 'nú'! Có' 'nú' líng`na' laco`gui la lí' lí' sí`ang`
 'lí` e jlo`^jiu` tee` lí`- caluu`, jò dsu' lí`- lí` dsí'

layaang~ móo`'lii~ba' téé'~ cóo'~gui jalé' e 'li' e jíé'.
 28 Jo dseáng'~ lajob líng' 'nú' cajó, có' guiúm~ba' jnéeng~na' jòøng~ dsea' 'nú' lí' caluu~, jo dsu' dseáng'~ lico' jmicaam~ba' cóo'~ jalé' e fó'na' jogui jmang'~ e 'lib'~ í' áa'na'.

29 'iE ngi~ fíib^ 'nú', jaléng' tifa' quiá'~ júu^ quiu' ta~ quiá'~ dsea' Israel cóo'~gui jaléng' 'nú', dsea' Israel i líng' dsea' fariseo, có' jmang'~ i jmicaam~ 'nú'! Có' jmo'na' lí' si'aang~ jaléng' dsea' i café' cuaiñ~ quiá'~ Fidié~ mali~gui eáang' jogui jmoo'na' e silii~ jlo'~ lí' si'aang~ jaléng' dsea' i ca'éé' guiá~ cóo'~ Fidié~, 30 jogui fó'na' lala: “Facó' jnea'~ calisé'naa' lajee~ e caliséng' 'lii~ dsea' áang' qui'naa', joba' ja' cajmicóo'~naa' jóng e cajnga' dsea' quiá'~ i dsea' i café' cuaiñ~ quiá'~ Fidié~ mali~gui eáang' do.” 31 Jo cóo'~ jíi'~ e júu^ nab cuo'na' lí' e dsea' sijú'ba' líng' i dsea' i cajngang' i dsea' i café' cuaiñ~ quiá'~ Fidié~ mali~gui do. 32 Jo có' lajob lí', joba' 'nú' jmité'na' náng lajii'~ e nicanaang' 'lii~ dsea' cóøng'~ qui'na' cajméer'.

33 'i'Nú' líng'na' jóo' mi' guíng'~! ¿Jial nili'na' e nileáng'na' lajii'~ iihuí' e ni'íng'~na' fí' lí' 'li'~? 34 Joba' fii' i 'nú' e jnea'~ nisín^n jee' 'nú' jaléng' dsea' i fé' cuaiñ~ quiá'~ Fidié~ jogui jaléng' dsea' i tíng' eáang' cóo'~gui jaléng' dsea' i e' jalé' júu^ quiá'~ dsea' góo'naa' dsea' Israel; lifa' 'nú', ni-jngám'ba' jogui nitáang~na' fí' dse' crúub^ i líng' i dsea' í, jogui i líng'~guiiñ' do nibóøng^na'r fí' dsíi' sínúu^ guá'~ jogui ni'óøng~na'r fí' lacoó' fii' lí' guiliñ'. 35 Jo lajoba' iihuí' e eám' ni'íng'~na' e jáa' quiá'~ Fidié~ uii~ quiá'~ jalé' jmi'óøng~ i dsea' i guiúng~ e nicatuu' fí' ni~ guóo'~ uó' la. Jo e jo

canaang` mi~ catu`u` jmi~ Abel i líng` jaang` dsea` guiúng` fí` quini~ Fidiéé` jò` cartí` mi~ catu`u` jmi~ Zacariás, jóo` jaang` dseañu` i calisí` Berequíás, co` i dsea` íb` i cajngang` 'nú` cáang` nife` quiá'- siguí` guá'- fé` e si' fí` Jerusalén. ³⁶ Jò` dseáng'- e jáb'- e fíi` i 'nú` e i dsea` i seeng` jmii~ na, í'bing' i ni'íng` iihuí' uii~ quiá'- lajalé` e jò`.

*Mi~ caqui' Jesús uii~ quiá'- dsea` seeng` fí` fíi`
Jerusalén*

(Lc. 13:34-35)

³⁷ Jò` mi~ cangí` jò, cajíng'-gui Jesús e júu` la:

—í'fíib` 'nú', dsea` seeng`na' fí` Jerusalén, fíib` 'nú', dsea` seeng`na' fí` Jerusalén! Co' 'nú' i seeng` e fí` fíi` lab i cajngang` jaléng` dsea` i café` cuaiñ~ quiá'- Fidiéé`, jogui` cuub~ casí'lóo`na' cajo jaléng` dsea` i casíng` dsea` do i guia` júu` quiá'r` jee` 'nú'. Jò` ja` ñii` jó'gui` née'~ cali'iin`n e nito` fíin`n 'nú' lí' laco'gui` to` fíing` jaang` tui'ieé` jaléng` tuyuu` quiáa-re' fí` nú'- cuéé're', jò` dsu' ja` cali'iing`na' lajò. ³⁸ Jòba' latí` lana jò` i niliseeng`gui` fí` guá'- quíi`na' la. ³⁹ Jòba' fíi` i 'nú' e jò` nimáang`gui` jnea` cartí`mi~ nifo`na' lala: “Juguiá` jiu` quiá'- i dsea` i casíng` Fidiéé` fí` jmigüi` la cuaiñ~ quiá'r`!”

24

*Mi~ cajíng'- Jesús e ni'íng` guá'- fé` e si' fí`
Jerusalén*

(Mr. 13:1-2; Lc. 21:5-6)

¹ Jò` mi~ cangí` jò, mi~ tí` lí` cagüi`íi` Jesús fí` dsíí` sinúu` guá'- jò` mifíng` ni'iuuiñ~ fí` ngam`bre, mi~ tí` lí` cangoquiéeng` i dsea` quiá'r` do fí` lí` ngóor`

jo canaaĩn` do jóør- la'úung` e guá'- fé' do. ² Joba' lalab casí'- Jesús i dsea` i`:

—¿Su jóø- 'nú' jial jlo'^ e guá'- si' na? Jo dsu' e já'-ba' e fñ- i 'nú' e jíi- coo` cuu~ jo` nijé- sífing` gui rúng' quía'- e guá'- e móo- na' si' na lana; co' lajib` ni'íng- jo jíi- coo` jo` e nijé- gui.

Jalé' e li~ mi~ tí li~ ná'-gui e ni'íng- jmi güi'

(Mr. 13:3-23; Lc. 21:7-24; 17:22-24)

³ Jo mi~ cangf jo, cangób- Jesús fí' yá'^ mó' e sii` Olivos colíing~ cóo'~ dsea` quía'r-. Jo mi~ caguilíin- fí' jo, job caguá' Jesús, jo lajee` job cangoquiéeng` i dsea` quía'r- do fí' li~ guiiñ~ do li~ coo` yaaĩn~, jo cajíin- casí'r- dsea` do lala:

—Ii~naa' fa' 'nu` nijmée'~ jnea'^ júu^ ¿li~ nidsijée' lajalé' e la? ¿E~ jalé' e nilili~ jéeng`gui mi~ tí li~ ná'-gui niñí'tu 'nu` fí' jmi güi' la jogui mi~ tí li~ nití- í' e ni'íng- jmi güi'?

⁴ Joba' cañí' Jesús quía'- i dsea` quía'r- do jo casí'-reiñ':

—Jíi- e laba' fñ- i 'nú'; jmiñiing` óo'na' e jíi- jaang` dsea` ja` güijmigóoĩn` 'nú'. ⁵ Co' fñm'bing' i nijalíng- i nijmigoo` jo nijíin-: “Jneab~ i dsea` i sijeeng`na' do i nicá' nifí' quí- na”;

jo fñm' dsea` nilí'r' i niligøong`. ⁶ Jo 'nú' ninúu^na' júu^ e sea' nií' fí' la fí' na; jo dsu' ja` føong`na' mi~ nití- í' lajo, co' jobi uuing~ jogui co' dseáng'- 'né- e nidsijéeb' lajalé' e jo; dsu' o' ie~ jo nití- í' e ni'íng-. ⁷ Co' ie~ jo jaléng' dsea` nitiñ- cóo'~ dsea` rúin', jogui coo` fñ nitíng- cóo'~ coo`gui fñ, jogui nilisea` oo- fí' la fí' na, jogui jmi guib' li~ nijó' uó- e eáang' cajo. ⁸ Jo jobi lí'^ uiim~bi jóng mi~ nimó^na' e nidsijée' jalé' e iihu# jo.

9 'Jo job mi~ nitóør` jaléng` 'nú` e laco` nijmihuáíñ` 'nú` cartí` nijngáíñ` 'nú`. Jo ie~ jo lajüm` dsea` jmigüí` nilí` 'ní` níñ` 'nú` uí~ jnea~. 10 Jo ie~ jo fím` dsea` nitá`bre e já`- lííñ` júu` quié`-e jogui` nilí` 'ní` níng`- rúng` dsea` jogui` ni'níñ`- lajee` la'ó` rúíñ` cajo. 11 Jo fím` dsea` nijalíñ`- mi~ tí` lí` jo e nijmigóor` e fé'r` cuaiñ` quiá`- Fidié~, jo fím` dsea` nilí`r`- i niligøøng`. 12 Jo ie~ jo dseáng`- jmang`- jalé` e 'li`'ba' nijmé`- dsea`, joba' fím` dsea` nitá`bre e jmi'neáaiñ` jaléng` dsea` rúíñ`. 13 Jo dsu` i dsea` i nité` e siñ` teá' fí' guiá`- lata~ cóo`~ jnea~, joba' í`bing` i nileáng` jee` dsee`- quiá`- mi~ tí` lí` jo. 14 Jo e júu` la quiá`- jial` quié` Fidié~ nifí' quiá`- dsea` nini`- fí' la'úng`- fí' jmigüí` e laco` nilicuí` dsea` e júu` jo; jo joguib` mi~ nití`- í` e ni'íng`- jmigüí` jóng.

15 'Jo malí` gui` eáang` i dsea` i café` cuaiñ` quiá`- Fidié~ i calisí` Daniel cajme'r` fí' ni~ jì` quiá'r`- cuaiñ` quiá`- cóo` e 'li`^ eáang` e nisí` dsea` fí' dsí' guá`- fé` e si' fí' Jerusalén fí' lí` lí' e guá`- güeang` quiá`- Fidié~. Jo mi~ nimó`na' e jo e fí' lí` güeang` quiá`- Fidié~ do —jaléng` 'nú` i í' e jì` la 'né`- ningám`'ba'—, 16 joba' mi~ nití`- e í' jo, jaléng` dsea` i neáang` fí' lí' se` Judea güicuí`bre fí' jee` mó' jóng. 17 Jogui` i dsea` i dsiing` yá`^ 'núu' mi~ tí' lí' jo, ja` güi'í` dsír' fa' e nijgiáang`guir e laco` nidsi'uóør` jalé` e sea` quiá'r`. 18 Jogui` i dsea` i taang` fí' jee` mó' e jmóor` ta~, joba' ja` güi'í` dsír' fa' e niqing`- guir fí' quiá'r` e faco` dsiquiéer` si'r`. 19 Joba' í`fíib` eáang` jaléng` dseamí` i quiéeng` yuu` ie~ jo osi` i jéeng` yuu` i cu` tú` é! 20 Jo máí`na' Fidié~ e ja` nidsitíng` e ni'uóng`na' e cuí`na' lajee` jii` güí`- osi` lajee` jmí` e jmi'íng` dsea` góo`na' é; 21 dsuco' ie~ jo

gab` eáang` nilisea` iihuúí e ja` mí canga` dsea` lajji`
 mi` catiroo` jmiǵüü` o`gui fa` niníguir calé` catú`
 cajo. ²² Jogui faco` Fidié` nijmér` e nili`ií` eáang` e
 nidsijéé` jalé` e jo, joba` jji` jaang` jo` ii` nileáang`gui
 jóng faco` lajo. Jo dsu` ja` nijmi`iíiñ` e jo uí` e fí`
 líiñ` jaléng` dsea` quiá`r` i nicaguíñ` do.

²³ 'Jo song ie` jo nijmiǵóøng` dsea` 'nú` jo ni-
 jín`-: "Jøø-, i lab i dsea` i sijeeng`na' do i nicá`
 nifí` qui`na'", osi "Jøø-, dob nisiñ` é", jo dsu` ja`
 já` güilíng`na' jóng. ²⁴ Co' ie` jo fím` dsea` ni-
 jalíñ` jo nijmiǵóor` e líiñ` i dsea` í, jogui seem`bi
 i nijmiǵóor` e líiñ` dsea` i fé` cuaiñ` quiá`- Fidié`
 cajo; jogui eám` nijmér` jalé` e li` jogui jalé` e
 quí`r` jmí` e dsigá` dsí` dsea`. Jo nijmér` lajo e lico`
 nijmiǵóo`bre jo quiáb`-jiu nijmiǵóøiñ` la quié`gui
 i dsea` i nicaguíng` Fidié` do, dsu` ja` lí` jmér`
 lajo. ²⁵ Jo quié`na' cuente røø` quiá`- jalé` júu` e
 nicafá`-a na lana quiá`- jalé` e nidsijéé` cøøng`gui.
²⁶ Joba' ie` jo, ja` güilíngøøng`na' mi` nifí` dsea` 'nú`
 lala: "Jøø`-na', e dob táang` i dsea` i sijeeng`na' do
 fí` ni` guóo`- uó` quiú`", jo dsu` ja` güilíng`na' fa' e
 nigüi`néng`na'r; osi nifí`bi dsea` 'nú` lala é: "E lab
 si`maang` i dsea` í", jo dsu` ja` já`- güilíng`na' e jo.
²⁷ Dsuo` lí` laco` lí` mi` líj` güi`ñiá` e jnéeng` fí` yá`
 jmiǵüü` e jøø` dsea` lajjiñ`, lajob lí` cajo mi` nigáa`tu
 jnea~, dsea` lín`n jaang` dsea` jmiǵüü` i já` fí` ñifí`.
²⁸ Co' e já`-ba' fá`a, e jíé` li` ráang` jó` 'lí`, fí` job
 seáng` jaléng` tujlí`.

*Jial mi` nijáa`tu i dsea` jmiǵüü` i jáa` fí` ñifí`
 (Mr. 13:24-37; Lc. 21:25-33; 17:26-30, 34-36)*

²⁹ Jo cajíng`-gui Jesús e júu` la:

—Jo mi~ tí li~ casúung~ e iihuí' jo, joba' jo' jĩ' iee`nilisea`gui o'gui si` cajo fa' nicuó~`guir jir~, jogui jaléng`núu' nijiúin` cartí guóo`~ uó~, jogui Fidiéé` nijmér~ e niguiá` jalé` e sea` fí` yá`^ jmigüí. ³⁰ Jo ie~ jmĩ~ job mi~ nilisea` li~ fí` yá`^ jmigüí e tí li~ nigáa`túu` fí` jmigüí la, jnea~ dsea` lín`n jaang` dsea` jmigüí, jo lajĩm` dsea` seeng` fí` la'úng~ fí` jmigüí niquí'r~ uí`~ e 'gór', jo joguiba' mi~ nimáang`na' jnea~, dsea` lín`n jaang` dsea` jmigüí i` jaa' fí` ñiff~, e nigáa`a e niquín`n jee~ cabøø` jní' cóo`~ e niing~ jĩ e 'gøng' quía`~ Fidiéé`. ³¹ Jogui nisíng~ Fidiéé` jaléng` ángeles i` líng` guotĩr~ e nijiúin` do teá` lúu` trompé`^ fí` yá`^ jmigüí e laco` lajĩng` dsea` jmigüí i` nilíng` dsea` quía`r~ niseáiñ` colíng~ mi~ nití` e í` jo.

³² Jo cajíng`~gui Jesús e júu` la:

—Lanagui ni'éé`e 'nú` cōo` júu` quía`~ 'ma` gūiñí`^: Cō' mi~ ninaang` iéé` jalé` guo`~ quía`~, jo mifĩng` canaang` e iáb` jalé` má`^ quía`~ cajo, joba' nilí`^ 'nú` e nijaquíéem` jii` jmĩ` jóng. ³³ Jogui lajob` lí' e júu` la cajo, cō' mi~ tí li~ nidsijéé` la-jalé` e nicafá`~a na, joba' niñí`ba' jóng e quíab`~ nijaquíéeng` e nigáa` jnea~, dsea` i` líng` jaang` dsea` jmigüí i` jaa' fí` ñiff~. ³⁴ Cō' dseáng`~ já`-ba' fá`a e dseáng`~ nidsijéeb` jalé` e jo nú`~gui e nijúung~ jaléng` dsea` i` seeng` lajee` lana. ³⁵ Jo tóob` jmĩ~ ni'íng~ la'úng~ yá`^ jmigüí cóo`~gui la'úng~ guóo`~ uó~, lifa' júu` quíé` e ja` tōo` jmĩ~ fa' e ja` nilití`.

³⁶ Jo jíi`~ jaang` dsea` jmigüí ñir` e~ jmĩ~ jogui e~ oor~ e nidsijéé` e jo, cō' jĩ`gui jaléng` ángeles quía`~ Fidiéé` dsea` guíng~ ñiff~ ja` ní' e jo, o'gui jnea~ ñii` cajo. Cō' dseáng`~ lajii`~ Tiquí`ii' dsea` guíng~ ñiff~, e

jíi' í'bing' dseáng' ní' e jo.

³⁷ Jo mi' tí' lí' nití' í' e nigáa'túu fí' jmigüü' la, jnea' dsea' lín'n jaang' dsea' jmigüü' i jaa' fí' ñiff', nilí' lí' laco'gui calí' ie' lami' cateáang' Noé fí' jmigüü' la. ³⁸ Co' ie' jo, lajee' e nú'-gui e ca'á' jmü' fí' la'úng' fí' guóo' uó', í' gøb' dsea' laco' sí'í', jogui cúiñ' guóor' cajo, lí' coob' mi' catí' í' e calí' Noé fí' dsí' coo' móo' e dsée' cóo' jaléng' dsea' sinúu' quiá'r'; ³⁹ jo dsu' lajee' e ja' ñiing' dsíib' dsea', mi' catí' í' e ca'á' jmü' fí' la'úng' fí' guóo' uó', jo job lí' cajúng' lajaléng' dsea' lí' coo' gui'ná' i seeng' fí' jmigüü'. Jo dseáng' lajob dseáng' nidsijéetu calé' catú' mi' tí' lí' nigáa'túu fí' jmigüü' la, jnea' dsea' lín'n jaang' dsea' jmigüü' i jaa' fí' ñiff'. ⁴⁰ Co' ie' jo gáng' dsea' taang' jmóo' ta' quiá' fí' jee' mó': jo jaaiñ' do nidsém'-bre, jogui jaang'guiñ' do nijé'-bre. ⁴¹ Jogui lajobi cajo gáng' dseamí' teáng' ta' dsí': jo jaaiñ' do nidsém'-bre, jogui i jaang'gui do nijé'-bre.

⁴² Joba' fíi' 'nú', ñiing' áa'na' contøøng', co' coo' lajee' ja' lí'na', lanab mi' nigüéeng-túu. ⁴³ Jo e laba' iin' e ñí'na', faco' jaang' dsea' niñir' e' í' nigüiéé' jaang' ü' fí' quiá'r', joba' nigüéá'bre e jmóor' í' 'nar', jo ja' nilí' i ü' do fa' ni'uó'r' jalé' e sea' quiá' i dsea' do. ⁴⁴ Joba' lajob cajo, dseáng' contøøm' 'né' e siñiim' áa' 'nú'; co' jíi' lajee' ja' ñiing' áa'na', lanab mi' nigüéeng-túu fí' Jmigüü' la, jnea' dsea' i jaa' fí' ñiff' e lín'n jaang' dsea' jmigüü'.

Jaang' dsea' 'léeng' i guiúng' cóo'gui jaang'gui dsea' 'léeng' i soo' dsí'

(Lc. 12:41-48)

⁴⁵ Jo mi' cangí' e jo, cajíng' gui Jesús e júu' la:

—Lalab lí' quiá' jaang`dsea`'léeng' i núu` jalé` ta` quiu' fíir` jogui i guiúng` cóo` jaléng` dsea` 'léeng` rúíñ` i caguaang`gui. Co' mi` cagüi'í' i fíir` do e nidsér` fí' lí` jíé', caguiar' ni` i dsea` 'léeng` i núu` do lajaléng` i seeng` quiá'r` e laco' nicuó`-reiñ' do e nidóíñ` mi` nití` í' lajo. ⁴⁶ Joba' juguiá`-jiu quiá' i dsea` 'léeng` i jmóo` ta` laco' catíng` mi` niguieng' fíir` e cár` cuente. ⁴⁷ Joba' jmítaa` óo`na' e i fíir` do dsíng` guiá` nijmér` jo nicuó`-reiñ' do e nine' niñ` latøøm` sinúu` quiá'r` cóo`-gui jalé' e sea` fí' jo. ⁴⁸ Jogui dsu' song i dsea` 'léeng` do lííñ` jaang`dsea` 'léeng` i soo` dsíí' jo í' dsíir` e ja` mí' guieng' fíir` lajee` jo, ⁴⁹ joba' nináiñ` e nijmeáiñ` ga` jaléng` i dsea` 'léeng` rúíñ` i caguaang`gui do, jogui e niseáiñ` rúíñ` cóo` jaléng` dsea` jmóo` ta` í' e laco' ni'í' nidó'r` colíng~, ⁵⁰ jo dsu' cóo` lajee` e ja` ñíing` dsíir`, lanab mi` nití` í' e niguieng`tú i dsea` fíir` do; ⁵¹ joba' i dsea` do iihu`b' nicuó'r` i dsea` 'léeng` do, co' nibíim` breiñ' do jee` jaléng` dsea` i jmícaang` e jmóor` jalé' e iing` Fidiée` fí' lí' nijmér` ta` qui' jogui ta` tu` maja` uí' jalé' iihu` e ni'íñ` do.

25

Coo` júu` ja` e lafa' júu` cuento quiá'` guíng` simí`

¹ Jo cajíng`-gui Jesús e júu` la:

—Lab nifá`duu jial lí' mi` tí' lí' jo, mi` Fidiée` nicár` nifí' quiá' dsea` jmíguí. Co' e jo lí' laco' guíng` simí` i ca'uøøng` quie' jmacó` jí' candíí` e cango'ííñ` dseañu` i cung' guó. ² Jo dsu' 'níing` lajee` i simí` do ñíing` dsíir` jogui i 'níing`-gui do ja` ñíing` dsíir'. ³ Joba' i simí` i ja` ñíing` dsíí' do

ca'uøøm`bre quier' jì candí[^] quiá'r- e cango'íiñ[^]
 i dseañ[^] i cung[^] guó` do, jò dsu[^] jí[^] jmicoo` e a`
 dsí[^] candí[^] quiá[^]-bre quier' co' jo` quie'guir fa' e
 seáang`gui; ⁴ jò dsu[^] i simí[^] 'ñíing[~] i ñíing[~] dsí[^] do
 ca'uøøm`bre cajo e quier' jì candí[^] quiá'r- jo lifa'
 quie'bir coo` sí[^]gui e co' quier' e a` jmicoo`. ⁵ Jo co'
 cali[^]im[~] i dseá` cung[^] guó` do e ja` niguiéiñ[^], joba'
 laj[^]im[~] i simí[^] do nicaquiáiñ[^] lajee[^] jo. ⁶ Jo coob`,
 mi[~] catí[^] la jí[^] guitu' guienú[^], jo guicatá[^] m[^]í[^] lí[^]-
 caluu[^] jo guicafé[^] dseá: “j[^]mijnée` áa'na', co' nab
 nijang[^] i dseá` cung[^] guó` do; jogui ñíling[~]na' e
 niñí'íing[^]na're!” ⁷ Jo laj[^]im[~] i simí[^] do caráaiñ[^] jo
 caguiar' guiá[^] jì candí[^] quiá'r- lajaang' lajaaíñ[^].
⁸ Joba' i simí[^] i ja` ñíing[~] dsí[^] do casí[^]r- i simí[^] i ñíing[~]
 dsí[^] do: “Fa' jgiée` óo' 'nú' fa' nijmi'øøng'jia' jnea[^]
 jmicoo` quí[^]-na', dsu[^]co' cadseáb[^] jmicoo` quiá[^]-
 candí[^] quí[^]-naa' jo jo` iing[~] nicó.” ⁹ Jo dsu[^] cañí[^] i
 simí[^] i ñíing[~] dsí[^] do: “U[~], ja` nijmi'øøng'naa' 'nú' co'
 ja` nilíing[^] quí[^]-naa' o'gui quí[^]-na' cajo. Co' guiá[^]-gui
 quí[^]-na' e nigüíling[~]na' fí[^] tieen[~] e nigüileáa'na' e
 jmicoo` e 'né'na' do.” ¹⁰ Jo lajee[^] cangolíng[~] i simí[^]
 i ja` ñíing[~] dsí[^] do fí[^] tieen[~] e cangoleáar[^] jmicoo`
 quiá'r-, lajee[^] job mi[~] caguiéng[^] i dseañ[^] i cung[^]
 guó` do, jo i simí[^] i ñíing[~] dsí[^] do cangotáam[^]-bre
 jmí[^] colíing[~] cóo[^] i dseá` cung[^] guó` do, jo ca-
 jní[^]bre 'nú[^]. ¹¹ Jo mi'míng[~] guijia lajo caguilím[^]tu
 i simí[^] i ja` ñíing[~] dsí[^] do i cangolíng[~] fí[^] tieen[~] do, jo
 guicatór[^] caluu[^] 'nú[^] jo guicajíñ[^]: “j[^]Fí[^]í[^]í[^], fí[^]í[^]í[^], fa'
 jgiée` o' e ná[^]go 'nú[^]!” ¹² Jo dsu[^] guicañí[^] i dseañ[^]
 do jo cajíñ[^]: “E já[^]-ba' e fí[^]-i 'nú', simí[^], ja` cuín[^]n
 'nú’.”

¹³ Jo cajíng[^]-gui Jesús:

—Jō cō' lajob líí, joba' fíi-í 'nú' e jmiñiing[˘] áa'na', cō' ja`ñí'na' e~ jmiñ jōgui e~ oor~ e nigüéeng⁻ jnea~, dsea` lán'n jaang` dsea` jmigüí` i` jáa' fí` ñífi⁻.

*Cōō`júu`já'- e lafa`júu`cuento quiá'- dsea`'léeng'[˘]
i` ca'íng'[˘] cuu⁻*

(Lc. 19:11-27)

¹⁴ Jō mi~ cangí` jō, cajíng'⁻gui Jesús e júu` la:

—Jō mi~ Fidié[˘] quier' nifí' quiá'- dsea`, jō e jō líí laco' jaang` dseañu[˘] i` cagüi'íí' cangó- fí' lí~ huíí⁻. Jō dsu' lajee[˘] e nú'-gui e nigüi'íí' nidsér⁻, jō catø'r- jaléng[˘] i` dsea` jmóo` ta~ quiá'r- do, jō cacuø'reiñ' do cuu⁻ e laco' nijméiñ'- do ta~ e nilisea`gui e dsí' quiá'- e cuu⁻ do. ¹⁵ Jō jaang` i` dsea` 'léeng'[˘] quiá'r- do cacuø'r' 'ñiá` mil cuu⁻, jōgui jaang` cacuø'r' tú- mil cuu⁻ lajō, jōgui i` jaang`gui do cacuø'r' cōōb` mil cuu⁻, jō lajì` gaam`biñ' do cangíiñ[˘] cuu⁻ lí[˘] jialco' jíí[˘] bî` seem`bre. Jō ngí` jōguiba', cagüi'íí' i` dseañu[˘] do e cangó- fí' lí~ huíí⁻. ¹⁶ Jō i` dsea` 'léeng'[˘] i` cangíng` 'ñiá` mil cuu⁻ do, eáam' guiá- cajméer` ta~ cōō[˘] e cuu⁻ do, jō calí'-bre jíé'gui 'ñiá` mil lajō. ¹⁷ Lajōbi cajo i` dsea` 'léeng'[˘] i` ca'íng'[˘] tú- mil e cuu⁻ do cajmée`bre ta~ cōō[˘] do, jō calí'-bre jíé'gui tú- mil e cuu⁻ do cajo. ¹⁸ Jō dsu' i` dsea` 'léeng'[˘] i` cangíng` cōō` mil e cuu⁻ do, cango'mea`bre fí' nú'- uø⁻.

¹⁹ 'Jō mi~ cangí`gui lajō, caguiém'⁻tú i` fiir~ do, jō casí'r- lajaang` lajaang` i` dsea` 'léeng'[˘] quiá'r- do e nigüiéeiñ'- do cuente lajíí[˘] e nicajméer' cōō[˘] cuu⁻ e cangíiñ[˘] do. ²⁰ Jō la'uii~ caguié- i` dsea` 'léeng'[˘] i` cangíng` 'ñiá` mil e cuu⁻ do, jō cajá'r' fiir~ 'ñiá'gui mil lajō e calí'r-, jō casí'r- dsea` do: “Fíi, 'nú` cacuøø[˘] jnea~ 'ñiá` mil cuu⁻, jō nicajmé- baa

ta~ cóo~ e jo, joba' lana nicalí~ i ñiá'gui mil lajo e dsí'." ²¹ Joba' cañí~ i fiir~ do: "'Nu~ jaang` dsea` léeng~ i guiúng~, co' cajmee~ba' ta~ røø cóo~ lajii~ capi^ cuu~ e cangín'. Joba' lana jmiguiab' jalé' e sea` quié~ e e nicuøø^ø 'nu~ e nine^ ní^, jo lana røøb` nijmi'iaang` dsi'naa' náng." ²² Jo jo` huøø` li'hi~ i dsea` léeng~ i ca'ing' tú~ mil e cuu~ do caguiér~ jo casí'r~ fiir~: "Fí'i, 'nu~ cacuøø~ jnea~ tú~ mil cuu~, jo cajmé~baa ta~ cóo~ e jo, jo lana nicalí~ i tú~gui mil e cuu~ do e dsí'." ²³ Joba' cañí~ i fiir~ do: "'Nu~ jaang` dsea` léeng~ i guiúng~ cajo, co' tii'm'ba' jmée^ ta~ røø cóo~ capi^ cuu~, joba' jmiguiab' jalé' e sea` quié~ e e nicuøø^ø 'nu~ e nine^ ní^, jo lana røøb` nijmi'iaang` dsi'naa' náng." ²⁴ Jo jo` huøø` li'hi~ guié~ i dsea` léeng~ jaang`gui do i cangíng` coo~ mil e cuu~ do, jo lalab casí'r~ fiir~: "Fí'i, ñi'baa guiá~ e jaang` dsea'nu~ i ue' dsí' kíng' 'nu~ e lí^ tii'n' sitín~ lajii~ ta~ cajmée` dsea` jiém', jogui e ú' cø' jalé' ta~ jmóo` dsea` jiéng' cajo." ²⁵ Joba' cafóm'baa 'nu~, jo fí' nú' uób~ ca'meáa e cuu~ e cacuøø~ jnea~ do. Jo lana lab quiee~ e lajii~ e cuu~ jo." ²⁶ Joba' cañí~ i fi~ do quiá~ i dsea` léeng~ quiá'r~ do: "'Nu~ lin' jaang` dsea` léeng~ i soo` dsí' jogui i fi', jo song niñi'ba' guiá~ e jnea~ sitín~n lajii~ ta~ cajmée` dsea` jiéng' jogui e gú' gø'ø jalé' ta~ jmóo` dsea` jiéng', ²⁷ joba' zjiali' ja ca'í o' fa' mi~ caguite~ cuu~ quié~ e fí' banco? Joba' mi~ cagüean' n, ca'ím~baa lajii~ cuu~ quié~ e jogui e dsí' quiá~ cajo." ²⁸ Joba' casí'r~ jaléng'gui i dsea` i teáng~ do ie~ jo, jo cajíñ': "Gui~na' e coo~ mil cuu~ quiá~ i dsea` léeng~ fí' na, jo cuøø~na' i dsea` léeng~ i quie' guí~ mil e cuu~ na." ²⁹ Dsucø' i dsea`

ḡ sea` quiá'⁻, jmigui⁴guib niñíiñ` e nilisea`, joba' lalím` nilisea` quiá'r⁻. Jo dsu⁴ ḡ dsea` ḡ ja` sea` quiá'⁻, nigüeáb` lajii'⁻ e capí'⁴ji⁴ e sea` quiá'r⁻ do. 30 Jogui ḡ dsea` 'léeng'⁴ fi' na guing⁻na'r fi' caluu⁴ fi' li' n⁴⁴ só'⁴, jo fi' job niqui'r⁻ jogui nitúr⁻ majar~ cajo."

Jial nilí` mi~ nitidsi' í'` quiá'⁻ dsea` jmigüi'

31 Jo cajíng'⁴ guí Jesús e júu^ la:

—Jo mi~ tí' li~ nití⁻ í'⁴ e nigáa' jnea~, dsea` lín'n jaang` dsea` jmigüi` ḡ jáa' fi' ñifi⁻, nigáa'túu dsu⁴ e niquiin'⁴n jee~ jalé'⁴ e jlo'^ e niing⁻ 'gøng' quiá'⁻ Fidiée' jogui colíng~ cóo'⁴ jaléng'⁴ ángeles ḡ líng' guotii⁴ Fidiée', jo joguib mi~ niní'i fi' ée^ quié'e li~ niing⁻ jlo'^ quiá'⁻ Fidiée'. 32 Jo lajim` dsea` seeng` fi' la'úng⁻ fi' jmigüi` niseáiñ' fi' quini⁻, jo jneab~ dsea` ni'naan⁻ dsea` jie~ fi' li~ catíiñ⁻ la- jaang` lajaaiñ` lí'^ laco'gui la jmóo` jaang` dsea` ḡ jmóo` í' jo'se" mi~ 'náaiñ` jaléng' jo'se" jee~ jaléng'⁴ jo'chí'^. 33 Jogui jaléng'⁴ ḡ dsea` ḡ líng' lafa' ḡ jo'se" do niguién'⁴n lí'⁴ lí' dsée' laco' guiin~n, jogui jaléng'⁴ ḡ dsea` ḡ líng' lafa' ḡ jo'chí'^ do niguién'⁴n lí'⁴ lí' tuung~ laco' guiin~n. 34 Joba' jnea~, dsea` lín'n ḡ dseata~ dsea` féng' do, nifi⁴i jaléng'⁴ dsea` ḡ neáng' lí'^ lí' dsée' laco' guiin~n jo nifá'^a: "Jaléng'⁴ 'nú'⁴, ñilíng⁻na' fi' la, co' 'nú'⁴bing' ḡ nicajmigüeang'⁴ Tiquié'e dsea` guing~ ñifi⁻, joba' íng'⁴na' lajalé' e catíng⁻na', co' lajob nisi'líng⁴na' quiá'r⁻ lajii'⁻ latí' mi~ caguiar' uing~ jmigüi'. 35 Dsuco' la- jee' cataan~n cóo'⁴ 'nú'⁴ fi' jmigüi', mi~ cadseá⁻ jmi'aan⁻, jogui 'nú'⁴ cacuóó'⁴ba' jnea~ e cagó'⁴; jogui mi~ cadseá⁻ jmijmíin⁻, cacuóó'⁴ba' jnea~ jmíi cagú'⁴u; jogui cang'⁴bíi cajo laco' ngí' jaang` dsea`

i jáa' fí caluũ, jò dsu' cacuóø'~ba' jneã lĩ ca-
 jmi'íiñ. ³⁶ Jogui cali'né~bñ sí'í, jò cacuóø'~ba'
 jneã; jogui casá'bñ e calidsée'~e, jò catò' fíim'ba'
 jneã; jogui ca'ú'bñ 'nuñí, jò dsu' cagui'ee'~ba'
 jneã cajo." ³⁷ Joba' jaléng' i dsea' í i cajmée'
 jalé' e iing' Tiquié'e dsea' guing' ñiff'~nijmingír'
 lala jò nijíñ': "Fí'íi', ¿lĩ caneeng'~naa' 'nu' e
 jmi'aan', jò cacuóø'~baa' 'nu' e caquíe'?' Jogui ¿lĩ
 caneeng'~naa' 'nu' e jmijmíin', jò cacuóø'~baa' 'nu'
 jmíi' e ca'í'?' ³⁸⁻³⁹ Jogui ¿lĩ caneeng'~naa' 'nu' e lin'
 lafa' jaang' dsea' i jáa' fí caluũ, jò cacuóø'~baa' 'nu'
 cajo lĩ cajmi'íin'? Jogui ¿lĩ caneeng'~naa' 'nu' e
 cali'né'~ sí', jò cacuóø'~baa' 'nu' e jò cajo; jogui e
 dsée'~osi e iuun' fí' 'nuñí' é, jò cango'ee'~ba' 'nu'
 cajo?" ⁴⁰ Joba' ie~ jò jneã, dsea' lín'n dseata~
 dsea' féng', lalab ningíi' quiá'r': "E já' e fí' i 'nú'
 e lajalé' e cajmicóo'~na' i dsea' i líng' lafa' rún'n
 i dseáng'~ ja' niing'~ jíi'~ capí', joba' lajaléb' e jò
 quié'~jneab~ cajmee'~na' cajo."

⁴¹ Jogui jneã i líng' dseata~ dsea' féng' do
 nifí'íi' jaléng' i dsea' i neáang' lí' lí' tuung'~laco'
 guiiñ: "Do güilíng'~ 'nú' lí' do, co' Fidiée'
 nicabíim~bre 'nú', jò dob catíng'~ 'nú' fí' nĩ jì lí'
 coo' jì e jò' tóo' jmíi' yu' fí' lí' nicajme' Fidiée'
 lí' catíng'~ fíi' i 'líng' colíng'~ cóo'~ jaléng'~ ángeles
 i 'líng'~ quiá'r'~ cajo. ⁴² Co' cadseáb'~ jmi'aang'
 jneã lajee'~cataañn cóo'~ 'nú' fí' jmígüi' la, jò
 dsu' ja' cacuóø'~na' jneã e cagó'ø; jogui cad-
 seá~bi jmijmíin'~ cajo, dsu' 'nú' ja' cacuóø'~na'
 jneã jmíi' e cagú'~u; ⁴³ jogui cang'f'~bíi' laco'gui'
 jaang' dsea' i jáa' fí caluũ, dsu' 'nú' ja' cacuóø'~na'
 jneã lĩ cajmi'íiñ; jogui cali'né~bñ sí'í, dsu'

'nú' ja` cacuøø'~na' jnea~ sí'í; jogui calidsée'~bñ
 jogui ca'úu'u 'nuñí' cajo, dsu' 'nú' ja` cagui'ee'na'
 jnea~." 44 Joba' ì dsea` ì neáang' lí' lí' tuung~
 do nijmingír` lala: "Fí'ii', çli~ caneeng~naa' 'nu' e
 cadseá' jmi'aan'~, osi e cadseá' jmi'jmi'n'~ é, osi
 e lin' laco' jaang` dsea` ì jáá' fí' caluu~, osi e 'né'
 sí' é, osi e dsée'~ osi e iuun'~ fí' 'nuñí'~bi é, jo ja`
 cajmicóo'~naa' 'nu'?" 45 Joba' ie~ jo lalab ningi~
 quiá'r~, jnea~ dsea' lín'n dseata~ dsea' fèng': "E já'~
 e fí'~i 'nú' e jalé' e ja` cajmée'~na' cóo'~ jaang` dsea`
 ì lãng' lafa' rún'n ì ja` níing~ jí'~ capí'~, joba' lajob
 cajo ja` cajmee'~na' cóo'~ jnea~." 46 Joba' jaléng' ì
 dsea' í fí' lí' 'lib'~ nidsilíiñ fí' lí' ni'íñ' iihu' e ja` tóo`
 jmi~ nité'. Jo dsu' jaléng' gui dsea' ì ja` dsee' røøng`
 fí' quini' Fidiéé~, íbing' ì nidsigüeá' car` ngongü`
 jmi~ cóo'~ dsea` do fí' ñiff~.

26

Mi~ casíng~ jaléng' dsea' jial e nisáiñ' Jesús

(Mr. 14:1-2; Lc. 22:1-2; Jn. 11 :45-53)

1 Jo mi~ cangí e cajíng'~ Jesús jalé' e júu^ na, lalab
 casí'r~ ì dsea` quiá'r~ do:

2—Jí'~ laco' ñí' 'nú' e tú~ jmi~ba' 'né' gui e nití' e
 jmi~ Pascua. Jo ie~ jmi~ job mi~ nijáng' dsea' jnea~,
 dsea' cagá' a fí' ñiff~ e lín'n jaang` dsea' jmi'güí, jo
 niteáiñ~ jnea~ fí' dse' crúu^ cartí' nijngáiñ'~ jnea~.

3 Jo ie~ job cajo, jaléng' fii~ jmidsea` quiá'~
 dsea' Israel cóo'~ gui jaléng' dsea' cóøng'~ quiá'r~
 caseáng' rúíñ' fí' lí' guíing~ fii~ jmidsea` laniing~ ì
 sii' Caifás quiu'r' ta~, 4 jo casíiñ~ cuaiñ~ quiá'~ jial
 nilí'r' e nijmigóøiñ' Jesús e laco' nisáiñ' dsea` do jo
 lajoba' nijngáng'~ neiñ'. 5 Jo dsu' síiñ' e iíñ~ jmér~

lajo lajee˘ e o' e jmii˘ jo, dsuco' jial fng nitá'˘ dsea˘ mii'˘.

Mi˘ ca'ée˘ jaang˘ dseam˘ jmii˘ jmeafi˘ fí mogui˘ Jesús

(Mr. 14:3-9; Jn. 12:1-8)

⁶ Jo lajee˘ job cangó˘˘tu Jesús fí coo˘ fii˘ e sii˘ Betania; jo lajee˘ táaiñ˘ fí jo, dob dsitiñ˘ fí quiá'˘ jaang˘ dseañu˘˘ i sii˘ Simón i nínicalíng˘ jmohuí˘ 'li˘ fí ngúú˘ táang˘ lamí˘ jéeng˘gui. ⁷ Jo lajee˘ guing˘ Jesús fí job mí˘ tí˘ lí˘ cangoquiéeng˘ jaang˘ dseam˘ fí lí˘ guiiñ˘, jo quieñ˘ do coo˘ sái˘ lí˘ a˘ jmii˘ jmeafi˘ e 'mo'˘ eáang˘. Jo lajee˘ e guing˘ Jesús gø'bre mí˘ ca'ée˘ i dseam˘ do e jmii˘ jmeafi˘ e quier˘ do fí mogui˘ dsea˘ do. ⁸ Jo mí˘ tí˘ lí˘ cangá˘ i dsea˘ quiá'r˘ do e cajmée˘ i dseam˘ do lajo, eám˘ caliguiñ˘ jo cajíñ˘˘:

—¿Jiali'˘ jmi'íi˘ i dseam˘ na e jmii˘ jmeafi˘ e 'mo'˘ eáang˘ na? ⁹ Cofa'˘ mí˘ ja˘ cajmée˘ lana, jmiguiab˘ cuu˘ nicóng˘ na faco'˘ e cango'nii˘, jo e cuu˘ jo nili'íing˘ ta˘ e nilicóo'˘ jiu jaléng˘ dsea˘ tiñíng˘.

¹⁰ Jo dsuco'˘ Jesús lí'bre lajii'˘ e sáing˘ i dsea˘ do, joba'˘ casí'˘ reiñ˘ do lala:

—¿Jiali'˘ fí˘ 'nú'˘ 'leáang˘ i dseam˘ la? Co'˘ coo˘ e guiú˘˘ba'˘ nicajméeiñ˘ na quie˘e. ¹¹ Co'˘ con-tøøm˘ niliseeng˘ jaléng˘ dsea˘ tiñíng˘ jee˘ 'nú'˘, dsu'˘ jnea˘ gui cateá'ba'˘ caga'ee˘ nii˘ fí jee˘ 'nú'˘. ¹² Co'˘ e jmii˘ jmeafi˘ e ca'ée˘ i dseam˘ la fí ngúú˘ táan˘ lí' lafa'˘ e nicasúuiñ˘ jnea˘ e jmeafi˘ quiá'˘ mí˘ ni'ú˘u fí dsí'˘ tó˘ ée˘. ¹³ Co'˘ e já'˘ e fii˘ i 'nú'˘ e doñí˘ jíe'˘ fí ni˘ guóo'˘ uø˘ fí jmigüi˘ lí˘ niguiá˘ dsea˘ júu˘ quiá'˘ jial laang˘ dsea˘ jee˘ jalé˘ dsee˘ quiá'r˘, ninib'˘ júu˘

cajo quiá'- lajii~ e cajmée` i dseamî na cóo'~ jnea~, joba' lajob niguiéng' dsí' dsea` ír`.

Mi~ camí' Judas Iscariote cuu~ e quiá'- nijáin'
Jesús

(Mr. 14:10-11; Lc. 22:3-6)

¹⁴ Jo ie~ jo jaang` lajee` dsea` guitúung` quiá'- Jesús i sii` Judas Iscariote cangór` fí` lí` neáng` jaléng` fii~ jmidsea` quiá'- dsea` góor` dsea` Israel, ¹⁵ jo cangosii'~ reiñ' do lala:

—¿Jial tí' cuu~ guia' óo'na' e nicuó'^na' jnea~ jo nijmee~ e úung` e nijøøn'~n Jesús fí' jaguóo'na'?

Joba' cañii` i fii~ jmidsea` do jial tí' niquír` jo cajjñ'~:

—Niquí'-baa' quií'- guigui' cutee`.

¹⁶ Jo latí' ie~ job canaang` i Judas do e 'nó'r' jial laco' nicuó` quiá'r` e nijáin' Jesús fí' jaguó` jaléng` i dsea` do.

Mi~ cagó` Jesús í' canuu` cóo'~ dsea` guitúung` quiá'r`

(Mr. 14:12-25; Lc. 22:7-23; Jn. 13 :21-30; 1 Co. 11 :23-26)

¹⁷ Jo ie~ jmi~ la'uii~ quiá'- e jmi~ e gø' dsea` Israel iñi'^ e ja` quie'^ quiéng` do, cangoquiéng` i dsea` guitúung` do fí' lí` sing' Jesús jo cajmingí'r` dsea` do:

—Fí'i'i', ¿jie~ fí' lí` iing` 'næ` e nidsiguiá'^naa' guiá'- e niquiee~ee' coling` e quiá'- e jmi~ Pascua?

¹⁸ Joba' cañii` dsea` do quiá'- i dsea` quiá'r` do jo casí'~ reiñ'!

—Güiling`-na' fí' e fii` la, jo mi~ niguilíng`-na' fí' quiá'- i dseañu' la, síi'~na're lala: “Lalab jing' Tifa' quí'-naa': Nijaquíem' e nití' í' quié'-e, joba'

ngóo'ó fí sináú^ quíi'⁻ jò fí job li~ nijmee~ e jmíi~ Pas-
cua colíing~ cóo'⁻ jaléng'⁻ dsea` guitúung` quié'e."

19 Jòba' cajméeb` ì dsea` guitúung` do laco' jii'⁻ ta`
caquiú'⁻ Jesús e nijmér⁻, jò cagua'bre guiá⁻ lajii'⁻ e
nidó'r⁻ do quiá'⁻ lajii'⁻ e jmíi~ e nijaquíéng` do.

20 Jò mi~ tí' li~ canúu` e jmíi~ jò, cangíim' Jesús fí
mes~ colíing~ cóo'⁻ ì dsea` guitúung` quiá'r⁻ do. 21 Jò
lajee~ e nineáaiñ' gø'bre mi~ tí' li~ cajíng'⁻ Jesús lala
e sí'r` ì dsea` quiá'r⁻ do:

—E já'⁻ e fíi`-i 'nú' e jaang` lajee~ 'nú' nijáng'⁻
jneá~ fí' jaguó` dsea` ì 'ní' níng⁻ jnea~.

22 Jò mi~ canúu` ì dsea` guitúung` quiá'r⁻ do lajò,
dsíng'⁻ fí'í' calíiñ⁻, jò canaaíñ` casí'r⁻ dsea` do ì`
lajee~ ír` nijmé⁻ ta~ jò, jò lalab cajíng'⁻ lajaang`
lajaaíñ`:

—Fí'i'i, ¿su o' jnea~, faa~aa'?

23 Jòba' cañíi` Jesús quiáíñ'⁻ do:

—Lí'⁻ jaang` ì gø' cóo'⁻ jnea~ fí' coo` cuéel' huíi',
íb` nijáng'⁻ jnea~ do. 24 Co' dseáng'⁻ nisi'í'ba' e
lajò nidsingín`-n jnea~, dsea` ì cajá' fí' ñifí⁻ e lín'n
jaang` dsea` jmígüi', lí'⁻ laco'gui' la fé' fí' ní' jì' quiá'⁻
Fidiée~. Jò dsu' je ngi~ fíib` ì dsea` ì nijáng'⁻ jnea~ do!
Co' guiú-guib quiá'⁻ ì dsea` í fa' mi~ ja` caliséiñ`.

25 Jò ì Judas ì niguia' guiá⁻ e nijáíñ'⁻ dsea` do, jò
'ñaia'biñ' do cajíñ'⁻ casí'r⁻ Jesús lala:

—Fí'i'i, ¿su o' jnea~, faa~aa', ì nijmé⁻ lajò?

Jòba' cañíi` Jesús quiáíñ'⁻ do:

—'Nub` nicafée'⁻ gui' lajò.

26 Jò lajee~ e neáaiñ' gø'r` íbre mi~ catíng⁻ Jesús
coo` íñi'⁻, jò cacuø'r' gui'máang'⁻ Fidiée~, jò lí' jò ca-
jméer` jmá'⁻ ca'ná'⁻ quiá'⁻ lajaang` lajaang` ì dsea`
guitúung` quiá'r⁻ do jò cajíñ'⁻ casí'⁻ reiñ`:

—Quié'na' e na, cō' e nab ngúú táan'n.

²⁷ Jō ngf̄ jō cat̄iñ̄ cōō` cōo` e a~ jmí' mí' huñg` jō', jō mi~ cangf̄ e cacuø'r' guimáang' Fidiéẽ, jō joguiba' cacuø'r' lajaang` lajaang` ì dsea` guitúung` quiá'r- do jō casí'- reiñ' do:

—Í'na' lajñg`na' e la, ²⁸ cō' e lab jmi'øøn- e nit̄ú mi~ nitán- n fí dse' crúu^ e laco' ni'íng- dsee- quiá'- lajaléng` dsea` jmigüí. Jō e jō lí' júu^ tigua~ e 'mí- e jmirø` Fidiéẽ cōo' dsea` jmigüí. ²⁹ Dsu' e já' e fí-i 'ná' e jō` nidúu'~guí jmí' mí' huñg` jō' cartí mi~ ni'né' túu' colñng` e jmí' mí' huñg` jō' e 'mí- mi~ nití- í' e Tiquié'e Fidiéẽ nicár' nifi' quiá'- lajaang` lajaang` dsea`.

Mi~ cajmée` Jesús júu^ e nijng'- Tá` Simón e ja` cuiñ` dsea` do

(Mr. 14:26-31; Lc. 22:31-34; Jn. 13:36-38)

³⁰ Jō mi~ cangf̄ jō, ca'ø'r' quiá'- e jmfíeñ' Fidiéẽ, jō ca'uøøm`bre jō cangolíng`tur fí' mó' Olivos.

³¹ Jōba' cajíng'- Jesús casí'r- ì dsea` quiá'r- do lala:

—Lajim` 'ná' nitiúum`ba' jnea~ e uøø` na; cō' lalab tōo` fí' ni~ jì quiá'- Fidiéẽ lí' fé' lala: “Nijngám'- dsea` ì fii~ ì néé' ni~ jo'se', jogui jaléng` jo'se' quiá'r- lí' nisojóm`bre'.”

³² Jō cajíng'- gui Jesús lala:

—Dsu' mi~ tí' lí' ningf̄ e nijí' túu jee~ jaléng` 'lí~, jō jéem`baa ninii~i fí' lí' se' Galilea jō fí' jōb nijí' tu rú'naa' calé' catú-.

³³ Jō cañí' Tá` Simón quiá'- Jesús:

—Dsu' song ì caguaang- do nitiúuiñ- 'ná, Fí'i, dsu' jnea~ ja` nijmee~ e lajō.

Jōba' cañí' tu Jesús quiá'ñ'- do:

34 —E laba' jmitaa^ o', Tú^ Simón, e uóø` na, nú'-gui e niquí'- tuidsée^, 'nua` nifo'^ 'ní' ya' e ja` cuín^ jnea~.

35 Jōba' cañí' Tú^ Simón quiá'- Jesús:

—Fí'i, nañí' fa' nijngáng'- dsea` jnea~ uii~ 'nua`, dsu' ja` nijmee~ e lajō.

Jō lajōb fé' i dsea` quiá'- Jesús i caguiaang- gui do cajo.

*Mi` caféng' Jesús Fidiée` fí' cōō` lí' sii` Getsemaní`
(Mr. 14:32-42; Lc. 22:39-46)*

36 Jō mi~ cangf̄ jō, cangób- Jesús coling~ cōō'- dsea` quiá'r- fí' cōō` lí' sii` Getsemaní e née' fí' mó' Olivos, jō lalab casí'r- i dsea` do mi~ caguiliñ- fí' jō:

—Lab nijá'^ 'nú' la lajee` ninii~ jnea~ nifón'^n Tiquié^ e Fidiée`.

37 Jō jíi~ Tú^ Simómbing' jéeiñ` cōō'- gui lajì gáng- i jōō' jaang` dseañu'^ i sii` Zebedeo, jō mi~ catí fí' jō, canaang` e fi'íb^ líng' Jesús jogui lijjuung~ dsír' cajo, 38 jō casí'r- i dsea` gaang` do lala:

—Dsíng'- lí'i e fi'í^ lín'n dseáng'- lafa' jō seem-baa fí' jmigüi' la lín-n. Jō lab nijá'^ 'nú' lajee` jō, jō ja` jmigüing` yaang~na' jō e sijnéeb` áána' cōō'- jnea~.

39 Jō cangób- Jesús cartí' dogui capí'^ laco' caje' i dsea` quiá'r- do, jō fí' jōb catúuiñ' cartí' cajnúu- nir~ fí' ní' uó` jō canaañ' féiñ' Fidiée` lala:

—Teaa~, leaang- jnea~ lajii~ iihuí' e nijaquiéng' quié'e; jō dsu' ja` güilí laco' iing~ jnea~, cō' güilíb` dseáng'- laco' iing~ 'nua` e nilí'.

40 Jō mi~ cangf̄ jō, caquim'- tur lí' caseáañ' i dsea` quiá'r- do, jō cadséng'^ neiñ' do e teiñ' güim`bre. Jōba' cajíng'- Jesús casí'r- Tú^ Simón:

—¿Su dseáng' ja` téb' 'nú' fa' e ja` nigüing`na' e neáng'jiu' e sijnéé` áá'na' cóo' jnea` júi' coo' oor~? 41 ¿Jiali' güing` 'nú'? Jminá` ráang`na' jo` féeng`na' Fidiéé` dsea` guing` ñifí` uii` quií`na' yaang`na', jo` lajoba' ja` dseáng' e nijiúng`na' fí` ní` dsee`. Co' eáam` iing`na' e nité'na' e sijnéé` áá'na', dsu' ngúu' táang`na' ja` cuó' fí' e nijmee`na' lajo.

42 Jo` mi'míng`guijiu' lajo` cangób`tu` Jesús e fí' jo` e catí` tú` ya' e féiñ' Fidiéé` jo` cajíñ' lala:

—Tea~, song ja` niqúí'` jmiñ` fa' e nileán`n jee` jalé' iihuí' e nijaquíéeng' quié`e, joba' lí'` güilíb` laco' iing` 'nu' e nilí.

43 Jo` mi` tí` lí` caquing`tur` fí' lí` caseáaiñ' i` dsea` quiár` do, cadséng`neiñ' e güim`tuiñ' do, co' dseáng' eáam` ja` lí` güiñ'. 44 Jo` cangób`tur` e catí` 'ní' ya' e cangoféiñ' Fidiéé`, jo` dob` caseáaiñ' i` dsea` quiár` do e güiñ', jo` camí`tur` Fidiéé` laco' nicajíñ' lami` jéeng'gui` do. 45 Jo` mi` cangí` jo`, caquim`tur` fí' lí` caseáaiñ' i` dsea` quiár` do jo` lalab` casí`reiñ' do:

—¿Su dseáng'` mí' 'noo`bi` teng'` 'nú' e jmi'íng`na'? Joba' fí`i` 'nú' e lanab` catí` í' e nijáng'` dsea` jnea` fí' jaguó` jaléng'` dsea` dsee` dsea` qui', jnea` dsea` i` cajá` fí' ñifí` e lín`n` jaang` dsea` jmi`güí. 46 Jo` jminá` ráang`na' jo` má`aa', co' nijaquíém` i` dsea` i` nijáng'` jnea` do.

Mi` casáng'` dsea` Jesús

(Mr. 14:43-50; Lc. 22:47-53; Jn. 18 :2-11)

47 Jo` lajee` gui`ná` sing'` Jesús fé'r', job` mi` caguié` Judas Iscariote, jaang` lajee` i` dsea` guitúung` quiá'` Jesús, jo` caguié` colüing` cóo' i` fíng'` dsea` i` quie'` jalé'` ñisu'` cóo'`gui` jalé'` 'ma`.

Jō jaléiñ' do ngolíiñ- lajii' ta~ quiu' jaléng' fi~ jmidsea` quiá'- dsea` Israel cóo'~gui jaléng' yáa'~ dsea` cóøng'~ quiá'r-. 48 Co' i Judas do jéem' nicajmea'r' júu^ i dsea` ngolíng- cóo'r~ do jō casí'-reiñ' lala:

—Ii` nimáang~ 'nú' i nichá'^u ni~, íb` Jesús; jō séng'na're ladsifí'.

49 Jō lajōb cajmée` Judas, cangoquiém'bre fí' lí' sing' Jesús mi~ caguiér- jō casí'r- dsea` do:

—iCá'^, Tifa'!

Jō mifíng` cachu'r' ni~ dsea` do.

50 Jōba' cañii` Jesús quiá'- dsea` do:

—Ruu'^, jmeeb- lajii' ta~ cañi'.

Jō ladsifí' lanab cangoquiéeng' i dsea` caguaang-gui do, jō casam'-bre dsea` do jōgui catór-.

51 Jō lajee~ jō, jaang` lajee~ dsea` quiá'- Jesús caguir' ñisü' quiá'r- jō caquiü'r' cataang` logua~ i dsea` 'léeng'~ quiá'- i jmidsea` laniing- do. 52 Jōba' cajíng' Jesús casí'-reiñ':

—Te'tu ñisü' quií'- ée^ quiá'-, dsuco' i dsea` i tñng` cóo'~ ñisü', cóo'~ e jōb nijúuiñ- cajo. 53 ¿Su ja` ní^ 'nú' e cuóøm` fí~ jnea~ Tiquié^e, jō nimán'~nre lí'gui guitúung` 'lé' 'lée- i líng` ángeles i líng` guotüir-, jō ladsifí' lanab nisíñ-? 54 Jō dsu' faco' lajō, ¿jial niliti~ jóng lajii' e fé' fí' ni~ jì' quiá'- Fidiée~? Co' lajaléb' e jō dseáng' 'né- e nidsijéeb' dseáng'.

55 Jō mi'míng- guijiü lajō cajmingí'- Jesús i dsea` i caguilíng- do jō casí'-reiñ':

—¿Jiali' cañilíng- 'nú' e quié^na' jalé' ñisü' jōgui jalé' 'ma` e cañiséng'na' jnea~? Co' cañilíng-na' e lafa' jnea~ lán'n jaang` ñ. Dsu' lacoo` jmüib~ ie~ lamí~ jéeng'gui do táang` jnea~ e ee- fí' guá'- fé', jō

ja` cateá- óo'na' fa' caséng'na' jnea~ ie~ jo. ⁵⁶ Jo dsu' lajalé' e na nidsijéé' jm̄i~ na e lí'^ laco' niliti~ laco' fé' fí' ni~ jì' quiá'- Fidiéé' e cajme' dsea` i café' cuaiñ~ quiá'r- malii~ gui eáang'.

Jo ie~ jo jaléng' i dsea` quiá'r- do cacuí`bre, jo 'ñiab' Jesús caseáang'guir do.

Mi~ caguiéng'- Jesús fí' quini~ jaléng' dsea` cóong~ (Mr. 14:53-65; Lc. 22:54-55, 63-71; Jn. 18:12-14, 19-24)

⁵⁷ Jo catób- i dsea` do Jesús jo cangojeáaiñ^ dsea` do fí' quini~ i jmidsea` laniing- quiá'- dsea` Israel i sii' Caifás, co' fí' job nisiseáng' jaléng' tifa' quiá'- júu^ quiu' ta~ quiá'- dsea` Israel cóo'~gui jaléng' yúu~ dsea` cóong'~ quiá'r- cajo. ⁵⁸ Jo cangám'- Tú^ Simón tì'leáaiñ laco' cangoliñ` téer` Jesús cartí' caguiliñ` fí' sigui' quiá'- e 'núu' lí' guing~ i jmidsea` laniing- do. Jo dob júi'~ caje' Tú^ Simón e fí' sigui' do coling~ cóo'~ jaléng' i jmóo` í^ guá'- e sijeeiñ~ lajii'~ júu^ nitigua~ quiá'- i jmidsea` laniing- do cóo'~ Jesús.

⁵⁹ Jo jaléng' fii~ jmidsea` cóo'~gui lajiing` i dsea` cóong' i quiu' ta~ quiá'- dsea` Israel do 'nór' jial e laco' niguié'r' e ni'níiñ- Jesús cóo'~ júu^ e o' já'-, jo lajoba' nilí'r' e nijngáaiñ- dsea` do. ⁶⁰ Jo dsu' ja` cadsé'r' jial laco' nijmér- lajo, nañí' fa' fíim' dsea` caguiling- e 'niiñ` Jesús cóo'~ e júu^ lajo cajo. Jo mi'míing~ guijiá lajo caguiling- gáng~gui dsea` jiéng' ⁶¹ jo cajíng' í':

—I nabi i dseañu' i cajíng' e tii~m`bre quí'r' guá'- quiá'- Fidiéé', jogui nijmé'-tur calé' catú- cóo'~ 'ní' jm̄i~.

62 Jo caróō i jmidsea`laniing` do jo cajmingí'r` Jesús lala:

—¿Jialí' ja` ngíi' jii' cōo? ¿E` fó' lajii' e júu` e fé' i dsea` na uii` quíi'?

63 Dsu' Jesús tiib` cajer', ja` e cañíir` jii' cōo. Joba' cajíng' tu i jmidsea`laniing` do:

—La'eáang' cóo' Fidiée` dsea` jí', lana quiú'`u ta` e nijmée'` júu` já' su 'nu` i líng' i Joo' Fidiée` camíng' do i nisíng` Fidiée` i nicá` nifí' quí'ii'.

64 Joba' cañíi' Jesús quiáin'` do:

—'Nub` nicafée'`gui'. Jo fii`i 'nú' lana e nimáam`ba' jnea~, i líng' i dsea` i jáa' fí' ñifí' e lán'n jaang` dsea` jmigüi', e guin`n lí' lí' dsée' laco' guing` Fidiée` dsea` féng' dsea` níng' i 'gøng' eáang', jogui nimáam`ba' jnea` cajo mi` nigáatuu` fí' jmigüi' e quín'`n jee` cabøø` jníi'.

65 Jo mi` canúu` i jmidsea`laniing` do lajo, lico' casíin'` sí'`bre e cuø' lí' e liguíim`bre jo cajíin'`:

—Lajii'` júu` e nicafé'` i dseañu'` na gab` fé'r` uii'` quíá'` Fidiée`, jo jo` i 'neáng`guí' fa' i ni`ning`gui ír', co' 'núb'` nicanúu`gui' lajii'` júu` ga` e nicafé'r'.

66 Joba' ¿jial í' óo' 'nú' cuaiñ` quíá'` e júu` jo?

Joba' cañíi' i dsea` 'leáang' do:

—E jáb'` e óo`bing' na dsee`, joba' dseáng'` 'né` e nijúum`bre.

67 Jo canaaiñ` 'ñíim`bre dsea` do jogui jmihuúim`breiñ' cajo, jogui i líng`gui dsea` bár` moni` dsea` do 68 jo sí'r` lala:

—Song já'` e 'nu` lin' i dsea` i sijeeng`naa' do i nicá` nifí' quí'naa', joba' ijmee` júu` lana i` cabøøng` 'nu'!

Mi~ cajíng' Tú^ Simón e ja` cuiñ` Jesús

(Mr. 14:66-72; Lc. 22:56-62; Jn. 18:15-18, 25-27)

69 Jo lajee` jo, dob guing` Tú^ Simón fi' siguí' fi' li~ si' 'nu~ i jmidsea` laniing` do fi' li~ quiu'r' ta~. Jo lajee` jo jaang` dseamf i nijmoo` ta` e fi' jo cangoquiéeiñ' fi' li~ guing` Tú^ Simón jo casí'-reiñ':

—'Nu` cangi`ba' cajo cóo'~ Jesús i seeng` fi' Galilea, ¿já` leáa'~?

70 Jo Tú^ Simón cañíir` quiá'- i dseamf do jo cajíñ'- casí'-reiñ':

—Ja` ñii` ee` e fi' jnea` na, dseamf.

71 Jo mi'máing`guijiu lajo cangoquiéeng' Tú^ Simón fi' o'nú` quiá'- e 'núu' li~ guing` i jmidsea` laniing` do e quiu'r' ta~, jo fi' job jíeng`gui jaang` dseamf cangá` quiá'r~, jo cajmea'r' júu` jaléng` i dsea` caguiaang`gui do jo casí'-reiñ':

—I dseañu' na cangi`bre cóo'~ Jesús i seeng` fi' Nazaret cajo.

72 Jo caleáb` catú` cañíi` Tú^ Simón jo cajíñ'-:

—Ni~ fii` ja` i dseañu' do cúing` jnea` la, dseamf.

73 Jo mi'máing`guijiu lajo i dsea` i neáang` quiá'- dogui cangoquiéeiñ' fi' li~ sing' Tú^ Simón jo casí'-reiñ' do:

—'Nu` dseañu' e já'-ba' e ngi' cóo'~ Jesús cajo, có' cóo'~ lajú'~ jial fó', nabi nicuø' li~.

74 Joba' cañíitú Tú^ Simón jo casí'-reiñ' do:

—iDseáng'- e jáb'- ni~ fii` e ja` i dseañu' do cúing` jnea` la!

Jo ladsifí' lanab caqui' jaang` tuidsée^. 75 Jo joguib mi~ cadse'- dsí' Tú^ Simón e lajob cajíng'- Jesús lami` jéeng`gui mi~ cajíñ'- casí'r- dsea` do lala: “Lajee` e nú'-gui e niquí'- jaang` tuidsée^, 'nu` nifo'^ 'ni' ya' e ja` cuiñ'` jnea`.” Jo cagüi`ñb'

Tú^ Simón fí caluu^, jò caqui'r' dseáng' e ngocáng` dsíir' uí' e calíñ` fí'í' eáang'.

27

*Mi~ caguiéng' Jesús fí' quini^ dseata~ Pilato
(Mr. 15:1; Lc. 23:1-2; Jn. 18:28-32)*

¹ Jò mi~ tí' lí~ cajneá~ e jmiñ~ jò, lajaléng' fii~ jmid-sea` cóo~ gui lajaléng' yáú~ dsea` cóøng' quiá~ dsea` Israel casíñ~ røø` quiá~ jial laco' niguié'r' e nijngáiñ~ Jesús. ² Jò cató~ bre dsea` do e 'ñúuiñ~ jò cangojeáañ^ fí' quini^ jaang` dsea` i sii Pilato i líng` jaang` dseata~ romano.

Mi~ cajúng~ Judas Iscariote

³ Jò i dseañu~ i sii Judas Iscariote, i dsea` i cajáng' Jesús fí' jaguó` jaléng' i dsea` do, mi~ cangár~ e jaléng' i dsea` í' tí' lí~ nijngám~ bre Jesús, jòba' jòb mi~ tí' lí~ calilí'r^ lajii~ dsee~ e ca'éer` do, jògui cajo~ dsíir' cóo~ lajii~ e nicajméer` do, jòba' cajáb'tur i fii~ jmidsea` do cóo~ gui jaléng' i yáú~ dsea` cóøng' quiá~ dsea` Israel do lajii~ e guigui' í' cutee` e ca'íñ` quiá~ e cajáiñ` Jesús do, ⁴ jò lalab cajíñ~ casí~ reiñ':

—Nica'ee~baa dsee~ e nicajaan~n fí' ni~ 'mó~ jaang` dseañu~ i ja` røøng` dsee~ jii~ capí'.

Jòba' i dsea` do cañíir` quiáiñ~:

—¿E~ cuaiñ~ quí~ jnea^ e cajmee~ 'nu` lajò? iCuaiñ~ quíib~ 'nu` e jò!

⁵ Jò i Judas do fí' dob cabír` e cuu~ do fí' dsíí' sináú^ guá~ fé~ jò cagüi'í~ bre jò cangote'r` si` luur~ e cangojngáang' 'ñia'r'.

⁶ Jò jaléng' i fii~ jmidsea` do casitím~bre e cuu~ do jò cajíñ~:

—E cuu⁻ la nisi^li^h c^oo^l~ jmi^løøng⁻ dsea[,] jo ja^l cuøøng^l fa^l e nidsitoo^l~gui^l fi^l dsí^l guóo^l li^l dsi^lma^l cuu⁻ quiá^l- guá^l-.

⁷ Jo j^o job mi^l casiiñ⁻ røø^l e nilár⁻ coo^l uó⁻ c^oo^l~ e cuu⁻ do; j^o e uó[^] j^o sii^l Uó⁻ li^l uø^l Dsea^l Guóo^l~ quiá^l- e Jmóor^l Tu^l. Jo j^o job li^l cajme^lr^l coo^l codsii^l li^l ni^láaiñ⁻ jaléng^l dsea^l i jalíng⁻ fi^l caluu^l i lingiiing⁻ júung⁻ fi^l fi^l do. ⁸ J^oba^l e uó⁻ do sii^lbi^l cajo^l latí^l lana Uó⁻ li^l Catuu^l Jmi^løøng⁻. ⁹ Jo j^o job calití^l laco^l jii^l~ e cajíng^l- i dsea^l i calisí^l Jeremías, jaang^l i café^l cuaiñ^l quiá^l- Fidié^l mali^l~gui^l eáang^l, mi^l cajíñ^l- lala: “Cacá⁻bre laji^l guigui^l cutee^l lí^h laco^lgui^l lajii^l~ 'móo^l~ cacuø^l dsea^l Israel, ¹⁰ jo c^oo^l~ e cuu⁻ job calár⁻ e guóo^l~ uó⁻ e sii^l Uó⁻ li^l uø^l dsea^l Guóo^l~ quiá^l- e Jmóo^l Tu^l, lí^h laco^lgui^l ta^l e caqui^l Fíi^l.”

*Mi^l caguiéng^l- Jesús fi^l quini^l dseata^l Pilato
(Mr. 15:2-5; Lc. 23:3-5; Jn. 18:33-38)*

¹¹ Jo mi^l caguiéng^l- Jesús fi^l quini^l i dseata^l i sii^l Pilato do, jo í^l cajmingí^lr⁻ Jesús:

—¿Su e já^l-ba^l e 'n^u lin^l dseata^l dsea^l féng^l i quie^l nifi^l quiá^l- jaléng^l dsea^l góo^l dsea^l Israel?

—'Nub^l nicafée^l~gui^l —cañí^l Jesús.

¹² Jo lajee^l e teáang⁻ i fi^l jmidsea^l do c^oo^l~gui^l jaléng^l yúu^l dsea^l cøøng^l e jmóor^l dsee⁻ quiá^l- Jesús, dsu^l dsea^l do ja^l e ngúir^l jii^l~ coo^l quiá^l- i dsea^l í. ¹³ Jo uí^l~ j^oba^l cajmingí^l dseata^l Pilato cajmingí^lr⁻ Jesús jo cajíñ^l-:

—¿Su ja^l nuu^l lajii^l~ dsee⁻ e cuø^l i dsea^l na 'n^u?

¹⁴ Jo dsu^l Jesús ja^l cañíir^l jii^l~ camí^l^ júu^l quiá^l- dseata^l do; j^oba^l i dseata^l do eáam^l cangogá^l dsír^l jo jo ñir^l e~ nijmé⁻guir.

*Mi cahú¹ ta e nijúung Jesús**(Mr. 15:6-20; Lc. 23:13-25; Jn. 18:38-19:16)*

15 Jo lajee[✓] e jmí[~] e gø' dsea` Israel iñí[^] e ja`
 quie[^] quiéeng` jo t́ing` i dseata` do e láaiñ` jaang`
 dsea` sijníng` 'nañí[^] lí[^] doñí` ii` i niguíng` dsea` fií.

16 Jo ie` jo ni'iuung` jaang` dsea` i ninica'lee' eáang`
 i sii` Jesús Barrabás. 17 Jõba' cajíng` i dseata` do
 cajmingí'r` dsea` fií:

—¿I` dsea` iing` 'nú' e nilaan`? ¿Su Jesús
 Barrabás ofa' Jesús i sii` Dsea` Jmáang` dob é?

18 Jo dsu' calilí[^] i dseata` do e cajáng` i dsea` do
 Jesús uí[~] e dsihuím`bre quiá[^] dsea` do.

19 Jo lajee[✓] guíing` i dseata` Pilato do fí lí quiu'r`
 ta, lajee[✓] jõb caguié` júu[^] quiá[^] i dseamf` quiá'r`
 do jo sí'reiñ': "Ja` e jmoo" jí[~] cõõ` cõõ[~] i dseañu' i
 ja` dsee` røøng` na, dsucõ' dsi'lóo`bi gab` caqufi uí[~]
 quiá'r`."

20 Jo dsu' jaléng` i fií` jmidsea` do cõõ[~] gui jaléng`
 yúu[~] dsea` cõøng` cacøøiñ` dsíí` jaléng` dsea` fií` e
 laco' nileáang` i Barrabás do jogui e nijúum` Jesús.

21 Jo dsu' i dseata` Pilato do cajmingí'tur calé`
 catú` dsea` fií` jo cajíñ[^]:

—¿I` lajee[✓] i dseañu' gáng` la iing` 'nú' e ni-
 laan`? ¿Su Jesús ofa' Barrabás?

Jõba' i dsea` fií` do cañír` jo cajíñ[^]:

—¡Leaang` Barrabás!

22 Jo caleá` catú` cajmingí'tu dseata` Pilato jo
 cajíñ[^]:

—Jo ¿e`gui nijmee` jnea` jóng cõõ[~] Jesús i sii`
 Dsea` Jmáang` la?

Jõba' lajim` i dsea` fií` do cañír` jo cajíñ[^]:

—¡Gütáiñ` fí` dse` crúu`!

23 J̄oba' cañíi` dseata~ Pilato quiá'- i dsea` fī do j̄o cajíñ'- casi'-reiñ':

—¿E~gui e ga` e nicajméer` e catíñ- laj̄o?

J̄o dsu' caleáb`tu cacuø` i dsea` fī do 'goo` j̄o cajíñ'-:

—¡Güitáiñ- fi' dse` crúu`!

24 J̄o coob` mi~ jo` ñí' dseata~ Pilato e~ nijmé- guir, co' dseáng'- gab` ta' i dsea` do m̄í~ e mir' e nitáng- Jesús fi' dse` crúu`, j̄oba' caquiur' ta~ dsea` quiá'r- e cangoquieñ` j̄m̄ī j̄o carur' guóor` fi' quini` jaléng` dsea` fī j̄o cajíñ'-:

—Ja` dsee- quie- e lajii~ 'mó- nitíng- i dseañu' la, co' cuaiñ` quí- 'nú' yaam`ba' na.

25 J̄oba' lajiīm` dsea` fī cañiir`:

—¡Jneab` colíing` cóo~ jaléng` j̄o`naa' nine'- ni'naa' lajii~ 'mó- quiá'- i dseañu' na!

26 J̄o dseata~ Pilato caleám`bre Barrabás; j̄o caquiur' ta~ e cabóøm- Jesús, j̄o mifíng` cajám`bre dsea` do e quiá'- nitáiñ'- do fi' dse` crúu`.

27 J̄o jaléng` 'lée- quiá'- i dseata~ do cató-bre Jesús fi' 'nufi` j̄o casíñ` yaaiñ~ lacúng` lajíng- laco' sing' dsea` do. 28 J̄o i 'lée- do ca'uø`bre si` Jesús j̄o ca'iaiñ' dsea` do coo` jmáang` 'mi' e nú'. 29 Jogui catá'r- coo` lí` corona e líí` cóo~ layaang~ tóo' fi' mogui~ dsea` do, jogui coo` sii- cacuø'r' dsea` do j̄o casaiñ'- do fi' guóor` dsée'. J̄o mi~ cangí j̄o, casí'r` uó- j̄nir~ fi' quini` dsea` do j̄o lóøiñ- dsea` do j̄o sí'r` lala:

—¡Majmiféng`naa' dseata~ dsea` féng' quiá'- dsea` Israel!

30 Jogui 'ñíim`bir dsea` do cajo, j̄o cóo~ e sii- e cacuø'r' dsea` do, cóo~ e j̄ob canaiñ` bár' fi' mogui~ dsea` do. 31 J̄o mi~ cangí e jmóor` ta~ lóøng- dsea` do,

cajéb'tur e jmaáng'~ 'mi' do jō caquing'tur dsea` do siñ' e lamĩ qui'r', jō cajém`bre dsea` do fí lí` nitáin` fí dse' crúu`.

Mĩ catáng` Jesús fí dse' crúu`

(Mr. 15:21-32; Lc. 23:26-43; Jn. 19 :17-27)

³² Jō lajee` e ningolín` jéin` dsea` do, cajín` jaang` dseañu` guiá' fí i sií` Simón i niseeng` fí cō` fii` e sií` Cirene; jō caquiũ' i dsea` i jéeng` Jesús do ta` i dseañu` í e cajéin` do crúu` quiá'` Jesús.

³³ Jō mi` caguilín` fí cō` lí` sii` Gólgota e guóng` Cuō` Mogui` 'Lii~, ³⁴ jō fí jōb cacuø'r` Jesús jmí'` mí'` huing` jó' e tí' e sicáang'` cōo'~ jmí'` dsi' e gui'`; jō cōo` ni'ba' cali'ing` dsea` do ca'í'r`, jō jō cali'ing` guir fa' ca'í'` guir.

³⁵ Jōba' mi` tí` lí` nicateáin` Jesús fí dse' crúu`, i 'léé` do canaain` cóor` e laco' nigüéang` i nilí' i nicóo` e si' dsea` do. ³⁶ Jō mi` cangí jō, dob caguár` e jmóor` í` Jesús lajee` táang` dsea` do fí dse' crúu`. ³⁷ Jō fí yú'` gui` dsea` do catéer` cōo` lí` tōo` júu` e fé' e` uing` quiá'` e jmáng` dsea` ír` lado, jō lalab tōo` : "I lab Jesús, dseata` dsea` féng'` quiá'` dsea` Israel."

³⁸ Jō gáng` ii` catáng` fí dse' crúu` coling` cōo'` Jesús cajo, jmá'` jáng` crúu` la jaain` do, jaain` do táain` lí'` lí` dsée` jō jaang`guin` do lí'` lí` tuung`. ³⁹ Jō jaléng'` dsea` i ngüing` fí lí` táang` Jesús fí dse' crúu` do, gab` fé'r` uii` quiá'` dsea` do jō lico'` guia'r` mogui`bre jōin` dsea` do jō fé'r`:

⁴⁰ —'Nu` dsea` fó' e niqui'` guá'` jō nijmée'`tu' calé'` catú` cōo'` 'ní` jmii`. Jō song` jái'` e 'nu` lin'` Jōo' Fidié` i camüing'` do, jōba'` jleang` uø'` lí` táan'` na jóng!

41 Jo lajobi jaléng^l fi[~] jmidsea` cajo cóo^l~gui jaléng^l tifa^l quiá^l- júu[^] quiá^l ta[~] quiá^l- dsea` Israel cóo^l~gui jaléng^l yáa^l~ dsea` cóong^l~ quiá^l-r- lóom⁻bre dsea` do jo fé^lr:

42 —Caleám⁻bre jaléng^l dsea` jiéng^l jo lajo güileáang` 'ñia^lr' lana. Jo song já^l- e líiñ^l dseata[~] dsea` féng^l quiá^l- dsea` Israel, joba^l güijgiáang[^] 'ñia^lr' lí[~] táaiñ^l fí^l dse^l crúu[^] na jo lajoguiba^l já^l- nilí^l'i' jóng e líiñ^l i Joo^l Fidié[~] camúng^l do. 43 Jo song dseáng^l- já^l- líiñ^l e Fidié[~] seeng^l cóo^lr[~], joba^l íb^l catúng⁻ nileáng^l ír^l lana song dseáng^l- já^l- e iing[~]neiñ^l; co^l nicajím^l-bir e líiñ^l i Joo^l Fidié[~] camúng^l do, ¿já[^] leáa^l?

44 Jo jì^lgui jaléng^l i ii^l i táang^l cáang^l Jesús do, gab^l fé^lr uii[~] quiá^l- dsea` do cajo.

Mi[~] cajúng⁻ Jesús

(Mr. 15:33-41; Lc. 23:44-49; Jn. 19:28-30)

45 Jo mi[~] tí^l lí[~] catí^l guieñí^l- jo cartí^l la ii⁻ 'ní^l e ca^llío⁻ dseáng^l- canuu^l sób^l fí^l e guóo^l~ uó⁻ jo. 46 Jo lajee[~] job mi[~] ca^llío⁻ Jesús e teá^l jo cajíñ^l-:

—Elí, Elí, ¿lama sabactani? —e guóng^l: Fidié[~] quié⁻ e, Fidié[~] quié⁻ e, ¿jali^l nicatiun^l jnea[~]?

47 Jo i líng[~] i dsea^l i teáng⁻ do ie[~] jo canúur⁻ e cajíng^l- Jesús lajo, joba^l cajíñ^l-:

—I Lí[^] tó^l i dsea^l na, jaang^l dsea^l i café^l cuaiñ[~] quiá^l- Fidié[~] malí[~]gui eáang^l.

48 Jo ladsifí^l lanab jaang^l lajee[~] i dsea^l do cangór⁻ güí^llí^l jo cangoquier^l cóo^l joo^l jo cajmi^l'lear^l cóo^l~ jmí^l mí^l huíng^l jó^l e tí^l jo caquidsir^l fí^l cóo^l yá^l sii⁻ jo ca^lúuiñ^l fí^l mo^loo⁻ dsea^l do e laco^l niyúñ^l-.

49 Jo dsu^l i dsea^l caguiaang⁻gui do cajíñ^l-:

—Jéeng`gui cateá, ne`duu' su nigüéeng` i Líí` do i nileáng` ír`.

⁵⁰ Jo Jesús caléb` catú` ca'óor` teá` lado, jo ngf` jo cajúm`bre. ⁵¹ Jo ladsifí` lajob calí` tú` dseá`- joo` e 'mi' e í' guiá`^ joo` guá`- fé` e si' fí' Jerusalén, co' casíng` catí' yá`^ jogui cartí' uii`. Jogui cajo cajó`^ uó` jogui cafiing` jalé`^ cuu` cóo`~, ⁵² jogui jalé`^ ée` li` teáng`^ 'lii` canab; jogui fíim` jaléng`^ dsea` quiá`- Fidiée` y i nicajúng` lamí` jéeng`gui cajíb`tur. ⁵³ Jo mi` cangf` e cají`tu Jesús, jo jaléng`^ i dsea` i cají`tu do cangolíi`^ fí' Jerusalén fí' li` lí' fíi` güeang`^ quiá`- Fidiée`, jo fíim` dsea` i cangáng` ír` fí' jo.

⁵⁴ Jo mi` cangá` i fii` 'lée` do cóo`~gui jaléng`^ i dsea` i teáng` cóo`r` do ijmoo`í` Jesús jial cajó`^ uó` jogui cóo`~ jalé`^ e calí`gui do, joba' eáam` cafó`iñ` jóng` jo cajíi`^:

—E nijáb`- e i dseañu` na líi`iñ` i Joo` Fidiée` camíng`^ do.

⁵⁵ Jo ie` jo dob teáng` i fíing` dseamf` i joo`- catí` huíi` i nicajalíng` cóo`~ Jesús catí' li` se' Galilea jogui i nicajmicoo`~ quiá`r` cajo. ⁵⁶ Jo jee` jaléng`^ i dseamf` í` quiéng` Yá` i seeng` fí' Magdala, jogui Yá` niquiá`^ Tiáa` cóo`~ Sé`, jogui niquiá`^ jaléng`^ joo` yúu`~ Zebedeo cajo.

Mi` ca'áng` Jesús

(Mr. 15:42-47; Lc. 23:50-56; Jn. 19:38-42)

⁵⁷ Jo mi` tí' li` ngoo` ca'í' núu`^, caguié` jaang` dseañu` i sea` cuu` eáang` i sii` Sé` i seeng` fí' coo` fíi` e sii` Arimatea, jo í` cangi`bre cóo`~ Jesús lamí` jéeng`gui cajo. ⁵⁸ Jo i dseañu` í` cangó`-bre fí' li` guiing` dseata` Pilato jo cangomir` fí' e fa' ni'áam` bre

Jesús. Jòba' cacuøb' i dseata~ Pilato do fí lajo. ⁵⁹ Jo cangojgiám' i Sé^ do Jesús fí lí táaiñ' fí dse^ crúu^, jo caquiñ' dsea` do cóo'~ cóo' 'mí' té` e niguó^, ⁶⁰ jo cango'áam'bre dsea` do fí cóo' dsí' tó' lí ja` ii' mí áang' jii'~ jaang'; jo uø^- quiá'-bre lí' lí ca'áaiñ^- dsea` do, jo ja` mí ngóó' eáang' caquiæ'r' ta` e calí^- e too' éé` do. Jo mí tí' lí calí^, caquiéer' cóo' cuu~ e dsée^- e otoo' éé` do jo cangám'-bre jóng. ⁶¹ Dsæ' i Yá^ i seeng' fí Magdala do cóo'~gui i Yá^ jaang'gui do, dob cajer' fí quini` e too' éé` e lí ca'áng^- Jesús.

Mi~ cajmée` dsea` í^ oo^- éé` quiá'- Jesús

⁶² Jo mí tí' lí cajneá^- e jmii~ cóo'gui do, jo ie~ jo cangotíng' jmii~ e jmi'íng' jaléng' dsea` Israel, job mí cangolíng^- jaléng' fi~ jmidsea' quiá'- dsea` Israel colíng'~ cóo'~ jaléng' dsea` Israel i lúng' dsea` fariseo fí lí guíng' dseata~ Pilato jo casí^- reiñ' do:

⁶³ —Dseata~ quí-ii', tóob' dsí'naa' e ie~ lamí~ seeng'gui i dsea` i jmigóo' do cajíñ'- e mí ningf' ní' jmii~ e cajúñ'-, nijíb'tur calé' catú'. ⁶⁴ Jo uíing~ e joba' síi'naa' 'na' e nijmé^- dsea` íb' e lí ca'áng^- dsea` do lajee' 'ní' jmii~, có' jial fíng lajee' dsea' quiá'-bre nijalíng^- e uøø' jo niguím'bre dsea` do, jo mí nilicøøng'gui lajo nijmigóor' e nicajíb'tu dsea` do. Jogui song nilí lajo, joba' eáang'guib ga` nilí jóng laco'gui latí' mí uii~ do.

⁶⁵ Joba' cañí' dseata~ Pilato jo cajíñ'-:

—Lab teáng^- 'lée^- i cuøøng' lí jmeáang'~na' ta~ i nijmé^- í^ oo^- éé`. Jo güilíng' na' colíng'~ cóo'r~ jo güijmee-na' í^ car' jíé' jii'~ lí quí^- jmii~ fí jo.

⁶⁶ Jo cangolímg'~biñ' do cóo'~ i 'lée^- do jo cajméer' lí fí' e cuu~ fé' e jní' e oo^- éé` do e laco' ja` ii' cuøøng'

nineá⁻; jō dob caseáaiñ' 'lée⁻ i caguá⁻ cajmée' í⁻ e fí jō.

28

Mi~ cají'tu Jesús

(Mr. 16:1-8; Lc. 24:1-12; Jn. 20:1-10)

¹ Jō mi~ tí lí~ cangi⁻ e jmĩ⁻ e jmi'ing' jaléng'⁻ dsea⁻ Israel e lí'⁻ lí' ngóó' nijneá' e jmĩ⁻ la'uii~ quiá'⁻ seamaan~ , jō cangojōø⁻ Yá⁻ i seeng' fí Magdala cóo'⁻ gui i Yá⁻ jaang'gui do fí lí~ ca'áng⁻ Jesús. ² Jō lajee⁻ jōb mi~ cajō'⁻ uō⁻ e eáang', co' jaang' ángel i lāng' guotii⁻ Fidiée⁻ cajgáng⁻ fí yá'⁻ jmĩgüi⁻ ie~ jō, jō cangoquiéeiñ' fí oo⁻ ée' quiá'⁻ Jesús, jō cajér' e cuu~ fé'⁻ e jní' e oo⁻ ée' do, jō fí ni~ jōb caguár'. ³ Jō dseáng'⁻ jlo'⁻ jing' i ángel do lí'⁻ laco'gui la jnéeng⁻ jì mi~ jmĩjneá' güi'ñiá' jì~re', jogui jlo'⁻ tee' sîr' cajō dseáng'⁻ lí'⁻ laco' la tee' jōb' dseáng'⁻. ⁴ Jō i 'lée⁻ i teáng⁻ jmóo' í⁻ e oo⁻ ée' do dsíng'⁻ cajléiñ⁻ dsu' uíi' e 'gór' jō jì'gui cartí' ca'íng⁻ dsíir'. ⁵ Jō i ángel do casí'r⁻ i dseamf do jō cajíñ'⁻:

—Ja fōøng'⁻ na' jii'⁻ coo', co' ñi'baa guiá⁻ e Jesús dsea' náng'⁻ na' i cajúng⁻ fí dse' crúu' do. ⁶ Jō dsu' jō iuuiñ⁻ fí la lana, co' nicají'bre lí'⁻ laco'gui cajíñ'⁻ ie~ lami~ cangi' cóo'⁻ 'nú' do. Ñilíng⁻ na' ñijōø⁻ na' fí lí~ ca'áang⁻ dsea' ír'. ⁷ Jōba' fii' i 'nú' lana, güilíng'tu' lajminá⁻ jō güijmée'⁻ na' júu' jaléng'⁻ dsea' quiá'r⁻ e nicají'b'tur jō jéeng'guir nidsér⁻ fí lí' se' Galilea laco'gui 'nú', jō fí jōb nimáang⁻ na're. Jō jii'⁻ lanab júu' quíee⁻ quíi' na' lana.

⁸ Jōba' i dseamf do caquim'⁻ bre lajminá⁻ e fí oo⁻ ée' do, jō lajee⁻ jō dseáng'⁻ 'gó'bre jogui dseáng'⁻

dsíng' iáang` dsíir' cajo. Jò jmináb` cangolíin` e cangocóor` e júu` do fí` quini` jaléng' i dsea` quiá'- Jesús do. ⁹ Jò jo` huóø` líi~ lajò, coob` mí` cajmijnéeng` 'ñia' Jesús fí` quini` i dseamf` do jò caféng' neiñ' do. Jò cangoquiém`bi i dseamf` do cajo fí` lí` sing' dsea` do jò canaaiñ` do ríir` tíi` dsea` do jò lajee` jò jmiféng' neiñ'. ¹⁰ Joba' cajíng'- Jesús casí'r- i dseamf` do:

—Ja` fóøng`na' jíi~ coo`, jò güilíng`na' lana jò güisíi~na' jaléng' dsea` quié` e i líng' laco' rún`n e güidsilíin` fí` lí` se' Galilea lajminá`, jò fí` job nijí' rú`naa' cóo'r~.

Lajíi~ júu` quiá'- 'léé` e casí'r- fíi` jmidsea`

¹¹ Jò lajee` e ngolíng` i dseamf` do, i líng` i 'léé` i teáng` jmóo` í` do caguilíin` fí` jee` fíi` jò casí'r- jaléng' i fíi` jmidsea` do laji` e calí` do. ¹² Joba' i fíi` jmidsea` do cangolíim`bre e cangosiin` cóo'~ jaléng' yúu~ dsea` cóøng'~ quiá'- dsea` Israel cuaiñ` quiá'- lajíi~ júu` e nisea` quiá'- Jesús do. Joba' casíiñ` e cacuø'r' jmiguiú' cuu- i 'léé` do ¹³ jò casí'-reiñ' do lala:

—Lalab júu` nijmitíng`na', e lajee` uóø` e teng'na' güim`ba', caguilíng` i dsea` quiá'- Jesús do jò caguíim`bre dsea` do fí` dsíi` tó` éé`. ¹⁴ Jogui song nilíi` dseata~ lajíi~ e júu` jò, joba' jneab` nine~naa' jial laco' nisíng`naa' cóo'r~ e laco' ja` ni'uíng` huíng' quíi~na'.

¹⁵ Jò ca'ím' i 'léé` do e cuu- do jò cajmée`bre lajíi~ júu` e nisínur`. Jò lajob jíi~ líi` júu` e ngí' cartí` jmíi~ na jee` jaléng' dsea` Israel.

*Lajíi~ júu` e ca'íi~ Jesús quiá'- dsea` quiá'r-
(Mr. 16:14-18; Lc. 24:36-49; Jn. 20 :19-23)*

16 J_oba' laj_ob cajmée` i dsea` guijáng` quiá'- Jesús do, cangolím`bre fí lí` se' Galilea j_o cangolín` fí c_oo` yú` mó` fí lí` caquiá' Jesús ta~. 17 J_o mi` tí` lí` cangáiñ` Jesús, eáam' cajmiféiñ' dsea` do, j_o dsu' seem`bi i líng` cajo i ja` já'- líng` e dsea` do Jesús. 18 J_o cangoquiém' Jesús fí` quiá'- gui laco' teáiñ'- do j_o casí'r` dsea` do lala:

—Fidiée` nicacuø'r` jnea~ e niquiá'`u ta~ fí latøøng` fí ñifí` jogui fí` ni` guóo`~ uø` la. 19 J_oba' güilíng`na' fí jalé` fí e sea` fí jmigüí, j_o jmee`na' e niquí'- jing` yaang` dsea` e laco' ni`uíñ` dsea` quié`e; jogui mifíng` seaang`na'r jmí` la'eáng` cóo`~ júu` quiá'- Tiquié`e Fidiée` jogui la'eáng` cóo`~ jnea~, i J_oor` camíng` do, jogui la'eáng` cóo`~ Jmiguí` quiá'- Fidiée` cajo, 20 jogui ée`na'r jial laco' nijmitir` lajalé` e júu` quiá'- Fidiée` e nicafí` i`nú` e nijmití`na'. Jogui güilíñ`na' guiá` e seem`baa cóo`~ 'nú` laco` jmí` laco` jmí~, j_o dseáng`- laj_ob nilí` car` ngongí` jmí~.

J_o laj_ob nilí`.

J_o lanab jíi` lí` júu` quiá'- Fidiée` e cajme' Mateo.

Júu 'má e cacuo fidiée
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

30c6f873-0dee-5863-8883-ba3c5eaa988c